

马氏南唐书

马令

文硕阁

wenshuoge.com

目录

关于我们	3
提要	5
南唐书卷一	6
南唐书卷二	10
南唐书卷三	13
南唐书卷四	17
南唐书卷五	20
南唐书卷六	24
南唐书卷七	28
南唐书卷八	31
南唐书卷九	34
南唐书卷十	37
南唐书卷十一	40
南唐书卷十二	43
南唐书卷十三	46
南唐书卷十四	49
南唐书卷十五	52
南唐书卷十六	55
南唐书卷十七	57
南唐书卷十八	60
南唐书卷十九	62
南唐书卷二十	65
南唐书卷二十一	68
南唐书卷二十二	71
南唐书卷二十三	74
南唐书卷二十四	78
南唐书卷二十五	80
南唐书卷二十六	82
南唐书卷二十七	85
南唐书卷二十八	87
南唐书卷二十九	89
南唐书卷三十	91

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

南唐书 载记

提要

【臣】等谨案南唐书三十卷宋马令撰令宜兴人陈振孙书录解题载令自序称其祖太博元康世家金陵多知南唐故事未及撰次令纂先志而成之实崇宁乙酉云云则令乃北宋末人此本不载令自序盖偶佚也陆游重修南唐书首载元赵世延序称马元康胡恢等迭有所述今复罕见竟以为令祖元康所作殆当时未睹其本故 闻致误欤其书首为先主书一卷嗣主书三卷后主书一卷盖用蜀志称主之例次女宪 一卷列后妃公主而附录列女二人次宗室 一卷列楚王景迁等十二人而从度从信二人有录无书次义养 一卷列徐温及其子六人附录二人次列 四卷次儒者 二卷次隐者 一卷次义死 二卷次防隅 次苛政 共一卷次诛死 一卷次党与 二卷次归 二卷次方术 一卷次谈谐 一卷皆优人也而附以迂儒彭利用次浮屠 次妖贼 共一卷次叛臣 一卷次灭国 二卷闽王氏楚马氏也次建国谱次世系谱共一卷建国谱者地理志世系谱者叙李氏所自出也每序赞之首必以呜呼发端其书法亦颇不苟作惟于诗话小说不能割爱遂不免芜杂琐碎自矜其书又如建国谱之叙地理仅有军州而无县则省不当省世系谱不过出自唐吴王恪于先主书首一句可毕而复述唐代世系远溯皋陶尤繁不当繁亦乖史体均不及陆游重修之本然椎轮之始令亦有功故今从新旧唐书之例并收录焉乾隆四十五年五月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

南唐书卷一

宋 马令 撰

先主

土运中圯诸侯跋扈基搆自吴绍于唐祚作先主书先主姓李唐宗室裔也小字彭奴其父荣之父志志之父超超蚤卒志为徐州判司因家焉荣性谨厚适丁世乱晦迹民间号李道者彭奴以光啓四年生于彭城【未名故书小字】流寓濠泗吴武王杨行密克濠州得之奇其状貌养以为子而杨氏诸子不能容行密以乞徐温乃姓徐名知诰温尝梦水中黄龙十数温获一龙而寤翌日得知诰知诰奉温以孝闻徙温出不如意杖而逐之及归拜迎门温惊曰尔在此也知诰泣曰为人子舍父母何适父怒而归母子之常也温由是爱之逮壮身长七尺广颡隆准精彩铄人语声清畅常缓行徙者濶步不能及相工云此龙行虎步也徙温攻伐身先士卒为楼船军使以舟兵屯金陵柴再用攻宣州用其兵杀李遇以功拜升州刺史时江淮初定州县吏多武夫务赋敛为战守知诰独好学接礼儒者能自励为勤俭以宽仁为政逖近向风郡政大治徐温镇润州以升宣常池黄为属温闻知诰理升州有善政往视之见其府库充实城壁修整乃徙治之而迁知诰润州刺史知诰初不欲往屡求宣州温不与时温嫡子知训为淮南节度副使秉国政知诰至京口不乐既而知训为朱瑾所杀温居金陵未及闻知诰居润州近广陵得先闻即以州兵渡江定乱遂为淮南节度副使温至以次子知询等皆少用知诰犹愈于他人因留辅政宋齐丘曰润州之命实天赞也初徐氏诸子不齿知诰而知训尤悖尝召知诰饮酒伏剑士欲害之行酒吏刁彦能酒至知诰以手爪搯之知诰悟起走乃免后知诰自润州入觐知训与饮于山光寺又欲害之徐知谏以谋告知诰知诰起遁去知训以剑授刁彦能使追杀之及于中涂而还给以不及由是得免及知训死温意润州预谋就知训廨有土室绘画温像身被五木诸弟皆执 受刑而画知训袞冕正座皆署其名温见之唾曰狗死迟矣知诰因得疏其罪恶由是内外全活者甚众而死者犹数家知训与僧修睦亲狎得伪防数纸皆修睦手书温求修睦杀之越人寇毗陵温伐越知诰以王府兵会战于无锡前军败贼乘之甚急温暴得热疾不能治军知诰率所领疾战大破之斩首数千级越人弃輜重夜遁时四境底定惟越人为梗因此请平而兵甲遂戢知训之用事也常陵弱杨氏而骄侮诸将遂以见杀及知诰秉政乃宽刑法推恩信起延宾亭以待四方之士引宋齐丘骆知详王令谋为馆客士有羁旅于吴者皆齿用之常阴使人察视民间有凶荒匮乏者赈给之盛暑未尝张盖操扇左右进盖必却之曰士众尚多暴露我何用此以故温虽遥秉大政而吴人颇归知诰武义元年拜左仆射知政事渐复朝廷纪纲修典礼举法律以抑强暴中外谓之政事仆射温行军司马徐玠劝温以己子代知诰温遣子知询入广陵谋代知诰秉政会温病卒知询奔还金陵嗣温为节度使诸道都统所为多不法常谋知诰知诰使谕之入朝遂留为左统军吴主僭帝号改元干贞【知诰欲自尊大故奉杨 尊号书 僭号则南唐之罪着矣】知诰累迁侍中中书令太尉都督中外诸军事封浔阳公改封豫章公大和三年公出镇金陵如温之制以长子景通为司徒平章事居中辅政以王令谋宋齐丘为左右仆射同平章事四年封公为东

海郡王五年进封齐王【始书小字书名既而书公书王以见其渐】六年召景通至金陵为镇海军节度副使以其次子景迁为太保平章事与令谋等秉国政天祚元年王进位太师天下兵马大元帅二年景迁病以次子景遂为门下侍郎防知政事冬安远军卢文进来降三年闽越诸国皆遣使劝进人望已归于是加殊礼建齐国置宗庙以宋齐丘为左丞相徐玠为右丞相冬十月受吴禅摄太尉杨璘奉上皇帝玺绶国号大齐改元升元策吴主曰受禅老臣知诰谨上策皇帝为高尚思 古让皇帝追尊考温为武皇帝【自温以上不追尊则复姓之心见矣】子景通吴王景遂壽王景达信王弟知证江王知諤饶王以建康为西都广陵为东都十有二月己卯朔日有白虹二以扬州海陵县为泰州割泰兴盐城兴化如臯四县属焉以海陵制置使褚仁规为刺史庐州周本卒【凡书某州某人皆其节度使】帝辍视朝一日食不举乐【书帝者以见其僭极恶重也凡书帝书诏书制其罪同】甲午皇后宋氏受寶册是歲闽王昶贡方物于京师天子使散骑常侍卢损如闽册昶闽王不受【闽自璘已僭帝号改元矣既称帝故不受王爵凡书京师皆中原也书天子尊正统以别诸国僭伪】

二年春三月壬子日有白虹二壬申大星流于东方夏四月迁让皇于丹阳以王舆为浙西节度使留后马思让为丹阳宫使以严兵守之徐氏诸子屡请帝复姓帝谦抑不忍忘徐氏恩下其议百官百官皆请乃复姓李改名升国号大唐遂考服属当吴王恪后建唐庙祀高祖太宗以下如唐旧典追尊吴王恪为孝静皇帝庙号定宗超为孝平皇帝庙号成宗志为孝安皇帝庙号惠宗荣为孝德皇帝庙号庆宗奉徐武皇庙号义祖徐氏二王如初诸孙皆郡公女郡县主齐台门下侍郎张居咏中书侍郎李建勲皆平章事吴中书侍郎张延翰为右仆射平章事以防州李章镇庐州神武统军王安为百胜军节度使秋七月【一时无事则书首月】冬十月戊寅天子受徽号于契丹曰英武明义皇帝【尤非常故书】钱元瓘以嘉兴县为秀州十有一月以步骑八万讲武于铜桥赐将吏以下金帛有差让皇殂帝率百官素服哀临命有司供具如吴旧礼谥曰睿十有二月福州乱连重遇弑其君昶立王子曦王子延政争立于是僭位于建州国号大殷【他国悉书者为保大三年取闽张本】吴世子璉先娶帝女是为永兴公主璉以公主故为中书令康化军节度使

三年春正月丙申诏曰比者干戈相接人无定主地易而弗蓺桑陨而弗蚕衣食日耗朕甚悯之其向风面内者有司计口给食愿耕植者授之土田仍复三歲租役于嘻仁不异遠化无泄迹其务宣流以称朕意二月池州杨璉卒以统军王彦俦为康化军节度使诏公 以下议定郊祀门下侍郎平章事居咏中书侍郎平章事建勲等议曰孔子云郊祀后稷以配天宗祀文王于明堂以配上帝此万世不易之法也昔长孙无忌请祀高祖于圆丘以配昊上帝祀太宗于明堂以配上帝蓋得之矣今国家嗣兴唐祚追尊孝德而以神尧为肇祀之祖宜以神尧配天于圆丘以孝德配上帝于明堂礼也其服物制度古有常仪一切伪饰愿皆罢去奏可司徒齐丘请依春秋郊以四月上辛常梦锡驳曰案礼天子之郊以冬至不卜日鲁侯之郊以仲春卜上辛今之四月非郊之时齐丘固争遂用夏四月【夏读为夏商之夏鲁用周之四月郊】议者多哂之诏曰礼莫重于享帝孝莫大于隆亲事实重大承以轻眇可谓无其德而用其事祇加畏焉于嘻尔公尔侯各扬厥职不供乃事国有常典夏四月上辛始郊祀于圓丘大赦境内是夜月当以子初没而升坛之际皎然如昼众咸异之遍行封赏羣臣请上徽号不许固请之帝曰朕以 躬托于民上夙夜祇畏常恐弗 矧乃徽号用扬虚美是重弗 固不许因

此废徽号之礼州郡言符瑞者十数帝曰讵告在天聪明自民鲁以麟削莽以符亡常谨天戒犹惧或失之符瑞何为哉皆抑而勿扬言五代同居者七家其尤著者江州陈氏元和给事中京之后宗族七百口每日设广席长幼以次坐而共食有畜犬百余共一牢食一犬不至诸犬为之不食建书楼于别墅以延四方之士肄业者多依焉乡里率化狱讼希少远近叹异之皆蠲复征役旌表门闾秋七月庚子朔日有蚀之八月鄂州张宣卒以润州留后王舆代金吾卫大将军马仁裕出为镇海军节度使留后冬十月

四年春正月夏四月枢密使周宗出为奉化军节度使六月安州节度使李金全来降遣鄂州屯营使李承裕帅师迎之承裕与晋将马全节安审晖战于安陆承裕及裨将段处防战死监军通事舍人杜光邺及其兵五百人被执天子厚赐之遣还帝致书于晋复送光邺等请以败军行法天子又遣之帝以甲士临淮拒之乃止【天子晋高祖也书帝致书于晋恶其抗也】以金全为宣威统军洪州李德诚卒以宣州徐玠代以江州徐知证为宁国军节度使梁王徐知诰卒秋八月庐州李章卒以润州马仁裕代以天威统军卢文进为镇海军节度使冬十月幸东都存省故老宴于旧宅逾月还十有二月左仆射平章事张延翰卒五年春正月虔州王安卒以统军贾浩为百胜军节度使三月诛泰州刺史褚仁规夏四月秋九月壬子有星孛于天市钱元瓘卒佐嗣位冬十有二月葬吴越文穆王【凡他国废立卒葬弑杀告问通则书】

六年春三月庐州马仁裕卒以滁州刺史周邺为保信军节度使留后夏四月南汉刘防卒玠嗣位葬刘防僭谥天皇大帝【以其僭极恶重故书与吴越异防音俨刘氏伪撰此字以为名自云取飞龙在天之义】迁让皇子孙于海陵号永宁宫严兵守之绝不通人久而男女自为匹偶吴人多哀怜之【犹书吴人者以其思旧之民也】诏吴王景通为太子景通表曰古之立太子所以崇正嫡息觊觎如臣兄弟禀承圣教实为敦睦愿寝此礼三表许之乃以大元帅总百揆改封齐王以驾部郎中冯延巳为元帅府掌记寿州高审思卒以侍衛诸军都虞候姚景为清淮军节度使六月乙丑天子崩【晋高祖】秋七月丞相大司徒宋齐丘为镇南军节度使以洪州徐玠为司徒侍中帝曰豫章大司徒维桑也衣锦昼行古人所贵以锦袍赐之齐丘至镇衣以视事羣臣咸谓江淮之地频年丰稔兵食既足士乐为用天意人心未厌唐德宜广土宇攻自潭越始帝曰吾少长军旅见干戈之为民患甚矣吾不忍复言兵革使彼民安则吾民亦安矣吴越灾宫室府库甲兵殆尽羣臣复请乘其弊帝曰今大敌在北北方平则诸国可尺书召之何以兵为轻举者兵之大忌宜畜财养锐以俟时焉使使唁越于武林厚币以赙其阙冬十月诏曰前朝失御强梗崛起大者帝小者王不以兵戈利势弗成不以杀戮威武弗行民受其弊盖有年也或有意于息民者尚以武人用事不能宣流德化其宿学巨儒察民之故者崐嶲之下往往有之彼无路光亨而进以拊伛为嫌退以清宁为乐则上下之情将何以通简易之政将何所议乎昔汉世祖数年之间被坚执锐提戈斩馘一旦晏然而兵革之事虽父子之亲不以一言及之则兵为民患其来尚矣今唐祚中兴与汉颇同而一眇之身坐制元元之上思所以举而错之者防防在疚防有所发三事大夫可不务乎自今宜举用儒者以补不逮于是稍用儒臣渐去苛察又将修复故事为后代法未果行而帝疾作

七年春二月诏曰乃公乃侯越百执事钦承嗣命命尔保元子璟祗肃天鉴社稷宗庙永有终我不敢知曰其基永昌我亦不敢知曰坠命防后天不尔谏祐于有德厥位艰哉翌日殂于路

寢寿五十六葬永陵諡光文肃武孝高皇帝庙号烈祖【徐 曰烈祖少长防乱知人艰苦故不以富贵自处唯务节俭身为宰相事养父母如礼饮食皆亲侍或周疾不解带温常责诸子曰汝辈能如是乎及建号即金陵使府为宫唯加鸱尾栏檻而已终不改作接见亲族如家人礼尊长者亲拜之晚年服金石药性多躁怒百司奏事必至厉声诃责羣臣或正色抗辞以对事理明白必敛容慰勉之旬日之后多有恩泽故人思尽力决死刑用三覆三奏之法文武亡歿子孙随才以叙不限资廕或营其婚嫁幼未堪任与其无嗣者内帑以给之有亲老者倍其数死王事者下至卒伍皆三年给其全俸故士无贵贱悉亡身外之忧】

呜噓积厚者流泽远积薄者流泽狭不其然乎舜之后千余年而有陈陈亡而田氏專政于齐禹之后千余年而有杞杞削而勾践得志于越后世之君建大义于一时而德不若舜禹者亦随其泽之远近而兴起焉故晋以天下防于狄人而琅琊继之唐以天下篡于朱梁而烈祖绍之然则盗名器操生杀制一方之命抗万乘之势者岂非天欤烈祖之起虽无雄才大畧而深沈寬裕本于天性幸而适丁中原扰攘之际故数年之间有足观者

南唐书卷一

钦定四库全书

南唐书卷二

宋 马令 撰

嗣主书第二

民靡有定谁其奠之弃师闽楚命委輿尸作嗣主书嗣主讳璟字伯玉初名景通烈祖元子也美容止器宇高迈性寛仁有文学甫十歳吟新竹诗云栖鳳枝梢犹软弱化龙形状已依稀人皆奇之起家为尚书郎吴让皇见之曰吾诸子皆不及也累迁诸衛大将军典治军旅抚纳将校烈祖出镇金陵拜璟司徒平章事知内外诸军事加诸道副都统烈祖受禅封吴王累迁太尉中书令诸道元帅録尚书事改封齐王既当储副之地而固让再三谦虚下士常若弗及烈祖殂授顾命犹让诸弟辞益坚侍中徐玠以袞冕被之曰大行付殿下以神器之重殿下固守小节非所以遵先旨崇孝道也乃嗣位改元保大太常博士韩熙载上疏曰逾年改元古之制也事不师古弗可以训时虽可其奏而制书已行遂改元册母宋氏为皇太后妃钟氏为皇后弟景遂改封燕王弟景达改封鄂王弟景逵改封保宁王长子冀南昌王文武进位有差洪州宋齐丘入为左丞相江州周宗入为右丞相以元帥府掌书记冯延巳为谏议大夫翰林学士夏四月戊申朔日有食之中书侍郎平章事李建勲罢为昭武军节度使南汉刘晟弑其君玢自立为帝【不书僭者玢之前已僭也】五月司徒兼侍中徐玠卒秋七月燕王景遂改封齐王拜诸道兵马大元帥大尉中书令鄂王景达改封燕王拜副元帥宣告中外以兄弟相传之意以元子南昌王冀为江都尹东都留守【书元子以见景遂之不得袭位也】景遂固让不许萧俨上疏其畧曰夏商之后父子相传不易之典惟仰循古道以裕后昆防奏不报冬十月庚戌有星孛于东方妖贼张遇贤聚众十余万防州诸县【诸县旧史失名】防州城守遇贤据白云洞命洪州营屯都虞 严思礼通事舍人边镐讨贼镐思礼擒遇贤及贼副黄伯雄谋主僧曹景全斩于建康市以严思礼为海州刺史边镐为洪州屯营诸军都虞 贬百胜军节度使贾浩为监门衛将军【罪贬故书使】池州安置以饶州刺史李翱为百胜军节度使留后十有二月下令中外庶政并委齐王景遂防决文武百司唯枢密副使魏岑查文徽得白事余非召对不得见萧俨上书极论曰元帥开府人犹惊骇况委之大政而羣臣不得时见臣恐中外隔絶奸人得志非陛下之利也书奏不报侍衛军都虞 贾崇诣閣求见曰臣事先朝二十余年每见延接踈遠未尝壅隔羣下之情防有不达今陛下始即位所委任者何人而顿与羣臣谢絶深居邃处而欲闻民瘼犹恶陰而入乎隧道也臣老矣长不复奉顏色因涕泗呜咽帝深为感动引与之坐赐食而出始以手札批喻俨等曰旻天不吊降此鞠凶越予小子常恐弗 于厥德用灾于厥躬故退处防默思底于道而壅隔之弊以为 忧惟予小子实生厉阶由是所下之令遂寢时宋齐丘周宗为左右丞相齐丘專执而宗纯谨自守及上心既悟齐丘乃言其非便帝曰公何不早诲我遂罢齐丘为浙西节度使齐丘党与隆炽造作飞语以诬宗宗泣而上诉帝知之弗问【此为明年宗出张本】宋齐丘上表乞归九华旧隱许之赐号九华先生封青阳公食青阳一县二年春正月右丞相周宗罢除江西节度使门下侍郎平章事张居咏罢除浙西节度使二月辛卯日有白虹二三月左衛上将军卢文进卒夏闽人朱

文进连重遇弑其君曦重遇立文进使来告乱囚其使议伐闽以民疫释闽使遣之夏四月秋七月鄂州王舆卒以神武统军韦建为武清军节度使【备书官职者新命也书某州某人代者移镇也】寿州姚景卒以濠州刘崇俊代以楚州刺史刘彦贞为濠州观察使九月庚午朔日有食之冬十有二月冯延巳为翰林学士承旨水部员外郎冯延鲁为中书舍人延鲁锐于功名欲兴建州之役乃赞中书舍人查文徽为江西安抚使翰林待诏臧循者尝贾于闽具知山川险易为文徽陈进兵之计文徽因是请伐闽乃命边镐率洪州屯兵与文徽俱行遂入建阳王延政遣统军使吴承祐以游兵巡福州境给曰唐助我讨贼大军至矣福州信之连重遇杀朱文进裨将林仁翰杀重遇函其首归承祐延政以其子继昌守福州亲率众以拒我师五郡之兵大集【五郡福建江漳泉】敌势甚盛文徽等次于葢竹退复屯建阳啓求济师三年春二月遣祖全恩何敬洙率万人以应文徽与延政阵隔水全恩使建阳降将孟坚潜师出其后裨将武彦晖马存贵以轻锐继之腹背夹击延政大败以余兵城守闽人李仁达杀其君之子继昌【前年以福州降延政故以延政为君】及其统军吴承祐立雪峰僧卓俨明为主俨明无统御之畧仁达又杀之而自称留后遣使来降即以仁达为威武军节度使延政益不振建州之险要曰西岩延平津相继而平夏四月秋七月庚辰星见而风雨八月甲子朔日有食之遂克建州执王延政归于建康授羽林大将军安化军节度使封鄱阳王泉州刺史王继勳漳州刺史王继成汀州刺史许文缜皆请降因而镇抚之诸将下建州兵无节制剽掠甚众闽人失望帝以出师有功不録其过升建州为永安军以祖全恩为节度使查文徽为抚州刺史何敬洙为楚州刺史偏将王建封先登功第一为信州刺史全恩未拜而卒以庐州王崇文镇建州泉州裨将刘從効劫刺史王继勳使之入朝從効自领州事于是王继成许文缜皆至建康以继勳为池州团练使继成为和州刺史文缜为蕲州刺史即以刘从効为泉州刺史冬十月皇太后宋氏殂以延平津为剑州割建州之剑浦汀州之沙县属焉以建州裨将陈诲为剑州刺史以龙衛都虞 刘仁贍为武清军节度使升泉州为清源军以泉州刺史刘從効为节度使

四年春正月陈觉讽齐王景遂言宋齐丘先朝布衣之旧委诸山林不允中外之望帝使景遂至青阳召之起拜太傅奉朝请而已以抚州李建勳为左仆射门下侍郎平章事尚书侍郎冯延巳拜平章事吏部尚书徐连为镇海军节度使二月壬戌朔日有食之命建州制的乳茶号曰京挺膈茶之贡自此始罢贡阳羨茶夏四月侍衛诸军都虞 贾崇为奉化军节度使留后葬元恭皇后于永陵六月寿州刘崇俊卒以濠州观察使刘彦贞为清淮军节度使侍衛诸军都虞 郭全义出为濠州观察使以刘崇俊子范为滁州刺史建州之役府库中耗民不堪命故李仁达刘從効皆羈縻而已至是诸将请讨之不许宋齐丘荐陈觉为福建路宣谕使説仁达入覲不從觉还至建安矫制发建汀抚信之师及防戍之兵掩其不意径至城下时魏岑安抚漳泉闻觉起兵亦擅 兵应觉帝大怒冯延巳等为言兵业行不可止乃以王崇文为招讨使王建封为副使益兵以会之冯延鲁为南面监军使魏岑为东面监军使陈觉为诸军监军使仁达送款于吴越吴越以兵三万应之觉等争功进退不相应延鲁及吴越战延鲁败绩诸军皆溃帝怒遣使者鎖觉延鲁至金陵而冯延巳为宰相宋齐丘亦预三公稍解之员外郎韩熙载諫曰臣观觉等罪不容诛但齐丘延巳内为陈请所以得全且擅兴者不罪则疆場生事防师者获存则行阵解体请行显戮以重军威帝曰齐丘延巳有自咎之表无请赦之辞觉等五木被体一家狼藉永不録用与死何殊乃流觉蕲州流延鲁舒州齐丘恶之贬熙载和州司

马冬十有二月壬戌契丹及晋师战于中渡晋师败绩丙寅杜重威李守贞以王师降于契丹癸酉张彦泽引蕃骑防京师彦泽剽刼屠杀甚众晋帝奉表纳玺于辽主【以其失利势故不书天子】是歲中原无主密州刺史皇甫晖青州刺史王建及防淮诸戍皆来降方且疲兵东南不暇北顾冯延巳延鲁魏岑陈觉皆以奸回得用人情不平既流延鲁及觉而延巳为相岑亦居近密于是御史中丞江文蔚防其罪曰二凶虽去未称民情四罪尽除方明国典帝大怒贬文蔚江州司士防军亦罢延巳为太子少傅岑为太子洗马漳州裨将林赞尧杀监军周承义以叛讨平之以泉州裨将董思安为漳州刺史思安辞以父名章命改漳州为南州副使刘从愿杀思安自领州事南州复为漳州

南唐书卷二

钦定四库全书

南唐书卷三

宋 马令 撰

嗣主书第三

五年春正月晋帝举族出封丘门辽主次于京城北不见帝【辽不与之见也犹书曰京城者甚辽之恶也】文武百官素服纱防俯伏俟罪辽主命起之亲加慰抚遂入都城据大内【改京师为都城晋无君也】己丑斩张彦泽于东市【以其剽劫之罪】庚寅洛京留守景延广自扼其喉死辛卯辽废晋帝为光禄大夫检校太尉封负义侯黄龙府安置【此中原之事悉书者以下文使来告故也】辽使来告曰晋少主逆命背约自貽废黜吾主欲与唐继先世之好将册命唐为中原主帝命近臣对曰唐守江淮社稷已固与梁宋阻隔若尔主不忘先好惠锡行人受赐多矣其他不敢拜命之辱遣兵部侍郎贾潭报聘帝叹曰闽役惫矣其能抗衡中原乎以齐王景遂为太弟燕王景达为元帅改封齐王元子南昌王冀为副元帅封燕王依前东都留守安乐公茂为侍衛诸军都虞 二月丁巳朔辽改晋都为大辽国肆眚改元防同【犹谓之晋都者汉未立也不谓之京师者中原无主也不书赦不与辽赦中国也】辛未汉帝即位【天子即位易代则书】改晋开运四年为天福十二年【中原改元不书此书防同非常也汉称天福十二年亦非常也】三月宣州徐知证卒夏四月丙子太白昼见以皇甫晖为神衛军都虞 秋八月以太傅宋齐丘为镇南军节度使周宗为宁国军节度使钱佐卒保袭位冬十有一月壬子雨木冰辛酉雨木冰癸酉雨木冰十有二月越人胡进思废其君侖囚于义和院钱俶入是歲马希范卒希广袭位

六年春正月越人立俶迁侖于东府丁丑天子崩【汉高祖】以太子少傅冯延巳为昭武军节度使夏四月庐州周邺卒五月葬楚文昭王葬吴越忠献王【越乱故缓】六月庚寅朔日有食之秋汉伐河中李守贞守贞遣从事朱元李平奉表来乞师以润州李金全为西面行营招抚使寿州刘彦贞为副谏议大夫查文徽为监军使兵部侍郎魏岑为防淮巡抚使闻河中平遽班师冬十有一月高从诲卒保庸嗣位葬南平文献王

七年春正月淮北诸盗来附以神武都虞 皇甫晖裨将张峦萧处恭帅师出海泗诸郡以右散骑常侍张义方为监军使纳贼帅咸师朗以归二月以中书舍人严续为奉化军节度使以江州贾崇为神武统军侍衛诸军都指挥使夏四月壬申太白昼见赠故庐山江梦孙国子司业六月癸酉朔日有食之秋七月杀天威统军都虞 王建封八月以建州王崇文镇庐州以谏议大夫查文徽为永安军节度使留后冬十有二月日晕三重

八年春正月诏曰春秋日食地震星孛木冰可谓甚矣比者灾异仍多岂人君不德以召之耶抑亦天心之仁爱而谴告之也朕甚惕焉曩者兵连闽粤武夫悍将不喻朕意而务为穷黷以至父征子饷上违天意下夺农时咎将谁执在予一人其大赦境内穷民无告者大赐粟帛二

月以东都留守燕王冀为润宣二州大都督镇京口宣州周宗为东都留守福州许言吴越戍兵乱杀李仁逵而遁遣人告急于境建州节度使查文徽【以兴兵故书使】剑州刺史陈海以舟师应之文徽留海屯江口进至西门伏兵发文徽被执海与越人战大败之获其将马先进叶仁安等归于建康帝送先进等还越越亦归文徽夏四月以剑州刺史陈海为永安军节度使秋七月冬十有一月甲子朔日有食之乙酉天子崩【汉隐帝】楚朗州节度使马希萼遣使来乞师遂以楚州屯兵攻潭州杀希广杖其妻死于市左右用事者皆脔割之希萼自称楚王边镐统信州屯兵以觐楚十有二月汉将郭威领大军北征壬子次澶州何福进率壮士拥威为天子【书此以见中原治乱】

九年春正月周帝即位刘昺称帝于太原【以其曲在周故不曰僭】初契丹犯河南晋帝北迁韩熙载上书曰陛下有经营天下之志当在今时若辽主遁归中原有土安辑稍定则未可图也时以连兵南闽至此方议北师熙载又上书曰郭氏奸雄虽有国日浅而为理已固兵若轻举非独无成亦且有害乃命李金全耀兵于淮上而止夏四月秋七月乐安公茂卒冬十月楚人徐威陈迁鲁公绾陆孟俊执其君马希萼囚于衡山立王子希崇十有一月楚人廖偃等招合蛮獠复立希萼为楚王楚国大乱边镐以信州屯兵出宜春讨长沙破其军于龙回关徐威等以希崇降希萼亦送款于镐镐尽迁马氏之族于金陵以希萼为洪州大都督封楚王希崇为舒州节度使以边镐为湖南节度使鄂州刘仁贍以舟师趋岳州岳州降以将军宋德权为岳州刺史以客省引进使任镐为监军使以马光惠为朗州节度使留后宋齐丘拜太师固辞复为太傅

十年春正月分洪州高安县置筠州割清江万载上臯属焉以湖南行营粮料使王绍颜为刺史三月以抚州冯延巳为左仆射平章事右仆射孙晟守本官平章事润州徐连中书侍郎平章事夏四月丙戌日有食之五月司徒致仕李建勲卒秋刘晟取桂管将军张峦争之不克朗州裨将刘言执留后马光惠送建康言自领州事遣李建期屯益阳将讨刘言而楚地新定府库空虚宰相冯延巳以克楚为功不欲取费于国乃重敛其民以给军边镐不能镇抚楚人皆怨帝亦恶之谓冯延巳孙晟曰湖湘之役楚民厌乱求息肩于我今欲罢桂阳之师解益阳之戍即授刘言以节钺使自安辑其民吾亦得惠养湘衡之地如是则逖迩完实二蕃在吾度内尔公等亟行之无为后悔孙晟即欲奉行延巳曰吾以偏师克全楚天下惊动今三分丧二何以功遂稽其命未几刘言遣王进逵破益阳杀建期等乘胜攻长沙边镐遁归所在屯戍相继散走独张峦全师而还且战且行取资于道岳州刺史宋德权监军使任镐皆弃城走帝大怒削边镐官流饶州戮宋德权任镐于大社斩裨将申洪泰尹建于都门外以张峦为信州刺史延巳等自劾起之孙晟请罪不已乃罢为右仆射冬十有二月洪州大都督马希萼入覲留建康弗遣

十有一年春二月周行冯据潭州三月建康大火逾月庐舍营署殆尽夏五月以太傅宋齐丘为镇南军节度使秋七月以鄂州刘仁贍为神武统军侍衛都指挥使以濠州观察使何敬洙为武清军节度使大蝗八月不雨冬十月筑楚州白水塘以溉田命州县陂塘堙废者修复之十有二月木水

十有二年春正月大星坠于东北声如雷兖州节度使慕容彦超遣使来乞师以拒周出兵数千至淮北【不书将校旧史失之】为周师所败俘其将校于京师天子平彦超释唐俘谕之曰归语尔主朕诛逆命何苦来援帝亦悔之汉末遣使潭州市茶会边镐平马氏例俘于金陵由是引对慰劳以上茗万斤遣之壬辰天子崩【周太祖】自前年八月不雨至于三月民大饥疫死者大半下令郡县煮粥以食之刘旻乞师于契丹以寇潞州天子亲行大败之休兵潞州大飨将士斩败将樊受能等七十余人军威大振进围太原遣符彦卿史彦超等北控圻口以断契丹援路彦卿等败绩彦超战没天子遽班师【书以见世宗威畧为明年伐我张本】夏五月丁亥月重轮秋七月契丹使其舅来聘升元中宋齐丘选宫嫔杂以珠贝罗绮泛海北通契丹欲赖之以复中原而辽使至则厚币遣还迨至淮北辄使人刺之复遣使防海赍琛宝以报聘辽意晋人杀其使数犯中原至是馆辽使于清风驿夜醺更衣盗斩其首契丹自此不至盖中原间之也冬十月

十有三年春二月以门下侍郎严续守本官平章事夏四月以寿州刘彦贞为神武统军侍衛诸军都指挥使以刘仁贍为清淮军节度使三月周伐蜀秋七月蜀使来聘冬十月东都留守周宗乞罢镇诏曰崧岳降灵诞生良弼佐我先朝施及朕躬尚赖保厘底于成绩而遽尔请罢岂朕不德不能优礼勲旧而致然也昔萧何守巴蜀而高祖无西顾之忧寇恂守河内而光武无分民之嫌今任公以何恂之事宜强饭扶力以副朕意于嘻国之安危惟兹淮甸慎始成终非公而谁所请宜不允宗以老病三表乃许守司徒致仕以中书舍人冯延鲁为工部侍郎东都留守以侍衛诸军都虞 贾崇为东都屯营使十有一月周师来伐李谷为都部署攻寿州帝召洪州宋齐丘还都齐丘请徵诸郡兵屯于淮泗以裨将有才畧者主之声音偏师敌人不测其实必难轻进春水时至粮道阻隔悬军日久自当遁去然后遣使请平彼必乐从议者不同遂止刘彦贞督兵以抗周师江州皇甫晖帅师为援李谷退屯正阳天子命李重进为奇兵以要彦贞彦贞追谷至正阳重进与谷腹背击之彦贞大败死于阵诸军皆溃张全约以其众奔寿春自杨氏王吴淮甸之人不识干戈者二十余年及彦贞败民皆恟惧帝欲亲拒周师中书舍人乔匡舜极谏贬匡舜临川亲行之议亦寝天子先诏钱俶攻常宣二州以挠我师于是吴越伺间攻常州刺史赵仁泽被执将军柴克宏救常州大败越人斩首千余级获其将吏数十人皆斩于京口拜克宏奉化军节度使天子营于淝水之阳徙正阳桥于蔡下林仁肇皇甫晖争之不胜晖走滁州天兵追杀之【以周师为天兵太祖主兵故也】遂下滁州帝恶之遣泗州牙将王知朗至滁州称唐皇帝奉书愿効贡赋陈兄弟之礼天子不答东都留守冯延鲁光州刺史张绍舒州刺史周祚泰州刺史方纳皆弃城走延鲁削髮伪为僧遁归周人执之蕲州裨将李福杀其刺史王承隲降周帝益恶之始改名景以避周庙讳遣翰林学士钟谔文理院学士李德明奉表称臣献犒军牛五百头酒二千石金银罗绮数千请割寿濠泗楚光海六州以求罢兵天子不报谔等皆留行在分兵袭下杨泰帝遣人懷蜡丸书走契丹求救为边将所执光州刺史张承翰降周天子至淮南下诏安抚杨氏之后帝闻之命园苑使尹延范自泰州徙让皇一族于京口延范杀其子弟六十余人以其妇女渡江周先锋使刘重进得其玉砚玛瑙碗翡翠瓶以献周杨氏遂絶帝骂曰小人以不义之名累我腰斩延范归之以专杀之罪

南唐书卷三

钦定四库全书

南唐书卷四

宋 马令 撰

嗣主书第四

十有四年春正月遣司空孙晟礼部侍郎王崇质奉表于周辞益卑服削去帝号天子犹不答留晟等弗遣钟谔请归取表尽献江北之地天子许之遣崇质德明还始赐江南书曰自有唐失御天步多艰六纪于兹 分鼎峙自为声教各擅蒸黎交结四夷凭陵上国华风不竞否运所钟凡百有心孰不兴愤朕擅一百州之富庶握三十万之甲兵农战交修士卒乐用苟不能恢复内地申画边疆便议班旋直同戏剧至于削去尊称愿输臣节孙权事魏萧督奉周古也虽然今则不取但存帝号何爽岁寒伉坚事大之心必不迫人于险德明等归盛称周天子英武帝尤恶之宋齐丘陈觉等皆以割地无益而德明卖国以图利帝怒斩德明二月遣元帅景达帅师应寿春陈觉为监军使拜边镐为大将许文缜副之中书舍人韩熙载上疏请罢监军使不报司徒致仕周宗卒三月江州柴克宏卒诸郡屯田相率起义以农器为兵褰帟为铠处处保聚号曰甲军周师苦之景达等趋寿州其将朱元李平唐进克复舒蕲泰三州夏大雨周师在杨滁和者皆却诸将请要其险隘击之宋齐丘曰击之怨深不若纵之以为德诚诸将闭壁不得要战周师皆集于寿州故诸州虽复而寿春之围益固天子驻于涡口犹欲再幸扬州宰相范质以师老泣谏乃班师以李重进攻庐州向训守扬州训请弃扬州并力以攻寿春乃封府库付主者遣淮南旧将按巡城中秋毫不犯而去淮人大悦皆负糗粮以送周师秋七月杨光滁和复归于我冬十有一月周杀我行人孙晟十有五年春元帅景达命其将朱元等屯紫金山筑甬道以饷寿州二月天子复来伐徙下蔡桥于涡口为镇淮军筑二城以夹淮周师连破紫金山诸寨监军陈觉乞罢朱元帝遣大将杨守忠代元且召之元愤怒叛降周诸军皆溃许文缜边镐被擒景达以州兵奔还金陵三月丁未刘仁贍病且死其副孙羽等以寿州降仁贍病卒夏四月己巳天子班师乱兵焚扬州民皆徙江南秋七月冬十月天子复来伐围濠州刺史郭廷谓降周泗州守将范再遇叛降周【廷谓不书叛者力不支也】泰州亦溃周师步骑数万水陆齐进军士作檀来之歌声闻数十里【檀来者但来也北人语音】十月二月天子驻于楚州城北

十有六年春正月大赦改元交泰周师攻楚州守将张彦能郑昭业城守益坚城壤彦能昭业战死周人屠其城而戍之丁未海州溃壬辰静海军溃周人尽得海泰杨楚之地丁卯周人次扬州癸酉次 州三月壬午朔次泰州丁亥复次扬州辛卯遂幸迎銮以临大江【周自屠楚州贬书人其后驻幸皆书次至迎銮复书幸不泯其实也】时杨泰滁和寿濠泗光海等州已为周得乃遣陈觉奉表献庐舒蕲黄画江以为界天子许之赐书曰皇帝防问江南国主劳其良苦而已【四年而后克亦已惫矣】夏五月下令去帝号称国主奉周正朔以交泰元年为显德五年钟谔遇延鲁至自京师国主复遣谔等奉表拜成且请 位【始降号称国主 位不曰 乎某人者景迁为太弟时未定也】天子优诏劳安之 位之意遂止以谔为礼部侍

郎延鲁户部侍郎以行营应援使林仁肇为浙西节度使前庐州孙汉威为奉化军节度使赠刘仁贍太师追封衛王孙晟太傅追封鲁国公刘彦贞中书令张彦能侍中其余一士死国难者追赠有差秋泉州刘從効奉表贡于京师天子不纳冬十月礼部侍郎常梦锡卒十有二月流陈觉于饶州流李徵古于洪州皆杀之放宋齐丘于青阳太弟景迁固请归藩于是以长子冀为太子以景迁为洪州大都督封晋王齐王景达为抚州大都督信王景逵为百胜军节度使升元初括定民赋每正苗一斛别输三斗于官廩授盐二斤谓之盐米至是淮甸盐场皆入于周遂不支盐而输米如初以为定式显德六年春正月宋齐丘缢死于青阳夏晋王景遂卒秋七月钟谔请铸大钱以一当十文曰永通泉货以信州刺史张峦为天德军使九月太子冀卒初丹阳古铭曰天子冀州人以冀应之未几卒识者谓冀州赵地也明年皇朝受命之符尔次子從嘉封吴王居东宫钟谔曰從嘉轻肆请立纪国公從善国主怒贬谔为国子司业立从嘉为太子天子使人谓国主曰吾与汝大义已定终虑后世不汝容可及吾世修城隍治要害为子孙计国主因营缉诸城谋迁都于洪州曰建康与敌境隔江而已又在下流敌兵若至闭门自守借使外诸侯能救国难即为刘裕陈霸先尔今吾徙豫章据上流而制根本上策也羣臣多不欲惟枢密使唐镐赞成之夏六月荧惑守心光芒相射癸巳天子崩【周世宗】秋七月升洪州为南昌建南都冬十月流钟谔于饶州赐死贬张峦为宣州副使杀之十有二月罢铸大钱明年周亡编年之法絶笔于周亡者清风发而羣陰伏理固然也虽然无所述而遂泯其实则何以着李氏之罪故名器服物庆赏刑威直书其僭将以正其罪尔

建隆元年臣属于皇朝夏四月太子太傅冯延巳卒是歳李重进使来乞师拒之遣冯延鲁入贡以闻二年春以世子從嘉监国国主如南都所过慰劳守宰存问高年疾苦防齐王景达于庐山歴览胜境与從臣谭宴浹日而去三月至南都以何洙为奉化军节度使【敬洙去敬字避皇朝讳】豫章迫隘官府营署皆不能容羣臣日夕思归国主悔怒唐镐慙惧发痼卒六月国主殂于南都年四十有六在位十有九年秋七月国主之丧至自豫章羣臣请殡别宫世子手札不许辞甚哀切【书世子手札未即位也见后主书】乃殡于万寿殿遣使入朝乞追复帝号太祖皇帝许之諡明道崇德文宣孝皇帝葬顺陵庙号元宗【先谥而后书葬者因其请号顺文势也徐 曰嗣主工笔札善骑射宾礼大臣敦睦九族每闻臣民不获其所者辄咨嗟伤悯形于顔色随加救疗居处御服节俭得中初立有经营四方之志邪臣阿谄职为厉阶晚歳悔之已不及矣少有至性仍懷高世之量始出閣即命于庐山瀑布前构书斋为他日终焉之计及迫于绍袭遂舍为开先精舍常患民间侈靡第宅衣服咸为节制驱惰游之人率归农业及大渐之际羣鹤翔于空双龙据殿屋遂奄然而化】呜呼甚哉守成之难也非特守之难而授之者尤难非授之难而知其可受者为难商有天下成汤作之太甲守之而中有不 之忧向非阿衡之佐则求其思庸之复也难矣周有天下武王作之成王守之而中有流言之变向非周公征之则求其皞皞之雅也亦难矣以唐太宗之丰功大业一正天下建不拔之基而晋王之立杀父之臣失父之政卒至于大乱矧不及于太宗者乎元宗即位一十九年有经营四方之志约已慎刑勤政如一向非任用羣小屏弃忠良国用不殫于闽楚师旅不弃于淮甸则庶几完成之君也志有之曰杨者易生之木也一人植之十人拔之无生杨矣以新造之唐而守之非道不几乎朝莠而夕握其亡也不旋踵故周世宗以衰世之锋一鼓而十四州之地掇如也悲夫

南唐书卷四

钦定四库全书

南唐书卷五

宋 马令 撰

后主书第五

呜呼春秋之时君薨明年正月公即位自桓公始宣成而下未尝革也昭公薨于干侯定公于明年夏六月戊辰即位者其故何哉盖非常之变起于不可测非常之礼行于不得已古之人观防通以应世则处非常之变用非常之礼者皆礼经之所不得而考也义起于情而已矣且诸侯薨于路寝而昭公客死于干侯者非常之变起于不测也嗣君释冕反丧而定公即位于明年六月者非常之礼行于不得已也元宗殂于豫章后主留守建康必待丧还既殡而后即位其偶合于定昭之事乎且圣人制礼立天下之大经为天下之大防也情伪之变无穷而礼之所载有常以有常之礼御无穷之变则亦随其宜而已矣故礼不尽而义有余则礼以义起义不足而礼有余则义以礼达君子遭变乱而无旷于礼者在审其义尔大丧礼之大典礼经载之详矣而曾子之所问者礼经有所不及也变礼之不测曾子问载之详矣而国君薨于外世子立于内者曾子问有所不及也非趋时而合义其孰能与于此哉

德虽不竞孰匪天亡日月俱照爝火销光作后主书后主名煜字重光初名從嘉元宗第六子也少而聪慧善属文工书画初封安定郡公淮上兵起为神武军都虞 防淮巡抚使累迁诸衛大 军诸道副元帅封郑王太子冀卒四兄皆早亡以次为嗣改王吴拜尚书令知政事建隆二年元宗南迁立煜为太子监国六月元宗殂于豫章七月丧还建康太子即位尊母钟氏为太后太后父名太章故改号圣尊后妃周氏为国后封弟從善为韩王南都留守從益邓王從谦宜春王從度昭平郡公從信文阳郡公以右仆射严续为司空依前平章事大赦境内文武进位有差罢诸路屯田使委所属令佐与常赋俱征【初南唐屯田置使专掌至此罢其使而屯田佃民絕公吏之挠】八月鄂州王崇文卒以南郊巡检使黄延谦为武清军节度使留后冬十月以南都留守韩王從善为司徒兼侍中诸道兵马副元帅以邓王从益为司空南都留守下令诸司无职事官四品以下至九品日二负待制于内殿泉州刘從効遣其子绍基来贡三年刘從効卒州人立其次子绍磁为留后绍基未还统军使陈洪进执绍磁并其族送于金陵推立其副张汉思汉思老不任事洪进逐之自称留后国主即以洪进为清源军节度使以绍基为殿直军都虞 绍磁为监门衛中郎将句容尉张秘上言为理之要词甚激切国主手批慰喻召为监察御史以神武统军秋七月建州陈海卒礼部尚书潘承祐卒以江州何洙为左武衛上将军封芮国公以宣州朱业镇江州以神武统军林仁肇为宁国军节度使干德元年夏左武衛上将军何洙卒秋七月以兵部尚书游简言知尚书省迁右仆射是歲南平高继冲归于京师国除初金陵台阁殿庭皆用鸱吻自干德后朝廷使至则去之使还复用二年春正月始用铁钱以铁钱使户部侍郎韩熙载为兵部侍郎勤政殿学士初烈祖将殂谓元宗曰德昌宫泉布亿万缗以给军用吾死善修邻好北方有事不可失也及元宗即位兵屡起德昌泉布既竭遂铸唐国钱其文曰唐国通寶又铸大唐通寶与唐国钱通用数年渐弊百姓盗

铸极为轻小保大末兵窘财乏钟谔改铸大钱以一当十文曰永通泉货径寸七分重十八铢字八分书背面匀好皆有周郭谔诛遂废至是有铁钱之议每十钱以铁钱六杂铜钱四既而不用铜钱民间但以铁钱贸易物价增涌民复盗铸颇多芒刺不及官场圆净虽重其法犯者益众至末年铜钱一当铁钱十礼部侍郎汤悦上言泉布屡变乱之招也且豪民富商不保其赀则日益思乱累数百言不报夏鄂州黄延谦卒以宣州林仁肇代九月封长子仲寓清源公次子仲宣宣城公冬十月仲宣卒追封岐王十有一月国后周氏殂三年春葬昭惠后于懿陵蜀孟昶俘于京师国除以江州朱业为神武统军侍衛都军使以虔州留后柴克贞为奉化军节度使夏以司空平章事严续镇润州秋九月圣尊后钟氏殂召南都留守邓王從益还都以鄂州林仁肇为南都留守南昌尹葬光穆皇后于顺陵【朝廷许元宗追复帝号故钟氏称皇后】四年夏五月以吉州刺史杨守忠为武清军节度使留后秋一月神武统军朱业卒十有二月润州严续卒五年春命两省侍郎谏议大夫给事中中书舍人集贤勤政殿学士分夕于光政殿宿直国主引与谭论或至夜分开寶元年夏江王景昷卒冬十有一月纳后周氏昭惠之母弟也二年春以左仆射游简言兼门下侍郎平章事夏简言卒以礼部侍郎汤悦为门下侍郎平章事知制诰张洎上疏曰悦非经纶之才不宜处钧衡之地国主以悦文学旧臣特加獎用乃罢洎职冬较猎于青龙山还憩大理寺亲録囚徒原贷甚众韩熙载奏狱讼有司之事囹圄之中非车驾所至请捐内帑钱三百万充军资库用国主從之曰绳愆纠谬其熙载之谓乎天子诏国主谕南汉称臣刘鋹怒执我行人龚慎仪三年中书侍郎韩熙载卒赠平章事命境内崇修佛寺又于禁中广署僧尼精舍多聚徒众国主与后顶僧伽帽衣袈裟诵佛经拜跪顿顙至为瘤贅由是建康城中僧徒迨至数千给廩米缗帛以供之四年春刘鋹俘于京师国除夏四月齐王景达卒遣弟韩王從善入朝留于京师授泰宁军节度使国主表求從善还国不许自從善不还四时宴防皆罢登高赋文以见意曰原有鸛兮相從飞嗟嗟季兮不来归常快快以国蹙为忧冬有商人上密事请往江陵窃烧皇朝战舰国主惧事泄不听商人遁去五年春皇朝屯师汉阳鄂州杨守忠以闻人心大恟乃贬损制度下书称教改中书门下省为左右内侍府尚书省为司防府御史台为司宪府翰林为文馆枢密院为光政院降封韩王從善为南楚国公邓王從益为江国公吉王從谦为鄂国公其余官号多有改易殿庭始去鸛吻每遇皇朝使至国主衣紫袍备藩臣礼使退服御如初六年春皇朝使中书舍人卢多逊来聘国主愿受封拜不许洪州林仁肇卒冬中书舍人潘佑荐衛尉卿李平判司农寺又荐平知司防府羣情纷纷以为朋党佑上书极言时政凡七章不止有家国陰陰如日将暮之辞国主恶之乃収平下大理自縊妻子徙饶州次収佑佑自刳母及妻子徙虔州七年皇朝使閤門使梁迥来聘從容谓国主曰今歲国家有柴燎之礼当入助祭国主唯唯不答秋中书舍人李穆賫诏曰朕以仲冬有事于圆丘思与卿同阅牺牲国主辞以疾穆反命遂决进取九月王师自荆湖直趋池州池州主将戈彦弃城走遂克池州进军当涂将军张温郑彦华杜真相继败績下教去开寶年号公私牒籍称甲戌歲江南自周世宗后不复用兵仅二十年老将已死主兵者皆新进少年以功名自负輒抗王师闻兵兴踊跃言利害者日有十数及遇輟败北中外夺气戒严城守国主遣徐铉周惟简奉表乞缓师不答王师进屯建业城南十里时虽下池州及姑熟余郡皆未奉命粮道阻隔樊若水请于采石系浮桥以利转挽每歲大江春夏暴涨谓之黄花水及王师至水皆退小故识者知其有天命焉吴越围常州军使余成礼刳刺史禹万诚以降吴越进围京口议者以京口要害之地当得良将守之乃拜亲吏刘澄镇海军节度使留后以凌波军都虞 卢绛为援澄已懷向背因说绛还金陵而自率将吏降越袁州萍乡制置使刘

茂忠破潭师于境内拜茂忠袁州刺史八年春阅民为师徒升元初均量民田以定科赋自二缗以上出一卒号义师中有别籍分居又出一卒号新拟生军民有新置物产者亦出一卒号新拟军又于客户内有三丁者抽一卒谓之围军后改为拔山军使物力户为帅以统之保大中许郡县村社竞渡每歲端午官给防段俾两两较其迟速胜者加以银碗谓之打标舟子皆籍其名至是尽搜为卒谓之凌波军又率民间佣奴赘婿谓之义勇军又募豪民能自备缗帛兵器招集无赖亡命谓之自在军又括百姓自老弱外能被坚执锐者谓之排门军并屯田白甲之 凡一十三等皆使扞敌守把夏洙神衛统军诸军都虞 皇甫继勲秋洪州节度使朱令赉将兵一十五万屯浔阳湖口与诸将议曰令若前进而王师反据我后则上江阻隔退乏粮道亟为虏矣乃以书招南郡留守刘克贞代镇湖口克贞以病留令赉亦未进国主累促之令赉以长筏大舰帅水陆诸军至虎蹲洲与王师遇舟筏俱焚令赉死余众皆溃金陵受围经歲城中斗米者相救借自润州降后不闻外信或云令赉已败国主犹意其不实冬百姓疫死士卒乏食詎云大军决以十有一月乙未破城国主议遣其子清源公仲防出通降欵左右以谓坚垒如此天象无变岂可计日取降是日城果陷宫中圖書万卷尤多钟王墨迹国主尝谓所幸寶儀黃氏曰此皆累世保惜城若不守尔可焚之无使散逸及城防文籍尽煬光政使陈乔曰吾当大政使国家致此非死无以谢乃自縊死诸将战没者犹数十人升元寺阁崇构因山为基高可十丈平坦阁影半江梁时为瓦棺阁至南唐民俗犹因其名士大夫暨豪民富商之家美女少妇避难于其上迨数百人越兵举火焚之哭声动天一旦而烬大将曹彬整军成列至其宫门门开国主跪拜纳降彬答拜为之尽礼先是宫中预积薪煜誓言社稷失守当携血属赴火【既降无国主之号故书名】既见彬彬谕以归朝俸禄有限费用日广当厚自赍装一归有司之籍即无及矣遣煜入治装裨将梁迥田钦祚力争以谓苟有不虞咎将谁执彬笑而不答迥等固谏彬曰彼能出降安能死乎翌日治舟彬遣健卒五百人为津致輜重登舟一卒负笼下道旋彬立斩之负担者防敢蹉跌煜以藏中黄金分遗近臣办装张昺得金二百两诣彬自陈不受请奏其事彬以金输官而不以闻煜举族冒雨乘舟百司官属仅千艘煜渡中江望石城泣下自赋诗云江南江北旧家鄉三十年来梦一场吴苑宫闈今冷落广陵台殿已荒凉云笼遠岫愁千片雨打归舟泪万行兄弟四人三百口不堪闲坐细思量至汴口登普光寺擎拳贊念久之散施缗帛甚众九年春俘至京师封遗命侯授左千牛衛上将军太宗皇帝登极改封陇西公太平兴国三年公病【书公者皇朝所封也】命翰林医官视疾中使慰谕者数四翌日薨在伪位十有五年年四十二追封吴王以王礼葬洛京之北邙山江南人闻之巷哭设斋王着杂說百篇时人以为可继典论又妙于音律旧曲有念家山王亲演为念家山破其声焦杀而其名不祥乃败徵也【复书王者皇朝追封也徐铉曰嗣主诸子皆孝而后主特甚敦睦亲族亦无不至唯以好生富民为务常欲羣臣和于朝不欲闻人过章疏有纠谪稍忤者皆寝不报酷好古道而国削势弱羣臣多守常充位不克如意叹曰天下无周公仲尼吾道不可行也已刑法太寬亦无过此及大兵之际上下感恩故人无异志威令不素着故莫尽死力蓋亦天授大宋非人谋所及也】呜呼隋文帝初辅政于周内有五王之难外罹尉迟回司马消难王谦之乱方是时指鹿逐兔未知适從武夫悍将谁无觊觎萧岿承武皇享国之长有席卷山南之势而区区敬慎不敢连衡回防者信其臣柳莊之言预知隋公之必兴故也矧乃蕞尔江南获覩真人之作而不为之退听其罪当如何哉李氏有国肇于天福盛于开运削于显德亡于开寶岂非有幸于乱世而不容于治世欤以周世宗之时削国降号稽首称藩其势固已蹙矣及属皇朝普天之下莫不翹首太平而犹窃土贼民十有六年外示柔服内懷

僭伪岂非所谓逆命者哉及其计穷势迫身为亡虏犹有故国之思何大愚之不灵也若此【后主乐府词云故国梦初归觉来双泪垂又云小园昨夜又西风故国不堪翹首月明中皆思故国者也】

南唐书卷五

钦定四库全书

南唐书卷六

宋 马令 撰

女宪 第一

呜呼古之欲明明德于天下者先治其国欲治其国者先齐其家齐家之法在于女宪而女之所以为宪者母倾城之哲也母索家之言也究德性之厚原道化之本不过于以顺为事以贞为节而已顺贞以化天下何往不格哉是故观刑二女虞舜惟帝徽 太姒西伯惟王帝王之德配天地而推其本始以言之必自于闺闼之近者凡以天下之本在国国之本在家故也易曰夫夫妇妇而家道正正家而天下定作女宪

先主元防皇后宋氏不知其世裔也幼为乱兵畧取义祖得之常置帐下防先主丧其正室义祖指宋氏谓先主曰是必有福今以乞女先主御之【不书蒸之者义祖首恶也】生嗣主及景迁景遂景达遂立为继室治内有法不苟言笑常以端严自持虽妾媵之间俨如宾客义祖死于建业知询等督先主奔赴先主欲往宋氏徙容谏曰移孝为忠臣子之常况权重身危而輒罢所执何异太阿倒持柄不在我矣先主大悟因寝其行而命周宗赴金陵天祚二年封齐王妃先主受禅册命为皇后升元末先主服饵金石性多暴怒左右赖后以芘者甚众嗣主即位上册为皇太后每元宗朝太后言惟劳其良苦而已至于治理无一言及之常曰妇人预外事非国之福也保大三年殂葬永陵謚元恭

先主种氏不知其品秩也江西良家女性警悟通书计常靓粧去饰而态度闲雅宛若神仙初进入宫年甫十六久不得幸宋后数数荐引既承恩宠服御辄亚于后而诸宫罕得进御及生江王景暹僭侈尤甚一日先主幸元子齐王宫遇其亲理乐器先主大怒切责数日种氏乘间言景暹才过齐王先主作色曰子之过父戒之常理也国家大计女子何预遂叱内臣摔庭下去簪珥幽于别宫数月命削髮为尼先主殂种氏泣曰人彘骨醉复见于此矣其后归景暹宫宋太后屡欲甘心赖元宗保全之竟以寿终【每于后不书妖艷而于嫔御详言之】

嗣主光穆皇后钟氏虔州刺史太章之女太章初为裨将义祖用之以杀张顗既而自大先主欲绳之义祖曰昔无太章吾族赤矣汝曹安所托乎今日富贵太章力也背之不可乃命以太章女配嗣主义主初见叹曰非此儿不敌此女嗣主起家自尚书郎至于将相钟氏始封县君累加国夫人升元中封齐王妃嗣主即位册为皇后少长富贵不事玩好副笄大练淡如也既居大位歳时赐予必先诸姒然后及中宫以故嗣主乐推诸弟而终无间言者后勉之为多淮上兵起国步多艰后亦损常膳不举乐者数月后主即位册为太后以父为太章故号圣尊后干德三年圣尊后殂葬顺陵謚光穆呜呼南唐建国始僭皇后之号及其衰削犹有国后之称至于六宫品秩虽无所考而内夫人之品保仪之秩各因事见其余名号僭拟天子亦可知矣

后主昭惠后周氏小字娥皇大司徒宗之女甫十九歲归于王宫通书史善音律尤工琵琶元宗赏其艺取所御琵琶时谓之烧槽者赐焉烧槽之說即蔡邕焦桐之义或谓焰材而斲之或谓因 而存之元宗南幸豫章诏音存问以令妇称后主即位册为国后后虽在妙齡妇顺母仪宛如老成唐之盛时霓裳羽衣最为大曲罹乱瞽师旷职其音遂絕后主独得其谱乐工曹生亦善琵琶按谱粗得其声而未尽善也后辄变易讹谬颇去注淫繁手新音清越可听后主尝演念家山旧曲后复作邀醉舞恨来迟新破皆行于时中书舍人徐 闻霓裳羽衣曰法曲终慢而此声太急何耶曹生曰其本实慢而宫中有人易之然非吉徵也歲余周后子母继死后主国步浸微音之所起实由人心而嗔缓嚆杀治乱应之岂虚言乎后生三子皆秀嶷其季仲宣僇宁清峻后尤钟爱自鞠视之后既病仲宣甫四歲保育于别院忽遭暴疾数日卒后闻之哀号颠仆遂致大渐后主朝夕视食药非亲尝不进衣不解带者累夕后虽病亟爽迈如常谓后主曰婢子多幸托质君门冒宠乘华凡十载矣女子之荣莫过于此所不足者子殤身歿无以报德遂以元宗所赐琵琶及常臂玉环亲遗后主又自为书请薄葬越三日沐浴正衣粧自内含玉殯于瑶光殿之西室时干德二年十一月甲戌也享年二十九明年正月壬午迁灵柩于园寝后主哀苦骨立杖而后起【讥之也何讥尔钟太后在故也】自为诔曰天长地久嗟嗟蒸民嗜欲既胜悲叹纠纷緣情攸宅触事来津赍盈世逸乐慙愁殷沉乌逞兔茂夏凋春年弥念旷得故亡新阙景頽岸世阅川奔外物交感犹伤昔人诡梦高唐诞夸洛浦構屈平虚亦悯终古况我心摧兴哀有地苍苍何辜殲予伉儷 窀穸难追不禄于世玉润珠融殒然破碎柔仪俊德孤映鲜双纖秣挺秀婉变开扬艷不至冶慧或无伤盘绅奚诚慎肃惟常环佩爰节造次有章含颦发笑擢秀腾芳鬢云留鉴眼彩飞光情澜春媚爱语风香 姿稟异金冶昭祥婉容无犯均教多方茫茫独逝舍我何乡昔我新婚燕尔情好媒无劳辞筮无违报归妹邀终咸爻协兆俛仰同心绸缪是道执子之手与子偕老今也如何不终往告呜呼哀哉志心既达孝爱克全殷勤柔握力沂危言遗情眇眇哀泪涟涟何为忍心览此哀编絕艷易凋连城易脆实曰能容壮心是醉信美堪餐朝饥是慰如何一旦同心旷世呜呼哀哉丰才富艺女也克肖采戏 能奕碁逞妙媚动占相歌萦柔调兹戔戔爰质奇器 华翠虬一举红袖飞花情驰天降思栖云涯 扬掩抑纖紧洪奢穷幽极致莫得微瑕审音者仰止达乐者兴嗟曲演来迟破邀舞利拨迅手吟商逞羽制革常调法移往度剪遏繁态蕩成新矩霓裳旧曲韬音沦世失味齐音犹伤孔氏故国遗声忍乎湮坠我稽其美尔扬其秘程度余律重新雅制非子而谁诚吾有 今也则亡永從遐逝呜呼哀哉该兹硕美郁此芳风事传遐禩人难与同式瞻虚馆空寻所踪追悼良时心存目忆景旭雕甍风和绣额燕燕交音洋洋接色蝶乱落花雨晴寒食接輶穷欢是宴是息含桃荐实畏日流空林雕晚箨莲舞疎红烟轻丽服雪莹修容纖眉范月高髻凌风辑柔尔顏何乐靡從蟬响吟愁槐凋落怨四气穷哀萃此秋晏我心无忧物莫能乱 尔清商艷尔醉盼情如何其式歌且宴寒生蕙幄雪舞兰堂珠笼暮卷金炉夕香丽尔渥丹婉尔清扬猷猷夜饮予何尔忘年来殊欢逸赏不足光陰先懷悵悵如何倏然已为畴曩呜呼哀哉孰谓逝者荏苒弥踈我思妹子永念犹初爱而不见我心燬如寒暑斯疾吾宁御诸呜呼哀哉万物无心风烟若故唯日唯月以陰以雨事则依然人乎何所悄悄房栊孰堪其处呜呼哀哉佳名镇在望月伤娥双眸永隔见镜无波皇皇望絕心如之何草树苍苍哀摧无际历歷前欢多多遗致丝竹声悄绮罗香杳想涣乎怊恍越乎憔悴呜呼哀哉歲云莫兮无相见期情瞽乱兮谁将因依维昔之时兮亦如此维今之心兮不如斯呜呼哀哉神之不仁兮斂怨为德既取我子兮又毀我室镜重轮兮何年兰袭香兮何日呜呼哀哉天漫漫兮愁云□空暖暖

兮愁烟起娥眉寂寞兮闭佳城哀寝悲氛兮竟徒尔呜呼哀哉日月有时兮龟蓍既许箫笳凄咽兮旂常是举龙輶一驾兮无来轍金屋千秋兮永无主呜呼哀哉木交柯兮风索索鸟相鸣兮飞翼翼吊孤影兮孰我哀私自怜兮痛无极呜呼哀哉应寤皆感兮何响不哀穷求弗获兮此心隳摧号无声兮何续神永逝兮长乖呜呼哀哉杳杳香魂茫茫天步拭血抚楸邀子何所苟云路之可穷冀传情于方士呜呼哀哉每于花朝月夕无不伤怀如又见桐花发旧枝一楼烟雨暮凄凄凭栏惆怅人谁防不觉潜然泪眼低层城无复见娇姿佳节纒哀不自持空有当年旧烟月芙蓉池上哭娥眉皆因后作又尝与后移植梅花于瑶光殿之西及花时而后已殂因成诗见意曰殷勤移植地曲檻小栏边共约重芳日还忧不盛妍阻风开步障乘月溉寒泉谁料花前后娥眉却不全此不特叙其幽思且以兴内助之艰难而不得与之同乐又云失却烟花主东君自不知清香更何用犹发去年枝此足以见光景于人无情而人于景物不可认而有之也悲夫至于书灵筵手巾云浮生苦憔悴壮歲失婣娟汗手遗香渍防眉染黛烟书琵琶背云侑自肩如削难胜数缕绦天香留鳳尾余暖在檀槽触物寓意 如此初烈祖为刺史时后父宗给使左右及赞禅代尤为亲信元宗以宗为社稷元老故聘其女为吴王妃克相其夫显于诸子而身居国母可谓贤也陵曰懿陵諡昭惠方是时南唐虽去帝号而其余制度尚未减损如元宗之葬犹称皇帝故昭惠虽谓之国后而羣臣国人皆称曰皇后焉后主继室周后昭惠之母弟也警敏有才思神彩端静【二后之貌见周宗】昭惠感疾后常出入卧内而昭惠未之知也一日因立帐前昭惠惊曰妹在此耶后幼未识嫌疑即以实告曰既数日矣昭惠恶之返卧不复顾昭惠殂后未胜礼服待年宫中明年钟太后殂后主服防故中宫位号久而未正至开寶元年始议立后为国后南唐享国日浅而三世皆娶于藩邸故国主婚礼议者不一诏中书舍人徐 知制诰潘佑与礼官防议 曰婚礼吉不用乐佑以为今古不相沿袭固请用乐 曰案古房乐无钟鼓佑曲引诗 窈淑女钟鼓乐之则房乐宜有钟鼓后初见君后魏书有后先拜后起帝后拜先起之文 因此以为夫妇之礼人伦之本承祖宗主祭祀请答拜佑以为王者婚礼不可与庶人同请不答拜又车服之制互有矛盾议久不决后主令文安郡公徐游评其是非时佑方宠用游希旨奏佑为是既而游病疽 戏谓人曰周孔亦有 乎将纳采后主先令校鵝代白鴈被以文綉使防书侈靡不经 如此及亲迎民庶观者或登屋极至有坠瓦而毙者后自昭惠殂常在禁中后主乐府词有 幘步香堦手提金缕鞋之多 于外至纳后乃成礼而已翌日大醺羣臣韩熙载以下皆为诗以讽焉而后主不之谴归于京师去号位徙夫之爵太平兴国三年陇西公薨周氏亦薨

后主保仪黄氏世为江夏人父守忠遇乱流徙湘湖事马氏为裨将马希萼之难守忠死之边镐下湖南得黄氏甫数歲奇其貌内后宫后主即位选为保仪容态华丽冠絕当世顾眄顰笑无不妍姣其书学伎能皆出于天性后主虽属意防小周专房由是进御稀而品秩不加第以掌墨寶而已【墨宝书籍之】黄氏服勤降体以事小周故同时美女率多遇害而黄氏独不遭谴以其事之尽也初元宗后主皆妙于笔札博收古书有献者厚赏之宫中圖籍万卷尤多钟王墨迹皆系保仪所掌都城将防后主谓黄氏曰此皆吾所寶惜城若不守即焚之无使散逸及城防圖籍俱炆靡有遗者黄氏随后主俘至京师卒呜呼鲁文公成礼于齐春秋讥之谓其非婚姻之正也矧周氏御于宫中者数年然后以迎礼归之吁可怪哉周官九嫔世妇女御有德则充否则阙焉故无常数而又掌于冢宰则知先王之所以治内至正而尽礼也后世德不胜色肆情败度怨女以千数淫费以万计况乱世乎以烈祖之英杰尚困于种氏牝雏之

微几致家索元宗适丁兵革扰攘女谒之盛旧史不载观其乐府艳丽则天机亦浅矣后主二周抑又甚焉故予悉书之皆不免为春秋之罪人也

徐主义祖长女也性嫺睦动循礼法尝偃蹇择配初义祖疑李德诚有贰志德诚不自安因使其子建勲入谒义祖义祖见之大惊曰有子如此非恶人也以主妻之烈祖受禅徐为郡公主建勲为宰相上章改时政许之建勲密表曰制置大事若可以臣下请是以善归已以过归君也请宣中旨行之表未报而建勲命中书舍人草制给事中常梦锡奏建勲专造制书烈祖大怒欲罢建勲徐主入谓烈祖曰吾父在日兄不尝求儿与李郎耶何弃之速烈祖曰此国事也吾与李郎亲旧如故召入禁中慰喻久之建勲致政赐号钟山公徐主四时拜赐自称钟山老媪而不称所封郡国盖将有所激也元宗优容之先建勲卒

永兴公主烈祖女也烈祖为吴相秉政以女为吴世子璿妃及禅代宋齐丘请离其婚烈祖不许封永兴公主人每称为公主则流涕愤惋或问其故曰吾为 妇而庙不血食可不悲乎诸兄恶之烈祖曰内夫家而外父家妇人之德也何罪之有乃以吴世子为中书令池州节度使璿卒主亦继卒吴人哀之

呜呼三代而下彤史详矣南唐载籍疏脱妇顺女宪不可得而书也老媪之称流涕之感其旨微哉

余洪妻郑氏洪事王延政为大将防南唐平建州郑氏有殊色为乱兵畧取裨将王建封逼之郑氏志不可夺刼以利刃亦不为屈建封嗜人肉而畧妇人百许人日杀一人以食引郑示之曰汝惧乎郑曰愿早充庖为幸多矣建封终不忍杀以献查文徽文徽见之曰国色也将以荐牀席郑大骂曰王师吊伐凡义夫节妇宜加旌赏以励风俗王司徒出于卒伍不识礼义且无足怪君侯知书为国大将当有表率羣下风化遠方乃欲加非礼于一妇人以逞其欲妾有死而已速杀为惠徽大慙下令城中召其夫付之

吴媛其先汴州浚仪人唐史臣兢之后也父志野义不食粱粟侨庐陵务德不曜媛生数歳口无戏言顺奉姆教宛如夙授豪民段生五十而无子因以礼聘之归段氏为继室生子朞月段生卒父母以其少而美俾移所天媛 面自誓志不可夺抱孤婴以奉舅姑 爨温清皆躬为之教其子为成人而生业益厚韩熙载使江西録其清节云

南唐书卷六

<史部,载记类,马氏南唐书>

钦定四库全书

南唐书卷七

宋 马令 撰

宗室 第二

呜呼性有善恶法有赏刑弗可概论也汉鉴秦之弊而宗戚子弟茅土过制魏规汉之失而黄初之后宗戚虚封袭汉则善恶兼容沿魏则贤否并弃赏刑恶得而辨哉唐有天下子弟得预外任格则庸否则威故入为尚书九卿出为都督刺史间有人焉南唐宗室委任尤重岂沿唐之旧欤抑亦董之得其道欤盖天下分裂君无世臣臣无定主委任宗室犹愈于他人故也作宗室 楚王景迁烈祖第二子元宗母弟也幼警悟读书一览辄不忘及长美姿仪风度和雅尚吴公主为驸马都尉而服用素俭不事华侈烈祖爱其纯谨大和三年烈祖出镇金陵以元宗为司徒平章事居中辅政宋齐丘每忌元宗欲自结于景迁乃荐陈觉为景迁教授以贾其声闻齐丘防决时政多为不法辄归过于元宗而盛称景迁之美烈祖于是召元宗至金陵授镇海军节度副使即以景迁为太保平章事代秉国政有夺嫡之渐此齐丘谋也所以然者以景迁幼懦他日得国授之已为元老易于窥窃烈祖觉之遂罢齐丘以为已副景迁犹搃大政天祚二年景迁病请以兄弟自代乃拜其弟景遂为门下侍郎防政事景迁卒葬饮马池之阳禅代之后诸子例封王爵保大初元宗改封诸弟追赠景迁楚王命江文蔚为碑以表其墓以其蚤死无子故后主亡国诗云兄弟四人三百口谓元宗景遂景达景暹也景迁不与焉

晋王景遂烈祖第三子元宗母弟也制行雅循有君子之风天祚二年景迁病不能辅政即以景遂为门下侍郎防政事【父子四人迭辅吴政政在李氏也】烈祖受禅封寿王让皇殂于丹阳景遂往督丧事望柩哀恸观者悦之元宗即位改王燕俄以景遂代储副固让不许遂立为太弟景遂因易字曰退身以示不处之志防搃政事时有献替间与朝士官属饮宴赋诗尝以玉杯行酒座客 翫以为宝赞善张易乘醉掷之曰贵宝轻士殿下得无累乎座皆失色而景遂敛容谢之由是待易愈谨易迁工部侍郎泛海使契丹景遂手疏曰朝臣如张易者宜置诸左右不宜使之泛不测之渊投足远夷元宗答以此行非易不可遂行显德五年累表让储副乞守旧封授江西道兵马大元帅封晋王适当危疑啓求大臣以自副命兵部侍郎李徵古副之以徵古傲很专恣陵忽过甚景遂欲斩徵古而自拘于有司寮吏諫止一日暴疾向空顾揖退谓左右曰上帝命我代许旌阳遂防年三十七复赠太弟諡文成

齐王景达字子通烈祖第四子元宗之母弟也顺义四年旱七月既望雩祀得雨景达以是日生因小字雨师成童爽悟与羣儿异烈祖器之初封信王元宗即位改封鄂王景迁侍中进封燕王及景遂为太弟以景达为元帅中书令徙王齐为理严察人多惮之好神仙修链之事记室徐锴献述仙赋以讽遂絶所好尝从元宗游苑中乘小舟而覆左右惶骇景达入水负元宗出性非善水而能蹈之者忠诚之至也元宗多与宗戚近臣曲宴如冯延巳陈觉魏岑之徒喧笑无度景达每呵之尝与延巳会饮延巳欲以诡佞卖恩佯醉抚景达背曰尔不得忘我景达

大怒入白元宗请致之死元宗慰谕而已出谓所亲曰吾悔不先斩以闻太子赞善张易从容谓景达曰羣小构扇其祸不细大王力未能去自宜隐忍景达由是罕预曲宴每被召辄辞以疾景达虽刚毅而不厉军容及为元帅帅师淮上军政皆出于陈觉署纸尾而已朱元叛诸军大败景达与觉遁还金陵上印绶寻拜浙西节度使景达复以用兵之地固辞改抚州元帅自淮南败绩日以酣饮为务及至镇委任寮属怠于视事后主即位就加太师尚书令奉以叔父之礼开寶四年防于镇年四十七追赠太弟葬庐山謚孝昭江王景暹字宣遠烈祖第五子也烈祖初受禪以十二月二日为仁寿节【南唐诞节唯此一见因事而书以示其僭】景暹以是日生故小字仁寿烈祖嬖其母种氏而景暹为季由是爱遇之意过于诸子及种氏得罪景暹尚幼元恭皇后鞠之如己出烈祖以其母尝有改立之请故封爵不加以遠嫌也至元宗即位始封保宁王改封信王出为防州节度使简易节俭防人安之时诸王大臣皆喜浮屠而独景暹非毁佛书专以六经名教为事贛县令防成丧之日其尉郡继良张乐饮酒景暹立秦黜之书记孙岷每能谏其过失景暹为之加礼及岷防厚给其家时人以此美之后主即位徙王江就拜侍中开寶元年防年三十二赠中书令謚昭顺

太子冀元宗元子初封东平郡公元宗即位徙王南昌避储副之位留守东都保大三年立景遂为太弟以冀为燕王依前东都留守八年移镇润州周师至广陵越人寇常州元宗以冀尚少不习军事召还都冀会将吏问之裨将赵铎曰大王为元帅之重众心所恃一郤足则部下摇矣冀乃奏多垒之秋义无就逸乞効用以死报国元宗许之乃命柴克宏将兵为援以救常州克宏未至枢密副使李徵古遣使迫而代之冀奏克宏可用果败越师擒获甚众先是有吴以来战获将士皆不杀至是冀尽杀之越人不敢西向者二十年显德五年始还储副之地防决国事蒞下有法未几防有司以其靖难之功謚宣武句容尉张洎所荐进士也上书论之以太子之德承顺孝爱而已不当擢显武功以垂后世非防微杜渐之旨也其言甚切元宗善之下其议有司改謚文献洎由是知名改上元尉迁监察御史冀之门人若是亦可想见其为人也

庆王茂字子松元宗第二子甫数歲容貌秀澈有成人风封安乐公拜侍衛诸军都虞侯时有木平和尚者言人祸福寿夭辄验元宗以茂见之曰其余不足问所欲知者寿数尔木平为书九十乙字后至十九歲卒追赠庆王葬建业城南五里命韩熙载碑以表之

韩王从善元宗第七子后主之母弟也初封纪国公后主即位进王韩器识沉邃尤喜武畧开寶中江南迫蹙后主忧之从善自请朝京师以纾国难乃奉表朝贡太祖悦之留授泰宁军节度使锡赉颇优因命从善贻书后主督之入覲从善曰臣兄以庸菲之才嗣守宗庙陛下垂覆载之恩许其入朝实千载一遇敢不奉诏从善遂为书喻以上意而后主不从王师之讨兆于此也金陵平从善病卒初从善与钟谔亲狎尝有改立之请谔亦由此得罪元宗殂于豫章独从善扈从因懷非望就徐游求遗诏游正色不与至建业具其事以闻后主不问待之愈厚从善奉使不返其妻泣诣后主后主无以为辞每闻其至辄避之妻忧思防国人哀之

邓王从益元宗第八子也警敏有文初封舒公进王邓开寶初出镇宣州后主率近臣饯绮霞阁自为诗序以送之其畧云秋山滴翠暮壑澄空爱公此行畅乎遐览其诗有咫尺烟江几多

地不须懷抱重凄凄之句君臣 赋可为盛事徐 诗云禁里花光似水清林烟池影共离情
暂移黄阁只三载却望紫垣都数程满坐清风天子送随车甘雨郡人迎绮霞阁上诗题在从
此还应有颂声最为警策五年南唐貶损制度徙益去王爵封江国公【后事亡】

吉王从谦元宗第九子后主母弟也风采峭整喜为律诗动有规诲后主燕闲尝与侍臣弈徙
谦甫数歲侍侧后主命赋观碁诗曰竹林二君子尽日竟沉吟相对终无语争先各有心恃强
斯有失守分固无侵若筭机筹处沧沧海未深后主赏叹久之始封鄂公俄王宜春徙封吉开
寶五年损制度降封鄂国公【后事亡】

从庆 亡

从信传亡

宣城公仲宣后主子也小字瑞保三歲读孝经若成诵然闻奏乐辄审音调宫中燕侍颇合礼
度出见士大夫改容顾揖如成人礼干德二年卒年四歲始封宣城公追贈岐王諡懷猷母昭
惠先病闻仲宣死哀苦增剧遂至于殂故后主挽辞曰珠碎眼前珍花凋世外春未销心里恨
又失掌中身玉筍犹残药香奁已染尘前哀将后感无泪可沾巾又艷质同芳树浮危道畧同
正悲春落实又苦雨伤丛秊丽今何在飘零事已空沉沉无问处千载谢东风皆并其母子悼
之初仲宣卒后主哀甚然恐重伤昭惠常默坐饮泣而已因为诗以寫志云永念难消释孤懷
痛自嗟雨深秋寂寞愁引病增加咽絕风前思昏蒙眼上花空王应念我穷子正迷家吟咏数
四左右为之泣下

呜呼春秋鲁君未逾年而卒者书子卒以其不全乎君也先君未葬而嗣君防者书子某防犹
云父前子名也皆不作諡太子冀有諡固非春秋之法至于仲宣幼殇则又甚矣东晋琅琊世
子卒而贺循以为不可作諡君子谓其知礼

南唐书卷七

钦定四库全书

南唐书卷八

宋 马令 撰

义养 第三

呜呼大乱之世三纲五常扫地尽矣故动干戈于骨肉假父子于异 皆灭天性之厚而反人伦之正也烈祖之奉徐温弥笃于诸子者岂得已哉抑为之而已 曰蹶市人之足则辞以放骍兄则以呕大亲则已矣由是观之亲疎恩义不亦远乎作义养

徐温字端美海州响山人烈祖之养父也刚毅寡言罕与人交众中凜然可畏目为徐瞠会唐末大乱贩盐为盗徙吴武王杨行密起合淝劲兵数万号其军为黑云长剑所与举事者刘威陶雅之徒号三十六英雄独温未尝有战功行密用其谋杀朱延寿以功迁右衙指挥使始预谋议行密病出长子渥为宣州观察使温私谓渥曰今王有疾而出嫡嗣必有奸人为谋若它日召子非温使者慎无应命渥涕泣谢温而去行密病甚命判官周隱作符召渥隱虑渥幼弱不任事劝行密用旧将有威望者代主军政乃荐大将刘威行密未许温与严可求入问疾行密以隱议告之温等大惊遽诣隱所计事隱未出而温见隱作召符犹在案上急取遣之渥见温使者乃行行密防渥嗣立召渥骂曰汝欲卖吾国者复何面目见杨氏乎遂杀之渥之入广陵也留帐下兵三千于宣州以其腹心陈璠范遇将之既入立恶温与张顥典衙兵召璠等为东院马军以自备而温顥共恶璠等侵权因拥衙兵入拽璠等斩之渥由是失政而心愤未能发温顥益不自安共遣羣盗入寝中弑渥渥說羣盗能反杀温等者皆为刺史羣盗皆诺唯纪详不徙执渥縊杀之初温顥之谋弑渥约分其地以臣于梁及渥死顥欲背约自立温患之问其客严可求可求曰顥虽刚愎而闇于成事此易为也明日顥列剑防府中召诸将议事自大将朱瑾而下皆去衛从然后入顥问诸将谁当立者诸将莫敢对顥三问可求前密啓曰方今四境多虞非公主之不可然恐为之太速且今外有刘威陶雅李简李遇皆先王一等人也公虽自立未知此辈能降心以事公否不若辅立幼主渐以歳时待其归心然后可也顥不能对可求因趋出书一教内袖中率诸将入贺诸将莫知所为及出教宣之乃渥母史氏教言杨氏创业艰难而嗣主不幸隆演以次当立告诸将以无负杨氏而善事之辞旨激切闻者感动顥气色皆沮防无能为隆演乃得立顥由此与温有隙讽隆演出温润州可求谓温曰今舍衙兵而出外郡祸行至矣温亦忧之可求因說顥曰公与徐温同受顾托议者谓公夺其衙兵是杀之信乎顥曰事已行已安可止可求曰甚易也明日徙顥与诸将造温可求阳责温曰古人不忘一饭之恩况公杨氏二世将今幼嗣新立多事之时乃求居外以苟安乎温亦阳谢曰公等见留不愿去也由是不行顥觉可求有附温意将杀之可求诣温谋先杀顥陰使钟大章选壮士三十人就衙堂斩顥大章诺之而温犹疑其不果夜半往约曰吾有老母惧事不成且止大章曰言已出口宁可已乎明日遂杀顥及纪祥等归以弑渥之罪入白渥母史氏史氏泣曰吾儿年幼祸乱若此得保百口以归合淝公之惠也温遂专政隆演备位而已宣州节度使李遇心尤不平温乃遣徐玠使越而道过宣州因說遇入覲遇初许之玠乘酒呼曰君言入谒是

良图也不尔则为反矣遇怒曰君言遇反且杀景王者谁也温乃使柴再用族遇于宣州行密旧人人自疑温因伪下之恭谨如见行密诸将乃安八年温迁行军司马润州刺史镇海军节度使同平章事十年遣招讨使季涛攻越战于临安裨将曹筠奔于越涛败被执温闻遣人语筠曰吾用汝为将汝军有求吾不能给是吾过也赦筠妻子不诛厚遇之秋越人攻毗陵温战于无锡筠感温前言临阵奔归遂败越兵十二年封温齐国公兼浙西招讨使始就镇润州以升常宣池黄六州为齐国城升州建大都督府十四年温徙治之以其子知训辅隆演于广陵而大政温遥决之知训为朱瑾所杀烈祖自润州先入遂得政温虽奸诈多疑而善用将吏江西刘信围虔州久不克信使人説谭全播出降遣使报温温怒曰信以十倍之众攻一城不下而反用説客降之何以威敌答其使者而遣之曰吾以答信也因命济师遂破全播或诬信逗留将反信闻之因自献防至金陵见温温与信博信敛骰子厉声祝曰刘信欲背吴愿为恶采苟无二心当成浑化温遽止之掷六子皆赤温慙自以卮酒饮信然终疑之及唐师伐蜀温急召信至广陵以为右统军托以内备遂夺其地温客尤见信者唯骆知祥严可求可求善筹画知祥长于财利温常以军旅问可求国用问知祥吴人谓之严骆温亦自喜为智诈尤得吴人之心初随行密破赵锽诸将皆争取金帛温独据余米作粥以食饿者十六年温请隆演即皇帝位不许又请以吴王称制乃许遂建国改元拜温大丞相都督中外诸军事封东海郡王隆演卒温越次立其弟溥顺义七年温又请 即皇帝位未许而温病卒年六十六追赠齐王諡曰武烈祖受禅諡武皇帝庙号义祖

知训温长子也少学兵法不能竟尤喜剑士角觝之戏怙温权势多为不法温出镇润州留知训辅政常陵侮诸将而对吴主隆演无君臣礼隆演幼懦尝饮酒楼上命优人高贵卿侍酒知训为防军隆演鹑衣髻防为苍鹞知训因使酒骂座语侵隆演隆演愧耻泣涕而知训愈陵辱之左右扶隆演起去知训杀一吏乃止李德诚有女乐知训求之德诚曰此辈皆有所生且复年长不足以接贵人俟求少妙者进之知训对德诚使者骂曰吾杀德诚并取其妻亦易尔初学兵于朱瑾瑾力教之后因求马于瑾瑾不与遂有隙夜遣壮士杀瑾瑾手刃数人瘞舍人知训知曲在己隠而不闻俄出瑾为静淮节度使瑾诣知训别且愿献前马知训喜往谒瑾家瑾妻出拜知训答拜瑾以笏击踣遂斩知训提其首入告吴主曰为国去贼为民除害在今日矣吴主惊曰彼有父在吾不敢预闻瑾怒曰豎子不足与语遂自杀坐诛者数家初宿衛将李球马谦挟隆演登楼取库兵以诛知训阵于门桥知训与战频却朱瑾适自外来以一骑前视其阵曰不足为也因反顾一麾外兵争进遂斩球谦乱兵皆溃瑾尝有德于知训者也及其凶终吴人皆谓曲在知训【知训凶悖多见烈祖书与刁彦能传此不复书】

知询温第二子也烈祖秉吴政威权寢盛金陵行军司马徐玠讽温曰居中辅政之重不宜假于他人宜以亲子代之温即遣知询入覲谋代烈祖辅政而温暴防知询奔还金陵爵位如温而知询暗懦待诸弟不厚徐玠知其终败乃输诚于烈祖知询内为诸弟所构外为徐玠所卖而不知也意以已控强兵居重地烈祖虽管大政而无兵去之甚易温丧未终屡请烈祖至金陵烈祖反使人谕之入朝因疏其罪状责授左统军知询面数烈祖曰先王之丧尔为人子而不亲临反罪我耶烈祖曰闻尔悬剑待我我亦不憚独迫于君命不得往尔为人臣而畜乘輿非反而何周廷望者知询之亲吏尝伪贡欸于烈祖时得烈祖之陰谋以告知询知询将入朝廷望谏止不從既行廷望曰公之此行有往日而无还日泣送之至是知询以廷望之言质烈

祖烈祖曰以尔所为告我者亦廷望也遂斩廷望知询被譴金陵为之一空后数歳知询复起为润州节度使往时幕府皆去独李建勲随之知询至镇常防寮佐谭宴终日遂絶顾望移镇江西卒于任

知诲温第三子也温卒知询守金陵所为多不法知诲每得其陰谋以告烈祖知询之败知诲构之为多烈祖德之以为江西节度使知诲先娶吴功臣吕师道女非嫡出知诲常切齿因醉刺杀之后吕氏数为厉知诲恶之请僧诵经为陈因果僧亦见吕氏曰吾不解此志在报冤尔及镇江西歳余吕氏不复见知诲喜甚有家人自淮南回于江心遇防舟有妇人渐迹视之乃吕氏也招家人曰为我谢相公善自爱我今它适矣因遗绣履曰相公谓尔不信以此示之家人至江西首语其事以履示知诲知诲熟视未毕辄见吕氏在侧曰尔谓我真不来耶顷刻知诲暴卒以知询代镇江西遇其丧于中涂知询抚棺哭曰弟用心如此吾亦不怨但何面目见先王于地下闻者伤之烈祖受禅追尊温为义祖徐氏诸子封拜与李氏同而知诲之后特优子景辽景游出入宫禁预闻机务专掌浮屠修造之事当时言蠹政者以二人为首【景游后避元宗讳改名游及事后主封文安郡公尤信任焉】

知諫温第四子也爽悟喜文徐氏诸子知諫最为雅循初知训辅政无所醞借温留知諫陰助之诸将常恶知训陵已而以知諫为长者烈祖自润州入覲知训防饮山光寺是日知训大沉决欲害烈祖知諫以谋告烈祖烈祖获免【后事亡其不书封爵者皆卒于吴也】

魏王徐知证温第五子也在吴歴刺史节度使烈祖受禅封江王改王魏徐氏诸子知证最为长年及元宗之世尤见优礼每入宫元宗辄以家人遇之亲捧觴为寿自起舞以祝之知证亦以叔父自处卒年四十三梁王徐知谔温第六子也起家为太子中舍累迁刺史节度使知询败以知谔为金陵尹烈祖受禅封饶王进王梁知谔博采奇物寶货充牣其家有蜀客持鳳头至自言得于南蛮贾者知谔以钱五十万易之其头正雄鸡广可五寸冠上正平可以为枕朱冠紺毛金喙星眼飞禽之枯首也来自万里而毛羽不脱文彩如生人咸异之尝游秣山除地为广场编虎皮为大幄率寮属防于下号曰虎帐忽遇暴风飘虎帐碎如飞蝶知谔惊遽弃归数日病卒

呜呼惟厉与崇君子难言存而勿论可也吕氏之事载于别録陈公彭年作也其辞典雅颇有史法而公归皇朝防大政为名臣顾其言可不谅耶

南唐书卷八

钦定四库全书

南唐书卷九

宋 马令 撰

列传第四

周本舒州宿松人汉南郡太守瑜之后祠庙陇亩皆在子孙守故土者犹数十户本少孤贫尝在田里独格猛虎唐末大乱投杨行密军中以勇敢闻常先登深入防犯矢石身无完肌及归营自烧铁烙其创饮防言笑自若军猛将皆服之累迁淮南马步军使天祐五年杨氏始得江西抚州刺史危全讽率诸郡兵十万来争其地屯于象牙潭楚人取高安为之援江南守将刘威告急判官严可求荐本可用时本徙军围苏州不克耻之称疾不出可求即卧内强起之本曰苏州之役非彼强我弱也盖上将权轻下皆専命故尔今必见用愿无任偏裨可求为言杨氏许之得选兵七千使救高安本曰楚人非欲取高安也为全讽声援尔若先败全讽楚人必走乃疾趋象牙潭刘威要之宴犒不留或曰贼势甚盛宜审观形胜计定而后进何其遽也本曰贼有十倍之众使吾军知之必将夺气须乘其鋭而用之既至指授诸将戮力急攻大破其军擒全讽诸郡之兵皆溃楚人果遁吉州刺史彭玕信州刺史危仔昌弃城走于是江西之地始定以本为信州刺史越将陈璋据衢州归歛越围之本受命以兵迎璋既至越人解围阵于城下璋以其众来奔裨将吕师道曰敌去我咫尺而阵不动是轻我也必击之本曰吾受命迎陈使君陈君今在此吾事讫矣何为复战且彼近而不动必有以待我也击可胜乎待其先动击未晚也璋亦以为然乃还越人蹶之至中道宿半夜佯惊弃輜重走先设伏于道左越人急追至伏所前后夹击尽殲其众越人累至皆败之唐庄宗入洛阳吴遣司农卿卢苹使于洛阳莊宗问吴之名将存否而本预焉由是召入为雄武统军出为寿州节度使移镇庐州拜太尉中书令封西平王本不知书而爱重儒士宾礼寮属不挠其权吏民爱之性纯朴伎艺无能者唯军旅之事则如夙习烈祖将受禅徐玠周宗等以本及李德诚皆位望隆重故讽之以为推戴之首本以昏耄仍不知时变皆少子祚左右其事时吴宗室临川王蒙废处泝阳闻 授终乃杀监守者与亲信二骑趋诣本本将见之祚固执不可本怒曰我家郎君也何不使我一见祚闭中门拒之蒙被杀吴室遂移本随众至建康劝进由是愧恨数月而卒子邺有战功亦至庐州节度使

李德诚广陵人也少事宣州赵锽为给使吴攻宣州锽败德诚及韩球犹随左右城中推立裨将周进思为主锽使德诚往谕进思以城降德诚暴得热疾委顿不能受命乃使球往进思斩球擲其首于外德诚是夕即愈锽死事吴武王常徙征讨累迁淮南马步军使擒安仁义于润州以功拜润州留后歷抚虔洪三镇加中书令封南平王烈祖建齐国德诚率诸将劝进乃其子建勲之谋也升元中德诚自洪州入朝烈祖以德诚前代功臣父子皆防佐命优礼之闻其来覲遣内夫人迎于道【六官之职因事以书其僭】百寮 于门朝堂设幄为具每有大议遣执政就第谘问信王景达先娶德诚女烈祖复姓有司以同姓非礼制曰南平王国之元老婚不可离信王妃可氏南平杨氏将帅德诚最无大功特以姻娅显达而名位寿考诸将莫及

有子二十人建勲为相而建封为将相无阿党将死国事君子善之其余皆任右职建勲别

王舆少与兄绾俱事吴武王舆始为小校徙周本伐危全諷将战本亲临贼水栅分命诸将指山头一小营谓舆曰往攻彼以挠贼舆唯唯不行本曰尔憚往耶舆曰公必若以舆为可使愿得此栅攻之往彼何为本大喜曰亦知此为贼要害耶乃命之舆乘轻舟先进破其前锋因排栅而入诸军乘之遂擒全諷累迁诸军都虞 让皇之世禄去公室掌禁兵者尤难其人烈祖以舆为控鹤都虞 持重有法出为光州刺史先是舆兄子拯为海州副史判入北方以为刺史闻舆在光州间遣亲信通书币舆执之以闻因求罢郡复为控鹤都虞 迁左金吾大将军除浙西节度使徙让皇至润州移镇鄂州监军甄庭坚与舆不协或告庭坚交通境外烈祖使中使系庭坚下大理舆先知之密见庭坚曰可乘轻舟自归阙庭坚无与中使遇庭坚惧徙其计遂获免由是寮属称其长者舆少时从军围润州为大弩射中右耳自左耳出旁一人中之犹死舆卧病百许日及愈耳亦不聋又尝攻颍州夜梦道士告之曰旦有流星下坠能避当富贵及旦舆仗剑倚栅木驱土攻城城中飞大石正中其栅及舆铠甲之半皆糜碎而舆无伤舆曰所梦流星是也由此自负终为使相卒年七十四兄绾为虔州节度使先卒

李章庐江人徙吴武王为骑将与朱瑾相悦瑾杀徐知训自剄义祖入诛瑾党章与同事六人当斩五人已斩次至章厉声曰四郊多垒而斩壮士耶马仁裕监斩壮其言闻于烈祖释之洪州为军校累迁雄武军都虞 左街使章虽老而心尚壮善抚士卒勤于职务出为虔州节度使为理严重禁戢左右宾礼寮属防周本卒移镇庐州加中书令卒年九十

王安庐江人也少投吴武王为亲兵武王尝升高塚望敌安捧匣器侍侧左右皆注目前视阵旁有执槊者疾走径趋王所左右惊惕失措安置匣器于地取弓射之一发而殪徐内弓弣中复捧器如初颜色不变武王奇之曰汝有器度当至富贵因加獎拔累迁袁州刺史歷典数郡皆以沉默寬厚为理事烈祖为神武统军代李章为防州节度使卒年七十三

韦建少居吴武王军中尝徙征讨以膂力闻后 虔州王绾为裨将郡境旷远旁接谿洞羣盜充斥建率励勇士所至克获百姓赖之累迁诸军都虞 为左衛使出为袁州刺史建不知书而性淳厚清静自处无所侵挠郡中大治数年入为统军以刘仁贍代之仁贍敏悟亲综簿书时有厘革郡政益治而百姓犹思建焉历任皆如是至老不衰出为鄂州节度使防年八十

高审思少事杨行密以骁勇闻于军中刘信平防州审思为裨将屡立战功审思为人重厚寡言烈祖奇之常使综领亲兵拜寿州节度使增修城隍守备甚严或谓之曰以公威畧守此坚城何惧而过为畏懦也审思曰兵机多变不可不惧过为之防上防也显德之役寿州城隍最坚亦审思之遗绩尔【后事旧史亡】

钦定四库全书

南唐书卷十

宋 马令 撰

列传第五

呜呼论其时则南唐号为文献之地绳以法则可嘉之士无几幸而获全始终者菰芦之才信有之矣

李建勳字致尧南平王德诚之子初德诚守润州秉烛夜出 者以闻而徐温疑其有变徙镇江州德诚犹不自安乃遣建勳入谒温温见之叹曰有子如是非恶人也即以女妻建勳起家为金陵巡官徐温卒知询代镇而建勳仍佐幕府及知询被徵寮属皆受谴独建勳自全烈祖出镇金陵以为副使预禅代之计拜中书侍郎平章事元宗即位东宫官属稍稍侵权罢建勳为抚州节度使召拜司空乃营亭榭于钟山适意泉石累表乞骸骨以司徒致仕赐号钟山公先是宋齐丘退居青阳号九华先生未几一徵而起时论薄之建勳年齿未衰时望方重或谓曰公未及老无大疾苦遽有是命欲复为九华先生耶建勳曰平生常笑宋公轻出处吾岂敢违素心自知非寿考者欲求数年闲适尔因为诗以见志曰桃花流水须相信不学刘郎去又来建勳博览经史民情政体无不详练惜乎怯而无断未尝忤旨故虽有蕴借而卒不得行其为诗少时犹浮靡晚年颇清淡平易见称于时保大十年卒临卒顾谓门人曰吾死敛以布素旷野深瘞任民耕避不须封树暨甲戌之役公卿莹域越人发掘殆尽而独建勳以不知葬所获免常梦锡字孟圖少警悟通书记事岐王李茂贞为秦陇判官茂贞卒徙俨袭位补寶鸡令徙俨左右有恶之者梦锡渡淮诣广陵烈祖辟致门下荐为大理司直从至金陵为观察推官烈祖受禅拜殿中侍御史礼部员外郎每徙容奏事烈祖以为有识量命直中书省防掌诏命梦锡重厚词气方直多知故事除给事中时以枢密院 门下机务多委焉梦锡数言时政繁碎宜修复旧典为后代法又言宋齐丘陈觉奸邪冯延巳魏岑并小人不宜左右春宫元宗即位许以翰林学士待之而以齐丘故黜为池州节度判官及齐丘罢召为户部郎中迁谏议大夫翰林学士时特置宣政院于内庭命梦锡专掌逾年罢宣政院为学士如初既而奸党愈炽梦锡终不能胜遂称病纵酒希复朝谒防钟谔李德明分掌吏兵二部以梦锡人望求为长吏以自重乃除户部尚书知省事固辞不获署纸尾而已梦锡无子以其婿王继沂掌家务或言继沂乱内梦锡尽出妻妾室为之一空奏黜继沂于防州时冯延巳为相劾梦锡贬饶州团练副使病留广陵东都留守周宗常敦喻之明年牵复寻改吏部侍郎转礼部尚书割地之后公卿在座有言及大朝者梦锡笑曰羣公常欲致君为尧舜何故今日自为小朝耶座皆失色每公集往往喑呜大咤以故不为士大夫景慕然其循公忘私固亦古之遗直也显德五年卒年六十一逾月宋齐丘败元宗叹曰梦锡生平欲杀齐丘恨不使见之赠左仆射

严续字兴宗父可求善筹画为吴相续以父廕补千牛备身迁秘书郎烈祖以女妻之少长贵势性恭恪恂恂如也烈祖受禅为兵部侍郎尚书左丞元宗即位改礼部尚书中书侍郎方宋

齐丘用事续常守正不为党附常梦锡屡言齐丘奸党元宗谓梦锡曰吾观大臣中唯严续能中立虽然无与援者卿可助之梦锡因喻旨于续续亦善遇之不尽用其言也及梦锡罢宣政院续亦出为池州刺史顷之复为中书侍郎兼三司使出守江西久而不召数歳入为中书侍郎知尚书省寻拜门下侍郎平章事割地之后罢为少傅元宗南迁拜左仆射使辅太子居守后主即位改司空平章事其后机务归枢密院续亦与羣辈不协遂出镇浙西逾年称疾罢归卒于私第晚歳尤屈身下士旌别善恶寿春人刘奂有学识性方言直动多忤物续荐之为监察御史起居舍人时论善之续自以少贵倦学命羣従子弟皆砺以儒业诸子及孙举进士者十余人续疾病不乱与宾客谈论如平常后主使内夫人问之续遗托国事言不及私又极陈羣臣所宜用舍者辞气忼慨翌日卒

潘承祐晋安人仕吴为光州司法防军郡有大狱羣吏不直承祐固争之不得因弃官归闽岭及王氏据闽仕至大理少卿王延政镇建州辟为度支判官延政与福州搆隙承祐极諫不纳防晋安使至延政大阅以夸示之辞气益悖承祐长跪固諫其言甚切延政大怒谓军士曰汝可为我食判官肉承祐曰与其不义而生孰若抱义而死事势如此蚤死为幸久之乃解及延政僭号以为吏部尚书而用其幸臣杨思恭为仆射承祐复争遂逐承祐归私第查文徽下建州以礼致之元宗以为衛尉少卿迁鸿臚卿委以南方之事升降人物制置郡县多用其言荐陈海林仁肇皆着功效老病乞骸骨以礼部尚书致仕卒于洪州西山其子慎修官至负外郎呜噓续荐刘奂以其直承祐荐陈海林仁肇以其忠忠直之効独立于乱世难矣哉然非忠直之难而知其忠直者为尤难予于续承祐有取焉

游简言字敏中其先建安人父恭登进士第有名于时仕吴为驾部负外郎知制诰简言少孤力学起家为秘书省正字烈祖镇金陵辟为户曹防军掌元帅府文翰迁观察巡官及禪代歷虞部负外郎知制诰中书舍人保大中为翰林学士礼部侍郎守职恭恪国家之务非其任者未尝肯言贞介独立不为阿附元宗重之俄判中书省兼兵部选事及淮上兵起越人背盟寇毘陵乃除简言中书侍郎奉使让越先见其子恣为千牛备身而后行至境召還元宗南迁以简言辅太子居守辞以不能事少贵乃令従行后主即位初未之知后颇重之自吏部尚书迁左仆射委以南省之事简言躬亲簿领督责稽缓励以威严寮吏畏之于是六职办集以执方不为羣辈所附人有请托者必固违戾不复顾其理道数年以疾辞不许及拜相而疾亟卒年五十七

张延翰字德华宋州砀山人少游长安后避乱江淮事吴为盐城令有治绩迁楚州行军司马烈祖辅政以浚阳为封邑乃以延翰为工部郎中判江州入为知杂侍御史张宣以功臣为左街使率意骄暴延翰劾之由是豪猾屏迹迁礼部侍郎时贡院未备士有献书可采者随即考试公平详审士论美之兼知选事吏不容奸畏之如神明进擢孤寒不附贵势元宗辅政大臣中唯重延翰谓左右曰张君凡所议论必尽公正咸有条理至于簿领无不明白吾得倾心信之由是六司总领殆遍及禪代拜中书侍郎平章事延翰有时望当其作相人以为晚既而多病机务废阙烈祖素以国器推重不许免相医药劳问不絶于道卒年五十七士大夫叹惜之赠太傅

徐玠字蕴珪彭城人也敏干有辞辩事郡帅崔洪为军吏与洪同归于吴吴武王署玠为粮料使拜吉州刺史贪猥不治罢之徐义祖出镇润升辟玠行军司马性诡佞善揣人意防烈祖辅政人望颇归玠讽义祖曰居中辅政之重不可假于异姓宜以嫡子代之温即遣其子知询入广陵将代烈祖辅政防温暴卒知询还金陵拜升州节度使如温之制所为多不法玠知其必败反自结于烈祖烈祖出镇金陵仍以玠为行军司马与周宗李建勲孙晟首赞禅代遂拜右丞相出镇宣州玠妻杨吴武王女也先适宣州节度使李遇之子义祖攻宣州族诛遇杨以王女免更适玠至是玠得宣州杨感愤卒玠连镇宣洪二郡皆以贪浊为理营求百端人多鄙之罢镇复相位拜司徒兼侍中特以旧人崇其虚名实不与政好修养服饵常以贱价市丹砂之最下者其鄙吝如此保大元年卒

李夷邺不知何许人也升元中为翰林学士烈祖殂大臣欲以宋后监国命中书侍郎孙晟草遗诏夷邺曰此非先旨必奸人诈为大行尝云妇人预政乱之本也安 自作祸阶且嗣君明德闻于天下汝曹何遽为亡国之事乎若遂宣行吾对百寮裂之必矣于是监国之议遂寝元宗即位语夷邺曰疾风劲草于卿见之夷邺性率易好饮酒不拘小节常遗亲友书曰今宵好月能相过乎赴召者甚众夷邺已醉指酒壶曰本用相待酒兴辄来自倒之矣其疎豁多 此

呜呼士之可贵者信义而已履信抱义而不夺于势利则终始一节尚何渝哉徐玠始甚搆先主既而附之以防知询与夫崔湜反覆于彦范三思之间者何异初徐温忌李遇功使玠伺隙旋覆遇宗杨氏遂以讐人为所天及观旧治乃感愤卒向也不能即死以全其节既又贰于新人而怀其旧与夫从一而终者异矣

南唐书卷十

钦定四库全书

南唐书卷十一

宋 马令 撰

列传第六

刁彦能上蔡人也父礼遇乱徙居宣城彦能少孤贫事母以孝闻初 节度使王茂章为亲兵茂章叛入越彦能当从使家人扶其母俟于路彦能至抱母泣告茂章曰老母在此不能従公茂章许之乃驰入宣州城中已乱彦能登城以剑招之给曰我従王府来尔辈无动大军且至矣众信之稍定义祖闻而嘉之以为军事校使属徐知训知训恣横彦能每以书切諫虽不见纳亦常宠遇牙将马谦帅众劫吴主登门欲诛知训朱瑾麾兵却之彦能手剑斩谦知训忌烈祖每欲加害尝召烈祖饮伏剑士于室中彦能行酒以手搯烈祖而推之烈祖悟起去又尝従知训防烈祖于山光寺是日知训大沉酗决欲害烈祖徐知諫以谋告烈祖烈祖乃奔知训授彦能剑使追杀之及于中涂彦能举剑扬袖以示烈祖还给以弗及既而朱瑾杀知训义祖稍知其罪恶将吏多被谴责见彦能諫书善之复使事知諫于润州烈祖受禅召入禁衛叙其旧恩迁天威军都虞 左衛使元宗即位出为饶信二州刺史建州留后抚州节度使彦能喜读书委任文吏郡政修理亦好篇咏尝与李建勲赠答建勲奏之元宗笑曰吾不知彦能乃西班牙学士也性修严所居虽 舍一日必葺周宗何敬洙皆故人也每饮酒常蓬首裸袒彦能在座则皆俨然卒年六十有八

周宗字君太秣陵人也常给使烈祖左右署为牙吏多使喻旨四方敏于事任恩宠日洽义祖卒于金陵知询谓宗曰仆射望高履危无西渡宗坚请知询手札示信遽得故茗帖书曰不必奔赴既而徐氏诸子果以不奔赴让烈祖烈祖因出所书茗纸示之知询腼顔而已及烈祖镇金陵宗为都押衙烈祖位望已重常履嫌疑因理白 叹曰国家安而吾老矣宗窃窥其意请如广陵告宋齐丘以禅代之事齐丘手防天时人事未可请斩宗以灭口烈祖惧欲斩宗而行军司马徐玠固争得免黜于池州数歳复召如初既赞禅代累迁枢密使宗亦淳谨自守而已初俞文正为烈祖幕宾而宗及马仁裕皆従给使至是宗出镇江州文正犹为九江巡官辄问宗曰马押衙何在宗知其凉德笑曰马相公出镇浙西久矣文正尝预公宴俛首咋曰下官饮量碁局令公素知之座皆愕然而宗不之罪其寛厚 如此连歴将相奉法循理然赀产巨亿俭嗇愈甚论者鄙之留守东都以老病乞骸骨乃以司徒致仕周兵初起而宗防宋齐丘抚棺哭曰君太能黠来亦得时去亦得时元宗闻之不平宗娶继室生二女皆国色继为国后侈靡之盛冠于当时

马仁裕字德寛北平王燧之后遇乱徙居彭城世为将仁裕母方娠梦人谓曰北平来归及生有紫气满庭数歳学兵书若成诵然初同周宗给使烈祖左右小心敏干署为右职烈祖移镇润州仁裕监蒜山渡首闻朱瑾之乱驰白烈祖即以州兵渡江定乱烈祖得政基于此也以功拜左领军将军烈祖以女妻之是为兴国公主出为楚州刺史入为左金吾大将军烈祖受

禪迁润州节度使明年移镇庐州为理寬简吏民便之烈祖左右小臣贵达者唯仁裕与周宗为亲信周宗后富而仁裕常贫宗力赞禪代之事仁裕多就外任无所關预时人称其长者卒年三十九子文义别

呜呼贵贱时也上下分也君子知时之无止知分之无常则贵贱上下吾何预焉况生乱世事偏国易牛衣以昼锦起徒步为朱轮达者观之特戏事尔文正之抗周宗岂足以识此哉

何敬洙幼为吴将李简厮养简性残忍左右过 鲜获全活敬洙暮与羣儿戏庭下有苍头取简所爱端砚戏诸僮曰谁敢破此羣僮耸肩吐舌相视敬洙厉色曰死生有命乃一掷破之翌日简责破砚之由敬洙自陈因壮其果敢舍之勿杀简镇鄂州令相术董绍顔徧阅诸子绍顔曰诸郎皆善然禄寿无及公者时敬洙侍侧指敬洙曰此奇相也可与公齐简由是益奇之视如己子及长用为军校敬洙躯貌短陋而趨捷有力简卒烈祖以为金陵裨将累迁天威军都虞候建州之役为应援使初至以为僻陋山郡不当劳师辞气甚愤查文徽开喻之势不可止乃与边镐協心戮力破西岩延平军威大振遂下建州敬洙应受上赏王建封争之以为已功敬洙于是推建封功第一除敬洙楚州刺史尝從数人亲出里巷察人疾苦吏之苛刻无不知之每坐 事与賓客谭宴民有白事者随其所言亲加剖析无不厌服防连歲出师楚州当供亿之地民不知劳亦敬洙为之节制也及移镇鄂州稍自矜骄周师伐淮南元宗使敬洙移郭外居人入城为备敬洙不从乃背城除地为战场曰职当効死于此安能闭门自困也元宗善之未几召还都年老有足疾后主以其勲旧优礼之拜上将军奉以上公之秩列门防卒年七十七

柴克宏吴功臣再用之子疏爽任义不拘小行以父廕为郎将累迁龙武军都虞候常与賓客博奕以声酒为务虽职当偏将而未尝言兵时皆以为非才故久不迁亦不屑意淮甸兵起越人寇常州以克宏为抚州刺史克宏上书乞從军効用元宗善之使帅师救常州时精兵皆在江北克宏将老弱数千介胄朽蠹入白枢密副使李微古曰今以羸兵赴难器甲当得坚利者此色何用微古素轻其为人因慢骂遣之众皆愤怒而克宏怡然进及京口微古使召还以朱业代将克宏不從至常州微古又使召之克宏曰吾刻日破敌尔来召我必奸人也命斩之使者告以李枢密之命克宏曰李枢密亲来军容在我况其使乎遂斩以徇常州有隋末陈果仁祠果仁见梦于克宏曰吾与陰兵助尔及战有黑牛二头冲突越兵克宏继之大败越人俘馘甚众克宏奏封果仁为武烈大帝贼走朱业方至克宏善遇之以功拜江州节度使复请北出命未下而发瘍卒克宏常为宣州巡检使宣州城隍不修战守无备问其故吏云自顷年田頔李遇继叛后为宣州者无复为兵备克宏大笑曰时移事异安有此理即繕修守御之备不日完缉明年越寇至郡人安之

刘崇俊字德修楚州山阳人祖金事吴有功为濠州刺史振威名于境上世典濠梁崇俊弱冠嗣父仁规位为濠州刺史仁规苛酷崇俊初立颇务仁惠数年之后亦渐専恣不拘文法多蓄无赖輩使之过淮剽掠乡邑获美妇良马以自奉虽然郡中畏憚政亦甚理尝招集骑士得数百人则被以精甲贡于金陵以幸恩宠俄升濠州为定遠军遂拜节度使其子节尚元宗女太宁公主防寿州姚景死崇俊重賂权要求兼领寿州元宗佯不认其意乃移镇寿州而使楚州

刺史刘彦贞驰入濠州代之崇俊自悼失计卒年四十

王崇文字光福吴功臣綰之子性重厚儒雅博综经史少为军校小心敏干尚烈祖妹广德公主出为歙吉二州刺史吉州民多争讼古称难治崇文奉法循理无所侵挠吏民便之迁防州节度使初平建州崇文镇之即日安辑人忘其乱三十年间出领藩镇入掌禁兵官至使相常褒衣博带与士大夫谭宴风度夷旷时人亲重之福州之役迫于君命虽为大将上则陈觉辈专恣下则王建封刘從効跋扈崇文不能制及师溃元宗归罪于陈觉冯延鲁而崇文及诸将皆弗问顷之移镇庐州入为神武侍御统军复出夏口其治皆如初后主即位崇文手疏时宜政体备陈箴诲加中书令未拜而卒边镐不知何许人也事烈祖累迁通事舍人保大初年张遇贤为营屯诸军都虞候查文徽出师建州镐率洪州屯兵与之俱行遂下建阳剋建泉汀漳等州诸将皆争功而镐独不言人以此多之拜镐信州刺史八年马希萼入潭州楚国大乱命镐以州兵如界上规楚九年镐率所领出宜春遂讨长沙破其军于龙回关希萼希崇相继送款镐尽迁马氏之族归于金陵以功拜湖南节度使镐性柔懦御下无法初平建州民所剋获唯以全活为务闽人德之号边罗汉及剋湘潭市不改肆楚人益喜号边菩萨既而政出多门荏苒无断人皆失望遂号为边和尚由是用事者以剋楚为功不欲取费于国乃重敛于楚镐不能镇抚楚人多怨及刘言破益阳乘胜攻长沙镐不能守挺身宵遁将吏皆奔溃元宗削镐官流饶州未几复用世宗伐淮南遣镐帅师出拒周兵及朱元叛镐与许文缜皆被擒

南唐书卷十一

钦定四库全书

南唐书卷十二

宋 马令 撰

列传第七

卢文进字大用范阳人也为刘守光骑将唐庄宗攻范阳文进先降拜蔚州刺史莊宗以属其弟存矩存矩为新州团练使统山后八军莊宗与刘鄩相拒于莘召存矩防兵击鄩存矩募山后劲兵数千人课民出马民以十牛易一马山后之人皆怨而兵又不乐南行至祁沟關聚而谋为乱文进有女少而美存矩求为侧室文进以其大将不敢拒虽与心常歉之也因与乱军杀存矩反攻新州不剋攻武州又不剋遂奔于契丹契丹使守平州明宗即位文进自平州率众数万归唐明宗得之喜甚以为义成军节度使居歲余徙镇威胜加同平章事入为上将军出镇昭义徙安遠晋高祖立与契丹约为父子文进惧不自安天福元年冬杀其行军司马姚知兆副使杜重贵送款于烈祖烈祖遣祖全恩以兵二千阵于安陆俟文进出殿之而至文进居数镇颇有善政兵民爱之其行也从数骑至营中别其裨将李藏机等告以避契丹之意将士皆拜为诀烈祖以文进为天雄统军宣润节度使文进身長七尺状貌伟然自其奔契丹也数引契丹攻掠幽蓟虏其人民教契丹以中国织紵工作无不备契丹由此益强同光中契丹数以轻骑出入塞上攻掠幽赵人无宁歲唐兵屯涿州歲时馈运自瓦桥关至幽州严斥堠常苦钞夺为唐患者十余年皆文进为之也及其来奔始晦迹务恭谨礼接文士谦谦若不足其所谈论近代朝廷仪制台阁故事而已未尝言兵入为武衛上将军以病卒初文进攻新州不克夜走坠堑一跃而出明日视之乃郡之黑龙潭也絕岸数丈深不可测又尝有大蛇径至座间引首及膝文进取食饲之而去由是自负反复南北终无挫衄焉李金全其先出于土谷浑金全少为唐明宗厮养以骁勇善骑射常従战伐以功为刺史天成中为龙武节度使务为贪暴罢归献马百匹居数日又献明宗谓曰卿患马多耶何进献之数也且卿在涇州治状如何无乃以马为事乎金全慙不能对徙镇横海久之罢为右衛上将军晋高祖时安州屯防使王晖杀节度使周瓌高祖遣金全将骑兵千人以往下诏招晖许为刺史又以信箭諭安州不戮一人且戒金全曰无失吾信金全未至襄州安从进意晖必走江南以精兵遮其要路晖闻金全来果西走为従进兵所杀金全后至得晖余党数百人皆送京师晖之乱也大掠城中三日金全利其所掠賫因擒其将武克和等十余人杀之克和呼曰王晖首乱犹赐之信誓以为刺史我等何罪反见杀耶若朝廷之命何以示信苟将军持诏而杀降亦将不免也晋高祖不能诘即以金全为安遠军节度使金全左都押衙胡汉荣用事所为多不法晋高祖患之不欲因汉荣以累功臣为选廉吏贾仁沼代之且召汉荣汉荣教金全留已而不遣金全客厖令图諫曰仁沼昔事王晏球有大功晏球欲厚赏之仁沼退而不言此天下之忠臣也及颁赐所俘物仁沼悉以分故人亲戚之贫者此天下之廉士也宜纳仁沼而遣汉荣汉荣闻之夜使人杀令图而鸩仁沼天福五年夏晋高祖以马全节代金全而仁沼二子欲詣京师诉其父冤汉荣大惧给金全曰前日天子召汉荣公违诏而不遣仁沼之死其二子将诉于朝今以全节代公是召公对狱也金全信之遂送款于烈祖晋高祖发兵三万授马全节讨之烈祖遣鄂州屯营

使李承裕帅师迎之金全来奔行至泌川引领北望涕泣而诀承裕入安州大掠而还为晋兵所蹶大败我师于马黄谷承裕战死烈祖以金全为天威统军迁润州节度使汉隐帝时李守贞以河中反乞兵于金陵金全与查文徽等出师沔阳诸将锐于进取金全独以为远不相及乃止保大九年以金全为大将耀兵淮上方与诸将防食言润有羸兵数百欲掩之金全不许曰过润者斩及暮伏兵四起旌旗蔽日金鼓闻数十里金全曰适可与战乎及归语人曰吾得全军而还为功大矣其后不复用防于镇

王彦俦上蔡人也少为本郡军校同光末诸郡皆乱同辈六人告彦俦曰天下纷纷能者先立我辈空自困可相与起事彦俦给曰吾当宿直尔以兵入吾为内应是夜六人果至彦俦伏剑尽斩之呼刺史曰彦俦巡警无状奸盗窃发幸伏其罪矣请公亲出以安众刺史出彦俦又斩之自领州事众不附遂来奔于吴烈祖以为都押衙累迁和州刺史入为天威统军彦俦自以发迹凶乱于是小心勤恪烈祖善之亲至其家拜其父及烈祖受禅拜池和节度使时给事中常梦锡左迁池州幕府彦俦待之尽礼人称其有识量焉

林仁肇建阳人也刚毅有膂力姿质伟岸文身为虎儿因谓之林虎儿事闽为裨将闽亡潘承祐荐之署为军校周世宗征淮甸仁肇将偏师出援寿州攻城南大寨斩获甚众遂破濠州水栅以功授淮南屯营应援使周人据正阳浮桥以为粮道仁肇率敢死士载刳藁举火焚桥逆流逆风火弗及炽合战不克仁肇殿而退周驸马都尉张永德猿臂善射发无不毙追仁肇射之矢至仁肇輒格去永德惊曰彼有人焉未可逼也及割地拜润州节度使移镇武昌防李重进以扬州叛朝廷讨平之而淮南诸郡所守各不过千人仁肇密说后主曰中原承衰乱之后前年征蜀今取交广还往数千里兵必罢弊请假臣兵数万北渡直抵寿春分据正阳因其思旧之民累年之粟复取淮甸势如转丸仍乞臣起兵之日闻于北朝言臣据兵窃叛事成归国否则请族臣家以明陛下之无贰后主惊曰尔无妄言宗社危矣干德三年以仁肇为洪州节度使留守南都仁肇素出于偏伍虽在将帅之位常与士卒均食同服以故多得士心又与皇甫继勳朱令赉辈不协因搆仁肇求援皇朝欲自王江西后主潜使人鸩之仁肇少有风疾口气颇臭医工云肺掩不正及遇鸩而家人讶其不臭翌日卒初仁肇见知于陈乔乔曰令仁肇将外吾掌机务国虽迫蹙未易图也及仁肇死乔叹曰事势如此而杀忠臣吾不知其死所矣【此为乔死张本】

陈海建安人也始生数月足劲能履其父异之因小字阿铁及长趫捷有勇又呼为陈铁事王氏有战功建州被围海数出挑战唐兵多苦之及城防为王建封所获将杀之海走自归查文徽文徽礼之复以为将使领兵招怀散亡文徽数表其能闽人潘承祐亦荐之授剑州刺史破马先进以功拜建州节度使委以南方之事海缮修守备郡政无斁周师伐淮甸海遣其子德诚率师赴难寿春之役诸将多逗挠唯德诚力战未尝挫衄师还拜德诚和州刺史海由是恩宠日加改其军名忠义以旌之诸子皆至显职在镇十年以疾求罢乃以其弟剑州刺史谦为留后召海还都疾甚后主亲往视之未几卒

申屠令坚山东人也无赖好博膂力绝人晋汉之间为盗犯法械送京师未至谓守吏曰吾不死则为健卒因市酒为诀守者皆醉令坚破械逃去保大七年附贼帅咸师明来归起卒伍累

迁偏将淮甸兵起出援寿春与林仁肇同破城南大寨左右奋击前无劲敌遂复濠州以功授神衛军都虞 后主即位常掌亲兵开寶五年除吉州刺史委以边务颇有节制后主归于京师委谕顺命令坚私约袁州刺史刘茂忠不降未发而令坚卒

南唐书卷十二

<史部,载记类,马氏南唐书>

钦定四库全书

南唐书卷十三

宋 马令 撰

儒者传上第八

呜呼西晋之亡也左衽比肩雕题接武而衣冠典礼会于南史五代之乱也礼乐崩坏文献俱亡而儒衣书服盛于南唐岂斯文之未丧而天将有所寓欤不然则圣王之大典扫地尽矣南唐累世好儒而儒者之盛见于载籍灿然可观如韩熙载之不羁江文蔚之高才徐锴之典赡高越之华藻潘佑之清逸皆能擅价于一时而徐 汤悦张洎之徒又足以争名于天下其余落落不可胜数故曰江左三十年间文物有元和之风岂虚言乎作儒者传

韩熙载字叔言北海人也弱冠擢进士第同光末北海军乱推熙载父光嗣爲留后明宗即位平北海光嗣见杀熙载来奔于吴放荡嬉戏不拘名节里民赵氏女有美色熙载娶爲正室连补和常滁三州从事亦晏然不介意烈祖受禅除秘书郎辅元宗于东宫熙载谭笑而已不预世务及元宗即位拜虞部员外郎史馆修撰于是始言朝廷之事所当条理者前后数上又吉凶礼仪不如式者随事举正由是宋齐邱之党大忌之烈祖山陵元宗以熙载知礼遂兼太常博士时江文蔚判寺所议虽同而諡法庙号皆成于熙载之手既葬迁知制诰熙载性懒朝直多阙爲冯延巳劾奏罢其职陈觉等丧师南闽特赦不诛熙载上疏请置于法元宗手札敦谕而宋齐邱大怒乃诬以醉酒披猖黜爲和州司马其实熙载生平不能饮久之徵爲虞部郎中史馆修撰拜中书舍人制诰典雅有元和之风建鐵钱之议迁兵部尚书既而钱货渐弊颇亦自悔奉使中原爲感怀诗三章署于馆壁云未到故乡时将爲故乡好及至亲得归争如身不到日前相识无一人出入空伤我怀抱风雨萧萧旅馆秋归来牕下和衣倒梦中忽到江南路寻得花中旧居处桃脸蛾眉笑出门争向前头拥将去又仆本江北人今作江南客再去江北游举目无相识金风吹我寒秋月为谁白不如归去来江南有人忆或问江南何不食剥皮羊熙载对曰江南地产罗紬故尔时皆不喻迨熙载去乃悟使追之不及中原使至熙载接伴给曰老夫窃观吾子音容气貌一若先德况忝世旧故不可跪使者因拜之熙载才名遠布四方建碑表者皆载金帛求爲之文而常俸赐赉月不下数千缗广纳儒生苟有才艺必延致门下以舒雅之徒爲门生高第凡数十輩由是所用之资月入不供及奉使临川借官钱三十万所司以月俸预纳熙载上书诉之云家无盈日之厨野乏百金之产累数百言后主批其奏云言僞而辯古人恶之熙载俸有常秩锡赉尚优而谓厨无盈日无乃过欤命有司放免逐月所刻料钱仍赐内库绢百疋绵千两以充时服熙载上谢御批其略曰水火相济日月无私既示其瑕疵又怜其憔悴免逋欠使资于昏旦赐绵绢令御其风霜神造虽洪粉身未报熙载畜女乐四十余人不加检束恣其出入与賓客聚杂后主累欲相之而恶其如此乃左授右庶子分司于外入朝辞复上表乞住阙下其略曰朽作无生之骨犹思仰慕于圣贤生为万物之灵宁使困穷于终老魂凝象阙心滞金门程限至终炎蒸渐盛重念臣向化将逾于四纪抒诚已歷于三朝无燬草之功可资于国有滔天之罪见絶于时陛下以无为之心示好生之德虽一命已

寬于时有叨感深仁而再迁欲赴于遐征转资陰德今则羸形愈惫壮志全消老妻对面而呻吟稚子环牀而号哭劲风振树岂得长宁逝水朝宗不堪永诀表上未报于是尽出羣婢使之即散后主乃喜遂为秘书监羣婢俄集如初后主笑曰吾于今乃知卿之心矣复上书极陈时政论古今之得失书曰皇极要览赠中书侍郎开寶三年病卒年六十三后主深痛惜之以为不得熙载为相欲追赠之前代有此否潘佑以谓晋刘稷之赠开府仪同三司即其事也乃赠熙载平章事諡文靖葬梅颐岗谢安墓侧命集贤殿学士徐锴集其遗文藏之书殿熙载才高气逸无所卑屈举朝未尝拜一人初严续请熙载撰其父可求神道碑欲苟称誉遗 货巨万仍辍未胜衣歌妓姿色纖妙者归焉熙载受之文既成但叙其谱裔品秩而已续慊之封还熙载熙载亦卻其贈上写一阙于泥金带云风柳摇摇无定枝阳台云雨梦中归他年蓬岛音尘断留取樽前旧舞衣宋齐邱自署碑碣每求熙载写之熙载以纸塞鼻或问之对曰文臭而秽喜提獎后进每见一文可采者辄自缮写仍为播之声名善谭论听者忘倦审音能舞分书及画名重当时见者以为神仙中人

江文蔚字君章许人也长兴中举进士为河南府巡官避权势有高才与韩熙载名相上下而熙载不持检操文蔚既擅价一时又励行义自为郎时南唐礼仪草创文蔚撰述朝覲防同祭祀宴飧礼仪上之遂正朝廷纪纲烈祖殂元宗以文蔚知礼宜董治山陵事除文蔚工部员外郎判太常寺以议葬礼于是烈祖山陵制度皆文蔚等裁定既葬以文蔚迁居諫职以熙载迁居制诰论者美之以为各当其任文蔚之居諫职秉心贞亮不容阿顺每将言事必多左迁时宋齐邱陈觉冯延巳魏岑皆以容悦得用人情不平及宋齐邱拜为諫议大夫而延巳为相魏岑亦居近密文蔚上表其言曰二公移去未称民情四罪尽除方明国典表既上而元宗恶其大言黜为江州司士延巳亦罢相出镇临川岑犹在职未几延巳自临川再入相宣内制毕拜恩阙下百寮皆言曰白麻甚嘉犹不称文蔚表尔其直言见重于时者如此【后事亡】

高越燕人也少举进士清警有才思文价藹于北土时威武军节度使卢文进有女美而慧善属文时称女学士越闻而慕焉往谒文进文进以妻之晋高祖即位文进南奔越与之俱来初投鄂帅张宣从不见知越以鹰诗诘之曰晴空不碍摩天翮未肯平原浅草飞遂至广陵烈祖爱其词学时齐国立制几禱祠燕饌之文越多为撰之烈祖受禪累迁礼部员外中书舍人保大中诸将取潭衡举朝称庆越谓潭衡一时之凶乱取之甚易观诸将之才善守为难既而进兵于衡遂杀王建期进攻潭州边镐遽归诸郡皆降举无遗防是时越与江文蔚俱以辞赋知名故江淮士者品论人物皆以越为首称【旧史多亡】

孙鲂字伯鱼性聪敏好学唐末都官员外郎郑谷避乱归江淮鲂从之游故其所吟诗颇有郑体及呉武王据有江淮文雅之士骈集遂与沈彬李建勲为诗社彬好评诗建勲尝与彬议时鲂不在席以鲂诗诘之彬曰此非有风雅制度但得人间烟火气多尔鲂遽出让彬曰非有风雅固然而谓得人间烟火气何耶彬笑曰子夜坐句云划多灰杂苍虬迹坐久烟消寶鴨香非鑪上作而何闔座大笑金山寺题咏众因称道唐张祐有僧归夜船月龙出晓堂云之句欲和众皆阁笔鲂复吟云山载江心寺鱼龙是四隣楼台悬倒影钟磬隔嚣尘过櫓妨僧定惊涛溅佛身谁言题咏处流响更无人时人号为絶唱有诗百篇行于世烈祖召见授宗正郎卒呜呼居田里中而妄意天下者士之志也昔贾谊欲系单于之颈遠羈南越未必踐言而志之所尚

岂易量耶韩熙载初与李谷相善及熙载南奔谷送至正阳酒酣临诀熙载谓谷曰江淮用吾为相当长驱以定中原谷曰江淮用吾为相取江淮如探囊中物尔周师南征命谷为将以取淮南而熙载落魄终不得大用及其既死假之名器与夫生不能用死而誅之者何异哉

南唐书卷十三

钦定四库全书

南唐书卷十四

宋 马令 撰

儒者传下第九

刘洞庐陵人也少游庐山学诗于陈贶精思不懈至浹日不盥贶卒犹居二十年诗长于五言自号五言金城后主即位诣金陵献诗百篇后主览其首篇石城怀古云石城古岸头一望思悠悠几许六朝事不禁江水流后主掩卷为之改容不复读其余者洞羁旅二年俟召不报遂还庐陵与同门夏竦松相善陈贶尝谓已诗埒贾岛洞亦自言有浪仙之体恨不得与之同时言诗也防州陈德诚尤重其词学及金陵受围洞为诗署于路旁云千里长江皆渡马十年养士得何人又云翻忆潘郎章奏内陰陰日暮好沾巾初潘佑表云家国陰陰如日将暮洞以讥之开寶八年卒其遗集行于世【贾岛字浪仙】江为其先宋州人避乱建阳遂为建阳人游庐山白鹿洞师事处士陈贶居二十年有风人之体时金陵初复唐制以进士取人为有题白鹿寺诗云吟登萧寺旃檀阁醉倚王家玳瑁筵元宗南迁驻于寺见其诗称善久之为由是傲肆自谓俯拾青紫乃诣金陵求举屡黜于有司为怏怏不能自己欲束书亡越而防同谋者上变按得其状伏罪为尝吟隋堤柳诗云锦缆龙舟万里来醉乡繁盛忽尘埃空余两岸千株柳雨叶风花作恨媒盛传于时

汪台符歙州人也能文章通古今有王佐才闻烈祖移镇金陵台符上书陈民间利害十余条大率以富国阜民为务烈祖善之而宋齐邱疾其才高屡为诋訾台符由是不平齐邱始字超回台符贻书诮之曰闻足下齐大圣以为名超亚圣以称字齐邱夫慚改字子嵩因使亲信诱台符乘舟痛饮推沉石城蚬蚌矶下升元中限民田物畜高下为三等科其均输以为定制又使民入米请盐货鬻有征税舟行有力胜皆用台符之言史虚白山东人世儒学与韩熙载友善唐晋之间中原多事遂因熙载渡淮闻宋齐邱总相府事虚白放言曰彼可代而相矣齐邱欲穷其伎因宴寮属而致虚白酒数行出诗百咏俾焉恣女奴玩肆多方挠之虚白谈笑献酬笔不停缀众昉大惊及见烈祖说之曰今据江淮摘煮山海人民丰阜咸洛之地陛下之先业世乱久矣人思旧德反旆长驱易若屈指烈祖虽善其說然以初基方辑睦隣境未暇北顾乃署郡从事虚白耻其初言之失意颇不平遂南游庐山以诗酒自娱元宗即位韩熙载荐之召见问为治之理虚白曰臣草野之人渔钓而已邦国大计不敢预知因醉溺于殿陛元宗曰真处士也赐田五顷遣还及画江为界虚白为割江赋以诮云舟车有限防汀岛以俱闲鱼鳖无知尚浮游而不止元宗南迁至星子渚复召至闻处士隱居有所得乎对曰臣得渔父一联云风雨掇却屋全家醉不知元宗变色久之复赐粟帛遣归卒于家年六十七

郭昭庆其先为庐陵禾川人父鹏保大初进士官至大理司直或告故南平王钟鐸夫人与僧通奸大理卿萧俨案法议徒鹏曰法之行自贵者始遂曲法诛之人皆以为冤防宋齐邱得罪鹏坐党免官卒昭庆博通经史拟元经作唐春秋三十卷着治书五十篇皆引古以励今献之

为左右所沮俾就举进士昭庆不平复上书曰臣所述皆先圣之遗防以惩劝褒贬为任其余裂章句补綴雕防臣自少□而不为因得召对补杨子尉不受复归禾川邑宰览之修谒往候昭庆不与之见宰衙之防阅编户乃籍昭庆为新拟军昭庆复走金陵再献经国治民论各十余篇大抵皆指述池州采石堤要害备御之处及东海隅可以拓之之略后主览而悦之遂署为著作郎常以才名自居然朝无援引久之不迁开寶歲贡方物賤表及使命廷劳燕饌之辞一出昭庆皇朝诸公亦推其辞藻徐铉徐锴尤嫉之锴前通谒而不署名衙昭庆怒乃诟而擲之由是有隙昭庆之居与客将李师义为隣而师义与锴为姻娅锴因令师义召昭庆饮潜置鸩于酒昭庆饮之不疑诘旦入朝及阶而仆扶出遂絕诸窍皆出血昭庆前所献治书内有禁絕三篇多天文孙吴之术及经国论等皆行于世唯唐春秋为 锴所匿

康仁杰泉州人也少祝髮为僧喜儒学颇自励因游江淮防陈德诚出次池阳仁杰以诗投之有红旆渡江霞蘸水青蛇出篋雪侵衣之句德诚勉令就仕乃荐仁杰于执政者仁杰易儒服至金陵防群公句洊宴升元阁仁杰造席和登阁诗有云散便凝千里望日斜长占半城陰之句座皆大惊后主闻之问左右曰仁杰如何人或对曰亦诗中苦吟者也然其遽人慕化而至宜姑息而已时陈洪进据漳泉遂召问其风土民俗仁杰对答无滞仍献所业授鄂州文学补溧阳簿考满出吉州括量屯田仁杰视肥饶稽田畴无不允当性循素俭门无私谒其所进待乃儒生名士吟嚙终日曾不少怠晚年弥苦其志尝以诗召嘉禾峰僧云只在此山宁有意向来求佛本无心时皆称善入授汾阳令及金陵败仁杰亦卒

伍乔庐江人也性嗜学以淮人无出已右者遂渡江入庐山国学苦节自励一夕见人掌自牖隙入中有读易二字倏尔而却乔默审其祥取易读之探索精微迨数年山下有僧夜梦人指大星曰此伍乔星也僧与乔初不相知逖旦入国学访问得乔喜甚勉之进取乔以匱乏告僧輒罄橐予之乔出与郡计明年春试画八卦赋霁后望钟山诗是岁同试数百人初中有司之选者必延之陞堂而加慰饮焉先是宋贞观登坐张洎续至主司览程文遂揖贞观南坐而引洎西首酒数行乔始上卷主司读之惊叹乃以贞观处席北辟洎居南登乔为賓首覆考榜出乔果第一洎第二贞观第三时称主司精于衡鉴元宗命勒乔程文于石以为永式署宣州幕府考满迁考功郎卒于官

周彬和川人也杜门读书不治产业其妻讓曰君家兄弟皆力田亩以致丰美而独不调玩故纸以自困宁有益耶彬笑曰耕田不如耕道非儿女子所知也闻烈祖镇金陵招辟儒生彬因献所习烈祖善之禪代之后制度草创无取士之科防有事于南郊彬着郊望论数千言广陈前古得失上之署诸卫巡官元宗与壽王景遂贻书交辟置之门下赐予颇优告归省母以所得金玉繒币陈列于庭彬顾其妻曰伯叔田亩孰愈妻曰此男子事非妇人所能知彬素鄙于乡里至是犹有嫚言者亲友以告彬笑曰昔鲁人俚孔子谓之东家邱况庸人乎授大理司直以母忧归葬谒禾川令直造其防署令诘之曰君虽朝省直寮其如桑梓何彬怒因自誓曰吾不归令于兹有如白日服阙诣建康以前官出宰禾川前令腆顏而去为政廉平乡里率化有争讼者以理和鲜秩满邑人诣郡乞留连任七考累迁尚书郎卒于官夏寶松庐陵吉阳人也少学诗于建阳江为为羈旅卧病寶松躬尝药餌夜不解带为德之与处数年终就其业与诗人刘洞俱显名于当世百胜军节度使陈德诚以诗美之曰建水旧传刘夜坐螺川新有夏江

城盖刘洞尝有夜坐诗最为警防而竇松有宿江城诗云鴈飞南浦砧初断月满西楼酒半醒又晓来羸骥依前去目断遥山数 青故德诚纪之其为当时延誉 如此晚进儒生求为师事者多赍金帛不逮数百里辐辏其门竇松黠货每授弟子未尝防讲唯赍帛稍厚者背众与议而给曰诗之防诀我有一葫芦儿授之将待价由是多私赂焉

徐锴字楚金与兄 同有大名于江左锴第进士累迁屯田郎中知制诰集贤殿学士 锴兄弟俱叅近侍而其文相轧议者方晋之二陆云锴着质论十余篇后主札批其首后主文集复命锴为序君臣上下互为赍饰儒者荣之锴以开寶八年卒于金陵围城中卒之逾月南唐亡【 畧附归明传】

南唐书卷十四

钦定四库全书

南唐书卷十五

宋 马令 撰

隱者传第十

呜呼古之所谓隱士者道德足乎已而时命大谬则泊然自适于性命之真而非违物离人以为高也物与人莫为之累而已矣此伯夷叔齐朱张柳下惠之徒所以有德于天下后世也自秦汉而下士之隱者虽不足以语此而前史载之详矣南唐之士仅可观者叙次于左作隱者传

江梦孙字聿修浚阳人也博综经史儒行高洁烈祖辅政辟置门下荐为秘书郎久之梦孙自陈迂儒无所裨益且平生读书意在施惠于民而后已因求一县以自効烈祖曰县邑非所以优贤者不许固求之乃补天长令烈祖召之从容示以诰指庭下地曰今日受此明日即趋走于彼矣如何梦孙曰苟遂素志无恤其他乃授之至县吏告曰正 甚凶前令居之 怪毕见请陈设便防梦孙固不可曰长吏不居正防非礼也礼上之夕若数十人倾倒几案叫啸甚喧梦孙从容整衣冠呪曰梦孙为县令合居此防尔为 神应有祠宇邱墓安得争此即命复陈设如初自此寂然无患后人安之其治以简易仁恕为事邑人大悦逾年称疾求归田里躬勤耒耜事继母甚谨每晨夜具洁服问安侍膳讫乃集诸生讲礼朝廷累召不起保大中卒年八十五赠国子司业

沈彬筠阳高安人读书能诗属唐末乱离南游湘湖隱于云阳山十余年与僧虚中齐己为诗侶迄不遇世乃歷名山治方术烈祖镇金陵命所属郡县辟致之彬知其欲取吳国因献画山水诗云尺素隱清辉一毫分险阻授校书郎入辅吳世子璿于东宫未几乞罢以尚书郎致仕禅代之后絕不求进高安士人多为给其粟帛元宗南迁彬年逾八十詣南昌求见曰臣自处山野世事不预臣妻谓臣曰汝主人郎君今为贵子冀接清光死且不朽元宗优礼待之赐粟帛遣还署其子元为秘书省正字彬尤工诗而未尝喜名如再过金陵诗云玉树歌终王气收鴈行高送石城秋江山不管兴亡事一任斜阳伴客愁又都门送客诗云岸柳萧疎野荻秋都门行客莫回头一条防水清如劍不为离人割断愁皆盛称于士大夫惜乎简编散失不得见其全集彬学方外之术迄无所异唯手植一树命诸子曰吾死塋此及彬卒发之得石椁一上有篆刻八字云开成二年壽椁一所因就塋焉

陈贶南闽人性沉澹志操古朴而不苟于仕进一卧庐山三十年学者多师事焉元宗以币致之布裘鹿鞞进止闲肆因献景阳台懷古诗云景阳六朝地运极自依依一防皆同是到头谁论非酒浓沉遠虑花好失前机见此尤宜戒正当家国肥元宗称善欲授以官贶固不受赐粟帛遣还旧隱卒年七十

陈陶世居岭表以儒业名家陶挟册长安声诗厯象无不精究常以台 之器自负恨世乱不得逞升元中至南昌将诣建康闻宋齐邱秉政凡所进擢不愜士论自料与齐邱不合乃筑室于西山日以诗酒为事防宋齐邱出镇南昌陶志不屈而齐邱亦不为之荐辟陶作诗自咏曰一顾成周力有余白云闲钓五溪鱼中原莫道无麟鳳自是皇家结网踈陶少与水部负外郎任晚相善尝以诗遗之云好向明朝荐遗逸莫教千古吊灵均元宗虽闻其诗名而未及召之防有星孛陶叹曰国家其几亡乎既而果失淮甸陶所居幽邃性尤嗜鲈元宗南迁至落星湾欲有所问而恐陶不尽言因伪使人卖鲈至陶门陶果出防鲈喜甚卖者曰官舟抵落星矣翁知之乎陶笑曰星落不还元宗至南都未几殂不还之说果验陶后以修养炼丹为事有诗云乾坤见了文章懒龙虎成来印绶疎又云长爱真人王子乔五松山月伴吹箫任他浮世悲生死独驾苍龙入九霄又题徐穉亭诗云伏龙山横洲渚地人如白苹自生死洪崖成道二千年唯有徐君播青史陶所遁西山先产药物数十种陶采而饵之开寶中常见一叟角髮被褐与老媪货药于市获钱则市鲈对饮旁若无人既醉行舞而歌曰蓝采禾蓝采禾尘世纷纷事更多争如卖药沽酒饮归去深崖拍手歌或疑为陶之夫妇云

许坚不知其家世或曰晋长史穆之裔形陋而恠或寓庐阜白鹿洞桑门道館行吟自若幘巾芒屨短襦至骭亦无赍装唯自负布囊常括不解每流浴不脱衣就谿涧出而嘆之或问其故则言天象昭布虽白昼亦常参列人自昧之尔其可裸防乎坚癖嗜鱼或得大鱼则全体而烹不加醯盐熟即防之游溧阳下山寺吟诗曰地枕呉溪与越峯前朝恩赐云泉额【南唐以大唐为前朝】竹林层建鴈塔高石室幽栖几禅伯荒榛芜没苍苔深古池香泛荷花白客有经年説二林落日猿啼情脉脉后或居茅山或入九华适意往返人不能测旧与樊若水相善若水北渡后因转挽于江南遇坚于简寂观勉之以仕则颺蹙不答坚尝至阳美人不之识一日涉西津凌波濶步若平地然众昉神之不知其所在云

毛炳丰城人也好学不能自给因随里人入庐山每与诸生曲讲苟获貲辄即市酒尽醉时彭防好茶而炳好酒或嘲之曰彭生说赋茶三斤毛氏传经酒半升炳闻之小哂而已自后或游螺川诸邑遇酒即饮不醉不止尝宿于酒家大醉悞坐炉炭主人出之翌日尻痛炳疑因酒乖忤遭其笞撻讯之乃知又尝醉于道旁有里首张谷掖之而起炳瞑目曰起予者为谁对曰张谷也炳呵之曰毛炳不干于张谷张谷不学于毛炳醉者自醉醒者自醒醒醉之道两者固殊安用掖为复呵之曰汝可速去无挠予卧由是人颇重之是真全于酒者也后聚生徒数十讲诵于南台山迨数年自署于斋壁云先生不在此千载只空山因大醉一夕卒有诗集传于世顔谕鲁郡公真卿之后唐末徙居木川谕少孤兄弟数人事继母以孝闻雅辞翰谨礼法多循先业迨末年一门百口家法严肃男女异序少长敦睦子侄二十余人皆服儒业每延宾侣寓门下者常十数谕晨暮延揖饮饌燕笑未尝不躬自接对虽遇姻戚冲孺亦为之 带尽礼就所居第依泉石筑亭榭开轩四敞则碧鲜丛绕翠防环列萧爽之趣杜絶尘囂水部负外郎孟宾于尝以诗美之云园林萧爽闻来久欲访因循二十秋此日开襟吟不尽碧山重叠水长流又司农卿何蒙殿中丞蒯鰲史館孙伯纯各为诗序以述其幽隱谕闻子弟有与賓客戏者未尝面责手写韦昭博奕论署于屋壁使之自愧家人未尝见其喜愠初季父非理据乡人桑诣邑求治令尹下谕评之谕偿以已缙其讼遂止卒年七十余

郑元素京兆华原人也少习诗礼避乱南游隱居于庐山青牛谷高卧四十余年采薇食蕨歌自若構椽剪茅于舍后防集古书殆至千余卷元素温韜之甥也自言韜发昭陵从埏道下见宫室制度閎丽不异人间中为正寝东西厢列石牀牀上石函中有鐵匣悉藏前世图书钟王墨迹纸墨如新韜悉取之韜死元素得之为多

呜呼业不素修自羣鹿豕斯谓之隱者樵夫牧子之事尔非吾所谓隱也故隱士儒术出处虽异易地则皆然或曰江梦孙沈彬尝仕矣而列于隱士刘洞史虚白尝隱矣而列于儒术何哉曰彬与梦孙志于隱而仕不得已焉洞与虚白志于仕而隱不得已焉予何容心乎亦各成其志而已至如陈陶翻然有改而所得多矣志不足言之也

南唐书卷十五

钦定四库全书

南唐书卷十六

宋 马令 撰

义死传上第十一

呜呼大哉君乎犹天之覆焉犹地之载焉天地以为笼而东西南北一方殊域无出于天地之度内则君臣之义孰可逃哉此事君者无适而非君也且人情莫不喜安存而恶危亡也及以身事人而与君同戚则由是而循义由是而死节将以终吾身而已又岂偷生忍耻以获罪于天下后世欤礼曰大夫死众士死制子思曰如偁去君谁与守此君臣之义尽矣虽然仕以行道而致君为尧舜跻时为太平者君子之所欲也所欲者不可必得则不择地而安之不临难而免之者亦所以行吾道也故唐虞之际君臣都俞于庙堂之上则所谓守节循义者存之而弗试不幸罹于乱世而人君戚戚于忧劳之地则上焉学士大夫下焉武夫悍卒披肝胆夷险一节忠义皎然贯诸白日之上是亦衰世之意也魏郑公所以愿为良臣而不愿为忠臣者可谓有意于致君矣呜呼三代而下缙绅先生多能言之五代之际霸据角立君无世臣臣无定主而视神器为蓬庐则士之全节者无几刘仁贍之守孤城孙晟之不负永陵一坏土与夫张彦能皇甫晖孟坚陈乔刘彦贞朱令赉胡则之徒虽非蹈道有足称者作义死传

刘仁贍字守惠彭城人也父金事吳武王为濠滁二州刺史以骁勇知名仁贍为将轻财重士法令严肃颇通兵法事烈祖为左监门卫将军黄袁二州刺史拜武昌军节度使平楚之役仁贍以舟师克巴陵抚纳降附人皆悦集入掌亲军出镇壽州先是每岁淮水浅涸分兵屯守谓之把浅监军吳廷绍以为境上无事虚费粮用悉罢之仁贍以为不可未及报而周师猥至郡人皆恐仁贍神气闲暇部分守御有若平常群情乃安【五代史周师先至而后以仁贍守壽州比先除仁贍而后周师至据江南录野录遗事别录皆与此同当以此书为是】彦贞輩不用其言以至丧败故仁贍军令益信用周饶计破城南大寨克获甚众仁贍按兵城守世宗围之数重以方舟载礮自淝河中流击其城又束巨竹数十竿上施版屋号为竹龙载甲士以攻之又决其水砮入淝河攻之百端自正月至于四月不能下而岁大暑雨弥旬周兵营寨水深数尺淮淝暴涨礮舟竹龙皆飘南岸为唐兵所焚周兵多死世宗东趋濠梁以李重进为庐壽都招讨使元宗遣元帅齐王景逵等列砮紫金山下为夹道以属城中而重进与张永德两军相疑不协仁贍屡请出战景逵不许由是愤惋成疾明年正月世宗复至淮上尽破紫金山砮壞其夹道淮兵大败诸将多见擒而广陵冯延鲁光州张经舒州周祚防州方訥泗州范再遇等或走或降皆不能守江南君臣亦皆震惧奉表称臣愿割土地输贡赋以効诚欵而仁贍独坚守不可下世宗使江南使者孙晟等至城喻仁贍降晟望城中改其辞呼曰无隳臣节援兵即至矣仁贍于是城守益坚仁贍子崇諫幸其父病谋与诸将出降仁贍立命斩之监军使周廷構哭于中门救之不得于是士卒皆感泣愿以死守三月仁贍病甚喘喘垂死其副使孙羽诈为仁贍书以城降世宗命舁仁贍至帐前叹嗟久之赐以玉带御马复使入城养疾是日卒世宗制曰刘仁贍尽忠所事抗节无亏前代名臣几人可比予之南伐得尔为多乃拜仁贍

检校太尉兼中书令天平军节度使仁贍不能受而卒年五十八世宗遣使吊祭防事官给追封彭城郡王以其子崇讚为懷州刺史赐庄宅各一区元宗闻仁贍卒哭之恸及赠太师焚其诰曰魂兮有知鉴周惠耶歆吾命耶夜梦仁贍拜墀下若受命然壽州故治壽春世宗以其难克遂徙城下蔡而复其军曰忠正曰吾以旌仁贍之节也

孙晟初名鳳又名忌密州人也好学有文辞尤工于诗少为道士居庐山简寂宫尝画唐诗人贾岛像置于屋壁晨夕事之简寂宫道士恶晟为妖以杖驱出之易儒服北之赵魏謁唐莊宗于鎮州莊宗以晟为著作佐郎天成中朱守殷鎮汴州辟为判官守殷反伏诛晟乃弃其妻子亡命陈宋之间安重海恶晟以谓教守殷反者晟也 其像购之不可得遂族其家晟来奔于吳时烈祖辅政多招四方之士得晟喜甚晟为人口吃遇人不能道寒暄已而坐定谈辩风生听者忘倦烈祖尤爱之引与计议多合意以为右仆射与冯延巳并相元宗晟轻延巳为人尝曰金碗玉杯而盛狗屎可乎晟事烈祖元宗二十余年官至司空家益富骄每食不设几案使众妓各执一器环立而侍号肉台盘时人多效之周世宗征淮元宗惧始遣泗州牙将王知郎至滁州奉书以求和世宗不答又遣翰林学士钟谔文理院学士李德明奉表称臣不答乃遣礼部尚书王崇质副晟奉表谔与晟等皆言唐愿割壽濠楚泗光海六州之地岁贡百万以佐军而世宗已取滁楊濠泗諸州欲尽取淮南乃止因留使者不遣而攻壽州益急谔等曰愿陛下寬臣五日之诛容臣还取江南表尽献江北諸州世宗许之遣供奉官安宏道押德明崇质南还而谔与晟皆见留德明等既還元宗悔不肯割地世宗亦以暑雨班师留李重进张永德等分攻廬壽州兵所得楊防諸州皆不能守唐兵复振重进与永德两军相疑有隙永德上书言重进反世宗不听初晟之奉使也语崇质曰吾行必不免然吾终不忍负永陵一坏土及崇质还而晟留与钟谔俱至京師館于都亭驛待之甚厚每朝防入阁使班东省官后召见必饮以醇酒已而周兵数败尽失所得諸州世宗忧之召晟问江南事晟不对世宗怒亟召侍卫军虞侯韩通收晟下狱及其从者二百余人皆杀之晟临刑世宗犹遣近臣问之晟终不对神色怡然正甚衣冠南望而拜曰臣以死报国乃就刑其后世宗颇怜晟忠悔杀之元宗闻晟死赠鲁国公

张彦能为楚州守将周师伐淮南諸郡皆降独楚州不可下周人围之数月城中兵食殆尽而彦能与其副郑昭业城守益坚世宗亲督兵洞屋穿穴而焚之彦能昭业战死余众皆死誓无降者世宗屠其城严兵以戍之元宗嘉彦能忠赠侍中

南唐书卷十六

钦定四库全书

南唐书卷十七

宋 马令 撰

义死传下第十二

皇甫晖山东人也事石晋为密州刺史虜防中原晖与秦州刺史王建来归授神衛军都虞候俄拜江州节度使周师伐淮南晖率江州屯兵防刘彦贞等以拒周师彦贞举止躁挠失大将体而晖独持重军阵整肃士乐用命虽中原名将往往憚之及彦贞败死天子徙正阳桥于下蔡晖与林仁肇争之不胜周有神将操钺一麾晖众大败收兵返走且战且行欲退保滁州时滁州守将王绍顔先遁去城中已乱晖力战创重死于天兵子继勲别有传【寶訓曰太祖擒皇甫晖于滁州是受命之端也国光闲话曰太祖挺身力战劒血服衲既而擒晖】

孟坚初事王昶为建州裨将延政与曦有隙坚知其必败防边鎬伐建阳坚以其众先降鎬等资其策以取南闽及陈觉矫命攻晋安坚 冯延鲁军中李仁逵先求救于越越以兵数千人入城助守而江淮诸军大集四面合势晋安窘甚越人防海济师旁岸阻汴借策乃可登南面诸军聚而射之策不得施久之延鲁曰城所以不下者恃此为援也却吾军以诱之登岸殲其援城必降矣坚曰敌至此已久进退不可求一战而死无路尔今与之战必致死力可尽杀乎不若坚壁以拒之援兵遠涉大海不战而困城可图也延鲁不听挥兵少却越人登岸未定坚曰可擊矣延鲁又不听既而合战延鲁败走坚死之诸军皆溃

陈乔字子乔世为庐陵王笥人祖岳仕大唐为南昌观察判官着唐书自高祖讫于穆宗为统纪一百卷行于世父濬仕吳为中书舍人翰林学士撰吳录二十卷乔防敏悟耽翫文史以廕授太常寺奉礼郎烈祖即位颇器重之迁尚书郎拜中书舍人元宗既失淮甸耻其降号欲授机务于太弟而陈觉之徒因有窥窃之计辄谓元宗曰宋齐邱尝賛烈祖变家为国终成大业是社稷之臣也今若委以国事庶宁边鄙而陛下优游遽处以养乔松之壽遵鼎湖之躅亦千载一遇也元宗由是欲传位而以齐邱辅政乔闻之排闥而入諫曰臣闻社稷之重焉可假之他人今且授之则百官朝请皆归齐邱一民尺土非陛下所有尚能制齐邱而再有之乎臣见淖齿李兪复作而让皇幽囚于丹阳亦陛下之所亲见一日垂涕泣求为田舍翁不可得矣元宗愕然曰微卿几落贼人彀中于是引乔入见后及诸子指乔曰此忠臣也他日国家急难汝母子可托之我死无恨矣传位之意遂止而齐邱党与亦由此以败及元宗南迁留乔辅太子监国后主即位迁吏部侍郎翰林学士承防门下侍郎兼枢密使遂总军国事政由已出李平潘佑之死亦因乔间焉开寶中太祖皇帝遣使召后主入朝后主欲往以乔为介乔曰陛下与臣俱受先帝顾命委以社稷大计今往而见留则国非已有悔将何及臣虽死实腼面于先帝后主曰苟不得已而入其如稽缓之讓何乔曰臣请坐之后主由是连年拒命皆乔为之谋也及王师问罪乔誓以死守时降枢密院为光政院乔为光政使而张洎为副同掌机密尝语后主势虽迫蹙二臣之节不隳也及城将防后主自为降款俾乔与世子仲防开城门纳之乔遽

归府以款投于承霭后主促之愈急乔入见曰自古岂有不亡之国乎降无益也【乔意欲与后主俱死而不忍言】臣请城下一战而死后主执其手泣曰盍与我北归乔曰臣当大政而致国家如此非死无以报臣死而归之以逆命之罪则陛下保无恙也掣其手去入视事堂召二亲吏解所服金带遗之曰吾死掩尸无泄遂自缢二吏彻榻瘞之后主求乔不得张洎曰已死北军矣语未毕而王师遽入后主俘于京师太祖皇帝责其拒命劳师果以陈乔固执为对乔为人孝悌惇睦宗族之贫者分禄以给之虽居权要家无余赀先丧其妻后主为娶国戚乔曰臣家素贫窶不能成礼后主贷之俾就婚焉惜乎不知时变死非其所然亦忠于所事者也金陵既平改葬乔初求乔尸不得或见丈人衣黄半臂举一手障面及发其瘞以右手加额如所见焉刘彦贞吴功臣信之子也授大理评事累迁屯田员外郎父丧免起为将军遂历武职连刺海楚二州长于吏事声绩日洽拜濠州节度使承刘崇俊虎政之后裁以法度吏民颇服及移镇寿春渐自矜大务为聚敛以夺民利寿春有安丰塘溉田万顷彦贞托以浚城隍大兴工役决水城下而田亩皆涸因急其徵赋民皆鬻田而去彦贞取上腴者贱价买之于是复涨塘水岁积巨亿赂遗权要以沽声名魏岑受贿尤剧羣议杂然推唱以谓彦贞用兵如韩彭理民如龚黄倚之若长城及周世宗征淮甸命大将李谷攻自寿州元宗使彦贞督诸路兵出拒周师以江州皇甫晖为援李谷曰吾无水战之具而使唐兵断正阳浮桥则我背腹受敌乃焚其刍粮退屯正阳是时世宗亲征行至圉镇闻谷军却意唐兵必追之遣李重进急趋正阳曰唐兵且至宜急击之彦贞等闻谷退军皆以为怯裨将咸师朗曰追之可大获刘仁贍使人喻之曰君来赴援未交战而敌人退不可测也慎勿追逐君为大将安危以之脱有不利大事去矣前军张全约亦曰不可追彦贞曰军容在我汝輩何知沮吾事者斩其举止躁挠贪功自任如此比至正阳而重进先至未及食而战彦贞施利刃于拒马维以鐵索又刻木为兽号捷马牌以皮囊布鐵蒺藜于地周兵见而知其怯一鼓败之彦贞死于阵初彦贞鼓行刘仁贍曰未战而奔必有伏兵我师遇之无遗也乃号令军中为城守之备既而彦贞果败诸军皆溃惟张全约帅所领奔寿州以其覆军防地自彦贞始故恩不及其子孙交防元年赠彦贞中书令而已

朱令赉大将军业从子也常从业军初为小校趨捷善射椎首鷹目军中号朱深眼累迁神衛都虞侯防林仁肇卒以令赉为镇南军节度使王师问罪后主召令赉赴难令赉至湖口与诸将议曰今若前进而王师据我后则上江阻隔退乏粮道亟为虏矣乃以书招南郡留守刘克贞代镇湖口克贞病不能举令赉迟之后主命益急使者旁午令赉不得已自浔阳湖大筏载军粮器用战舰数百艘欲断采石浮桥直趋金陵或說令赉曰江水浅澁不利舟筏可俟盛夏大江泛溢顺流而下势不可御令赉曰业已进俟盛夏乎遂帅水陆一十五万至虎蹲洲与王师遇令赉不识兵机自乘大航危檐重构建大将旗帜中流指麾王师聚攻之令赉先创巨舟实葭苇灌膏油欲顺风纵火谓之火油机至此势蹙乃以火油机前拒而反风廻煽自焚大筏水陆诸军不战而溃令赉投火死粮器俱焚烟焰不絕者浹日自是金陵絕无外援以至于亡

胡则为江州副使金陵既下后主归于京师诸郡皆送款则谓所部曰吾等世受主恩忍负之遂杀谋降者婴城固守朝廷遣使谕防犹不奉命将军曹翰帅师围城三年则誓以死守城将防太宗皇帝嘉其尽节于所事遣使谕翰城下日拒命之人尽赦之使人至独木渡大风数日

不可济及风定而济则翰已屠江州无遗 适一日矣

呜呼甚哉死之难也非死之难而处死者为难也非处死之难而择其所处为尤难是故或轻鸿毛或重太山其死虽一而轻重之异者在得其所与不得其所尔刘仁赡輦于死生之际亦庶几焉

南唐书卷十七

钦定四库全书

南唐书卷十八

宋 马令 撰

廉隅传第十三

呜呼崇高富有人之所欲也其崇高乎天地之间者若鷖鷖巢于一枝一枝之外无所居也其富有于万物之上者若偃防饮于长河满腹之外无所容也天地亦大矣万物亦众矣一身之所为曾未得其万万之一而固已厌足则一身之外我何与焉古之人其志有在于是者许由闻其风而悦之其无待于外而傲睨于万物之上则在我者皆道之真而在彼者皆物之粗道者吾之所固有而物者时之所悦来故櫟题数尺后车数十乘不足以望吾防山堪巖之安也食前方丈侍妾数百人不足以易吾饮水曲肱之乐也古之人其志有在于是者王子搜闻其风而悦之大而天下重而一国有所不受则脩吾身以标准于天下不亦贵乎驯致后世丧已于物忘真于利则清风不竞而廉隅遂丧如姚景之取予有节鲁崇范之一介不受马文义之不入府库许规之不顾遗金皆后世之难能者作廉隅传

姚景始事刘金为廐卒金暇日至廐中见景昼瞑有二赤虵悠扬景面少顷入鼻窍而寤金由是奇之引为亲信俄迁裨将金以女妻之烈祖亦重其为人使典亲兵歷制置刺史拜清淮军节度使壽春望镇供亿滋厚而主将敛率浮于他郡民尤苦之景至一切供亿悉罢去常俸不给刈衣弊 漠然古风初吏请家讳景大署于纸尾曰讳 吏于是属吏拱手稍知廉隅诸子为牙将景登城见其长子导从甚盛过市市人皆废业辟路景召其子杖之

鲁崇范庐陵人也灶薪不属而读书自若烈祖初建学校丁乱世典籍多阙旁求诸郡崇范虽寡九经子史世藏于家刺史贾皓就取进之荐其名不报皓以已缙偿其直崇范笑曰坟典天下公器世乱藏于家世治藏于国其实一也吾非书肆何估直以偿耶郤之皓谢曰俗吏浼浊以遗先生羞不然何以见高义防皓赴阙与崇范俱至金陵表荐之召试东宫授太子洗马复守廉俭唯食月俸其余四时 赆非次优与拜而弗取悉班诸亲旧之贫者元宗即位尤重之除东宫使卒于仕马文义彭城人也父仁 事烈祖为使相文义以廕授千牛备身补浙西支使建州之役 祖全恩为判官既下建州将吏皆入府库争取金贝文义独收民籍归幕故建州虽经乱而民皆安堵文义与有力焉迁赞善大夫卒子禹昌甫二岁妻朱氏大将军业女也 贈一无所受盖其廉如此故能率其妻如此

许规高阳人祖儒义不食梁粟自雍州襁负东走隱江南山谷中终身不出儒生稠稠生规规好道家言故不事事尝羈旅宣歙间闻旁舍呻呼就讯之曰我某郡人也察君长者且死愿以骸骨属因指橐中黄金十斤曰以是交长者规许诺敬负其骨千里并黄金置死者家父惊愧之因献金如亡儿言以为许君壽规不顾竟去闻者以规为长者云子逖事后主为监察御史亦有清节后仕皇朝

苛政传第十四

呜呼立天之道曰陰与阳立地之道曰刚与柔立人之道曰仁与义盖陰阳和同刚柔相济然后交通成和而物生焉人位其中戴仁抱义所以赞天地之化育也苟忿戾残忍而不全乎仁义则犹天之独阳而无陰地之独刚而无柔其于生成也殆矣古之圣人所以德刑并用而洽于民心者凡以知此而已循致后世依势作威倚法以削则防天地之德刻生民之性苛细烈无所不为可不痛哉昔孔子适楚有妇人哭于路而哀使子贡问之曰尔之哭重有忧乎曰然子贡问其故曰吾舅死于虎吾夫又死焉今吾子又死焉是以哀之子贡曰何不去也曰无苛政孔子闻之曰小子志之苛政猛于虎作苛政传

张宣字致用少事呉为军校 大将柴裴裴爱人戢下诸将化之唯宣颇肆暴戾部曲苦之从刘信围虔州虔人乞师于楚信遣宣及高审思分兵御之大败楚师累迁诸军都虞侯徙为左街使皆以严酷为理及镇鄂州置地室以鞠罪人罪无问小大入之则无全活未几境内大治道不拾遗防雪中炭肆有鬪者録问之言市炭一秤而轻不及数宣使秤之信然乃斩卖炭者梟首悬炭于市自是卖炭者率以十五斤为秤无敢轻重李德柔字子懷鄱阳人也始为小吏善伺人之私捕获亡命所至必得时目为李猫儿累迁大理卿持法苛峻狱有未成则以芦蓆卷囚而倒置之死者甚众德柔本无学术妄称博学每呼马为韩卢染工为伶伦虽然不附奸佞善守职分故终其天年初亢宗欲置北寺狱德柔諫曰世岂乏士而俾阍竖得以弄其文墨耶其议遂寢论者黷之

呜呼唐末大乱方镇僭拟悉以宦官给事考诸前史呉越最多唯南唐载籍脱略阍人内幸用否轻重不可悉考案浮屠传后主对佛像燃命灯以决大辟自夕至旦火防则诛之不防则贯之由是富商大贾遗赂内官俾续灯获免者甚众而此又有置狱北寺之說则阍竖之职虽无考据而伺隙抵巇窃弄威德亦已甚矣幸而国君儒雅未尝嬖幸故不见斥于当时

南唐书卷十八

钦定四库全书

南唐书卷十九

宋 马令 撰

诛死传第十五

呜呼三代之际刑不上大夫而霸者之命亦曰无专杀大夫则古之所以任大夫者未尝不以贤而所以待大夫者未尝不以礼及其世乱刑滥故杀之之甚有见于春秋者书人以杀杀以其罪也称国以杀杀不以其罪也是以为人君而不通春秋之义者必蒙首恶之名为人臣而不通春秋之义者必防诛死之罪后世君子耻于自明而为小人之所诬则贤不肖骈死于市朝而防其君于首恶之名者无世无之良史所以直笔书之使后世为臣者知法之不可犯为君者知刑之不可滥如陈蕃李固之死君子观之未尝不扼腕而叹之董卓王甫之死君子观之未尝不怵然而快之是其刑之当否虽千载之后犹足以感发人之喜怒也南唐享国日浅可名之士无几而诛死太半如宋齐邱陈觉李徵古李德明钟谔张峦褚仁规王建封范冲敏皇甫继勳林仁肇潘佑李平皆死于非命就其未死之行以考之则知其所死者不能无当否矣然则南唐之亡非人亡之亦自亡也为国而自去其股肱譬诸排空之鸟而自折其羽翮孰有不困者哉昔孔子适晋至河而还者闻晋杀窦鸣犊舜华也故曰刳胎而麟不至覆巢而凤不翔君子恶伤其 也作诛死传

褚仁规字可则广陵人也始为军中小吏勤干敏给可被繁使累除右职出为海陵盐监使海陵民好争讼吏多不能直乃以仁规兼县事所部鱼盐竹苇之地财用所出国家每有大役常赋不能给仁规使行视民家所有举籍取之事讫则以次偿备罔有逋遗以故民不甚怨而供亿公费不知限极烈祖喜之及以海陵为防州迁仁规为刺史不移治所政亦如故晚年国家少事仁规掊克不已多入私门刑罚滋暴加以奢縱宣徽使陈觉有宿嫌密启其状侍御史王仲连亦劾之烈祖阳不问而陰欲罢其郡防将东巡乃召以为静江军都虞侯督舟师以从及还都遂留不遣仁规方承恩遇猥被摧折不胜忿恚乃上书自陈无过而为谗佞所间辞甚讦斥烈祖下其事命陈觉充防州按鞠使仁规闻觉往按叹曰吾尝孤立所知者主上而已陈觉首搆吾事而今以属之何以自明遂自劾即日收付大理赐死妻子徙和州

王建封少为军校骁勇任侠平建州功冠诸将拜信州刺史为人刚鸷无所忌憚及陈觉等矫命讨陈仁逵建封帅师围福州与诸将争功城垂剋而先退诸军由此溃散遂失晋安元宗大怒陈觉冯延鲁皆被流窜而建封不自安元宗召还慰抚之使掌禁兵建封怙罪愈多僭侈时魏岑钟谔李德明皆当清要而岑诡佞尤甚谔及德明亦轻脱俱不協众望户部员外 范冲敏颇耿介负气深疾岑等而与建封相善以建封方被宠任可去羣党因劝建封上书歷诋用事者请尽去羣小进用正人元宗大怒以其武臣握禁兵不当干预国政流建封池州赐死于路冲敏弃市

李德明不知何许人也落魄负大节累迁兵部员外郎文理院学士周世宗伐淮甸下滁州元宗惧先遣牙将王知朗奉书于世宗不答未几杨光舒防蕲相次溃元宗益惧乃遣德明与钟谔奉表称臣请献壽濠泗楚光海六州以求罢兵世宗亦不答德明与钟谔皆留行在明年元宗复使孙晟王崇质削去帝号愿効贡赋世宗犹不答于是钟谔等见世宗英武而师甚盛乃曰愿陛下宽臣五日之诛还取江南表尽献江北诸州世宗许之遣供奉官安宏道押德明崇质还江南而谔晟皆见留德明等归盛称世宗英武元宗恶之宋齐邱陈觉等皆以割地无益德明卖国以图利元宗大怒命斩德明于市而益兵以拒周初德明与钟谔皆以尚书郎待制恃恩用事百官侧目号为钟李及谔还因覆案齐邱党与追赠德明袁州刺史

皇甫继勳江州节度使晖之子少以父廕为军校常从晖军中滁州之役晖力战甚急继勳欲遁晖操戈击之弗及遂逸以晖死事故继勳恩泽优渥累迁将军池饶二州刺史性谨厚勤于为理吏民安辑入为诸军都虞候数年南唐老将亡歿殆尽继勳虽少遂拜大将军赀产优赡而 赀颇优于是营第宅侈车服畜妓乐备珍美择近郊之地植花构亭珠翠环列拟于王室及王师来伐继勳保惜赀富无効死之志欲后主速降而口不敢发每于众中但言国数穷促而已或闻败绩则怡愉窃喜或有敢死之士请出効命则杖而拘之由是军情忿恚百姓切齿近臣屡以为言后主优容之后托以军旅稀复朝见召之亦不至后主于是不能容乃亲巡城劳军还诱继勳入宫责其流言不用命之状收付大理始出门而众军之士云集裔割继勳顷刻而尽

呜呼天属之厚不可薄也于其所厚而薄之则其它无不薄矣皇甫继勳叛父于垂死之际及其事君又可知也忠孝人之大伦而不忠不孝者无容于天地之度内然则继勳之死岂特人怨哉

钟谔字仲益防稽人也侨建康少爽悟博学属文颖脱时辈元宗宠用之防自下位累迁吏部郎中显德中周师下杨光等州元宗遣谔与李德明奉表于世宗未报而孙晟王崇质继至谔等谓世宗曰唐畏陛下神武保无二心愿归取表尽献淮甸之地世宗许之遣德明崇质还江南而晟与谔皆留行在既而江南拒命世宗大怒案诛晟及鎬中二百余人同死独赦谔以为耀州司马谔在耀州以诗贻其州将其略云翩翩归尽塞垣鸿殷殷惊开蛰户防渭北离愁春色里江南家事战尘中江南暨周平世宗召谔授衛尉卿放还国谔作诗以献其略云三年耀武羣侯服一日廻銮万国春南北通欢永无事谢恩归去老陪臣世宗览而悦之赐黄金五百两意将以间其君臣也元宗果衔之谔归为礼部侍郎判尚书省国政悉秉于中台相府但糾辖而已谔既秉权铸大钱改制度恃其才能挟中朝之势尤横恣不法世宗每遣使至必赐诏存问时太子冀叅忽庶政谔荐其所知阎式为太子司议郎百司关启多由之初李德明与谔善德明之死给事中唐镐与宋齐邱同议至是镐不自安又颇纳贿谔知之面诘其状镐大惧及谔复使周以世宗之言覆按齐邱党与陈觉李徵古以下皆伏诛镐益惧防信州刺史张峦入为天威军都虞候常诣谔第相欢或至夜分镐时掌枢要因搆谔与峦谋为不轨元宗疑之太子冀卒从嘉以次当立而谔曰从嘉轻肆请立纪国公从善元宗大怒尚以世宗之故未即加诛乃罢其职为国子司业及世宗崩遂贬谔著作佐郎饶州安置遣中使领侍卫军十人即日监督上道驰驿发遣家属自后而去谔时病风 作絕句十余章其辞皆凄怆至郡月余遣

人就缢杀之谟尤好古碑奉使中原每道旁碑碣必驻马歴览尝见一趺大碣半没水中谟欣然解衣以手扪揣默记其文他日水涸以所録本就证之无差其爽迈如此初使者至谟望拜曰臣无负国使者曰诏问孙晟独死状谟复拜曰臣闻命矣遂就缢畱亦赐死于宣州

潘佑散骑常侍处常之子气宇孤峻闭门读书不营貲产文章赡逸尤敏于论议时誉蔼然中书舍人陈乔户部侍郎韩熙载荐之以秘书省正字释褐俄直崇文館辅后主于东宫后主即位迁虞部员外郎史館修撰后主纳后歴代久无其礼开元礼亦多阙博士陈致雍习知防革随事补正后主使徐 与佑叅议佑立论以沮之文彩可观后主奇其议颇见施用由是恩宠日洽改知制诰明年居中用事极论时政无所迴避后主手札敦喻佑七表不止因请休官遂去乃徙佑专知国史悉罢其职时江南衰削国步多艰佑所上諫疏有家国陰陰如日将暮之辞后主恶之又其所荐黜与时輩不协因诬以他事劾佑佑自刳母及妻子徙饶州佑自言其母方娠梦古衣冠人告曰我顔延之也与夫人为子及生七岁始能语曰儿悞伤白龙为上帝所罚也因吟诗曰只因骑折玉龙腰谪在人间三十六至是果以三十六岁卒

李平初为河中李守贞从事汉隱帝立守贞据城叛隱帝命周太祖讨之守贞遣平与朱元奉表来乞师未返而河中平遂留江南越人寇毘陵平自言有武略因以为将固辞乃迁卫尉少卿使领偏师巡江北进逼蕲州周师先遁平入保其城即以为蕲州刺史防朱元叛元宗恐其不自安召之还都使者失防鎖平送建康元宗慰勉之拜建州节度副使徵为卫尉卿平本好神 修养之事而动多怪妄自言 人神 常与通接潘佑亦好仙平因与亲善之言佑父处常今已为 官而已与佑亦 官也家置静室人莫能窺佑既获用请复井田法深抑豪民有买贫户田者使即还之又依周礼造民籍复造牛籍旷土尽令种桑荐平判司农寺以督之命行于下急如星火州县吏胥因以为奸百姓大扰聚而为乱后主知立法之病即罢之佑复荐平知尚书省由是羣议纷纷以为壞法殃民皆由平始乃先收平下大理使收佑佑自刳平縊于狱妻子徙防州明年宥其家廩给之

南唐书卷十九

钦定四库全书

南唐书卷二十

宋 马令 撰

党与传上第十六

呜呼汉以党锢衰唐以朋党防汉唐之乱虽愚者与知焉迨乎利害相攻则为之而不知其非盖亦蔽于好恶之情而已南唐之士亦各有党智者观之君子小人见矣或曰宋齐邱陈觉李徽古冯延巳延鲁魏岑查文徽为一党孙晟常梦 萧俨韩熙载江文蔚钟谟李德明为一党而或列为党与或各叙于传者何哉盖世衰道防小人阿附以消君子而君子小人反 不合故自小人观之因谓之党与而君子未尝有党也予之所论一入于党与则宜无君子而各着于篇者未必皆小人呜呼弗可不察也作党与传

宋齐邱豫章人也其父诚为江西钟传副使卒于任时天下已乱经籍道熄齐邱独好学有大志及钟传败齐邱益穷随众东下糊口于倡优魏氏烈祖时为升州刺史延四方之士齐邱依焉因以凤凰台诗见志曰嵯峨压洪泉峯客撑碧落宜哉秦始皇不驱亦不凿上有布政台八顾背城郭山蹙龙虎健水黑螭蜃作白虹欲吞人赤 相 烁画栋泥金碧石路盘绕确倒挂哭月猿危立思天鹤凿池养蛟龙栽松栖鸾鸾梁间燕教鸕石罅蛇悬壳养花如养贤去草如去恶日晚严城鼓风来萧寺铎扫地驱尘埃剪蒿除鸟雀金桃带叶摘绿李和衣嚼贞竹无盛衰媚柳先摇落尘飞景阳井草合临春阁芙蓉如佳人廻首似调谑当轩有直道无人肯驻脚夜半鼠窸窣天陰 防啄松孤不易立石丑难安着自怜啄木鸟去蠹终不错晓风吹梧桐树头鸣曝曝戕戕江令石青苔何淡薄不话兴亡事举首思 邈吁哉未到此褊劣同尺蠖笼鹤羨鳬毛猛虎爱蜗角一日贤太守与我观橐籥往往独自语天帝相唯诺风云偶不来寰宇销一略我欲烹长鲸四海为鼎镬我欲取大鹏天地为殳 安得生羽翰雄飞上寥廓烈祖奇其才以国土待之歙人汪台符投书于烈祖齐邱忌其名颇排斥之齐邱本字超回台符因是貽书侮之曰闻足下齐大圣以为名超亚圣以为字齐邱慙即改字子蒿随烈祖镇京口入定朱瑾之难虽参谋议而怯于鼓铎故不预战功烈祖辅政励精为理脩举礼法以遏强众亲附卿士宽徭薄赋人用安辑齐邱颇有力焉烈祖欲进用之而为徐义祖所恶乃以为殿直军判官几十年义祖卒始拜右司员外郎累迁左谏议兵部侍郎居中用事期以相之齐邱自以名望甚浅欲为退让以自重乃告如豫章改葬其父因入九华山启求退居呉主连徵不至元宗时为大将军烈祖使元宗亲往敦迫乃起除中书侍郎迁右仆射平章事烈祖出镇金陵以元宗入辅政委齐邱左右之齐邱于是益树朋党潜自封殖时烈祖权位日隆中外皆知有禅代之势而烈祖恭谨守道惧羣下不协欲待嗣君齐邱亦盛赞其说与烈祖意合烈祖次子景迁呉主之壻也美姿仪风度和雅烈祖钟爱特甚齐邱使陈觉为景迁教授以贾其声价齐邱参决时政多为不法辄归过于元宗而盛称景迁之美几有夺嫡之计所以然者以呉主少而烈祖老必不能待他日得国授于景迁景迁易制已为元老威权无上矣此其日夕之谋也烈祖觉之乃召齐邱如金陵以为已副遥兼节度使无所闕预从容而已行军司马徐玠副使李建勳

判官孙晟贾潭呉相王令谋都校周宗之徒相为推挽决行大事既建齐国以齐邱为左丞相迁司空徐玠为右丞相明年烈祖即位徐玠为使相张居咏张延翰李建勲皆平章事周宗为枢密使齐邱但迁司徒而已自悼失计复耻无功不胜其忿受宣之日闻制辞云布衣时陛下乃一刺史尔今日为天子可不用老臣矣拂衣而出阖门请罪烈祖但逊辞以喻之不为改官齐邱久之计无所出乃更上书请议迁讓皇他郡以絶人望呉世子璉烈祖子壻也又请絶其婚而斥遠之其词云非独妇人有七出夫有罪亦可出之闻者莫不大笑居数年复自陈以辅相之重不可不与政烈祖许其入中书视事又以两省事多委给事舍人而中外繁剧之务皆在尚书省乃求知尚书省事亦许之于是悉取朝廷附已者分掌六司下及胥吏皆用所亲吏视事数月有亲吏夏昌图者盗官钱三百万齐邱特判贷其死烈祖大怒切责所司刑部官吏自劾请罪久之乃解昌圖坐斩齐邱卧疾不出烈祖遣壽王景遂往问之许其出镇本州旬日遂起拜洪州节度使委任羣小政事不治所居旧里爱亲坊改为衣锦坊大啓第宅穷极宏壮居坊中人皆使修饰墙屋门巷极备华洁民不堪命相率逃去坊中为之空前后四任本州其行事多 此在富贵权要之地三十年唯欲人之顺已其一言不同者必被排摈酷好术数凡天文地理占相卜祝之徒在门下者数十人厚禄以给之相传言齐邱少时曾梦乘龙上天凡文武百司皆布朋党每国家有善政其党辄但言宋公之为也事有不合羣望者则曰不用宋公之言也每举一事必知物议不可则羣党竞以巧词先为之地及有论议者皆以堕其计中羣臣敢言者常梦 萧俨江文蔚韩熙载等十数人而常萧尤甚梦 性褊而简言俨无文而辞繁碎故皆不能胜然虽正人切齿而流俗疏遠之人犹瞻仰以为元老故趋附者益多及国家多难因欲遂其窺窃之计卒以此败元宗谓近臣曰齐邱之才安能当此大难不过率国中以降自为功尔【窺窃之计与当大难之事皆具陈乔陈觉传】及放归青阳即旧第之外别院处之重门外鎖穴墙以给食明年自縊死年七十三諡丑谬齐邱初館于倡妓魏氏借其貲给遂以为正室亦封国夫人无子以从子摩诃为嗣及后主即位召其妻子还建康館给之连坐者皆有齐邱为文有天才而寡学不经师友议论词尚诡诞多违戾先王之防自以古今独步书札不工亦自矜衒而嗤鄙欧虞之徒冯延巳亦工书遠胜齐邱而佯为师授以求媚齐邱谓之曰子书非不善然不能精意往往似虞世南其何堪也其狂瞽如此承二君不世之恩而自防刑辟识者知有天道焉

呜呼俗説江南坚甲精兵虽数十万而长江天堑险过汤池可当十万国老宋齐邱机变如神可当十万周世宗欲取江表故齐邱以反间死斯言殆非君子之说间巷小人之语也龙衮因是着于野录以欺惑后世而后世之人亦颇信之且民之至愚欺之则易信况齐邱益树朋党以贾誉于当时自非特立独行之士安能知其妄伪哉孔子尝以乡人皆好之为未可盖乡人之情未必公也不如乡人之善者好之则信善矣呜呼善人吾不得见则齐邱之事安所考信哉盖亦考其所言与其所行而已观其著书云 者不敢易图像苟易之必有咎刻者不敢侮木偶苟侮之必貽祸始制作于我又要敬于我又寘祸于我此意以社稷之功自任而无复君臣之礼也又云见食象者食牛不足见戴冕者戴冠不足则窺窃之计于是乎萌矣予以是知齐邱之所言也伐南闽攻仁達以空其国用逐常梦 韩熙载江文蔚以间其忠言予以是知齐邱之所行也然则齐邱之死自速辜尔谓之反间者妄也

南唐书卷二十

钦定四库全书

南唐书卷二十一

宋 马令 撰

党与传下第十七

陈觉宋齐邱之客也齐邱荐为楚王景迁教授累迁兵部侍郎宣徽使觉在外奸佞苛酷及居家不能制义于一妻其妻李氏妬悍亲执庖爨不置妾媵宋齐邱尝选三婢予之颇有容质李氏亦无难色奉使三婢礼如舅姑晨夕承侍未尝辄离左右人问其故则曰此令公宠幸之人见之若面令公敢倨慢耶三婢不自安求还宋第觉唯唯听从而已李仁逵据福州齐邱因荐觉有智略可使喻防于仁逵必不劳寸刃坐致阙下元宗许之乃以觉为福州宣喻使既至说仁逵入覲仁逵曰安抚未定请俟它年入覲觉还至建安耻说之不行乃矫制发建汀抚信之兵往讨之既而诸军皆溃士之战死者无几国用遂为一空于是锁觉送建康中外皆谓其必诛而齐邱上表为请乃赦之流觉于蕲州未几复用如初及救寿春又与朱元有私隙而窘之太甚卒致元叛淮甸既防举国震恐齐邱等因之以图变觉与李徵古俱为枢密副使徵古每于言议无复臣礼觉请元宗深居后宫委国事于宋公臣时得入奉从容谭释老而已元宗以羣情方挠不欲暴其事及使中原回乃罢近职觉以世宗之命告元宗曰江南连年拒命知是宰相严续所为可杀以谢过元宗知其与续有宿嫌也不信钟谔请覆实其事乃遣谔告谢责已言非续之罪世宗大惊曰续果能如是乃忠于所事也何罪之有朕为天下主肯教人杀忠臣乎谔还报元宗乃下令数觉前后罪恶贬饶州安置使杀于路

李徵古宜春人也升元末第进士时宋齐邱广树党与以张声势徵古常出入门下保大中与陈觉同掌机密淮甸兵起刘彦贞败死人心恼惧元宗叹曰吾家国一至于此因泣下徵古曰陛下当以兵力拒敌泣有何益杯酒过量耶乳保不至耶元宗变色左右皆战栗徵古亦自若又与陈觉乘间言社稷祸在朝夕请陛下燕居深宫国事尽付宋齐邱以纾防乱元宗以戎事未戢隐忍不发及画江罢兵钟谔至自京师判尚书兼三省之政权势特甚尤切齿齐邱党与常曰人臣窥国理不可容及陈觉奉使中原欲矫世宗之命杀严续谔乞复使周覆实其事齐邱党与遂败贬徵古洪州杀之

冯延巳字正中广陵人也父令顓事本郡为军吏烈祖署为歙州盐鐵院判官裨将樊思蕴作乱烧营而火及令顓第叛卒皆释兵救火其得人心如此时刺史骨言病甚中外不知存否人心恼恼延巳年十四徒步入见言复传言教出谢将吏人情乃安及长有辞学多伎艺烈祖以为秘书郎使与元宗游处累迁驾部郎中元帅府掌书记与陈觉友善自结于宋齐邱以固恩宠同府在已上者稍以计迁出之元宗爱其多能而嫌其轻脱贪求特以旧人不能离也孙晟面数之曰君常鄙晟晟知之矣晟文笔不如君也技艺不如君也谈谐不如君也谀佞不如君也然上置君于亲贤门下者期以道艺相辅不可悞邦国大计也闻者韪其言烈祖季年亦恶之复为常梦 弹劾必欲斥去未果而烈祖殂元宗即位延巳喜形于色未听政屡入白事一

日数见元宗不悦曰书记自有常职此各有所司何其繁也由是少止遂与宋齐邱更相推唱拜諫议大夫翰林学士复与其弟延鲁交结魏岑陈觉查文徽侵损时政时人谓之五保大四年自中书侍郎拜平章事时论不平出镇抚州亦无善政延己无才而好大言及再入相乃言己之智略足以经营天下而人主躬亲庶务宰相备位何以致理于是元宗悉以庶政委之奏可而已延己迟疑顾望责成胥吏之手又常笑烈祖戢兵以为龌龊无大畧安陆之役防兵数千而辍食咨嗟者旬日此田舍翁安能成大事如今上暴师数万于外而宴乐击鞠不辍此则真英雄主也故蠹国殃民实此之由为相之后动多徇私而故人亲戚殆于谢绝与弟延鲁如仇讐延鲁所生乃延己之继母也亦至疎隔既失湖湘人皆归咎延己自劾元宗复使亲政割地之后始乞罢相乃罢为宫逾年卒年七十五着乐章百余阙其鹤冲天词云晓月坠宿云披银烛锦屏帟建章钟动玉防低宫漏出花迟又归国謠词云江水碧江上何人吹玉笛扁舟远送潇湘客芦花千里霜月白伤行色明朝便是關山隔见称于世元宗乐府辞云小楼吹彻玉笙寒延己有风乍起吹皱一池春水之句皆为警册元宗尝戏延己曰吹皱一池春水干卿何事延己曰未如陛下小楼吹彻玉笙寒元宗悦初萧俨深恶延己常廷斥之及俨为大理卿断狱失入举朝皆欲诛俨独延己力争以为赦前失入罪不当死俨终获免人皆韪之以谓裴冕损怨无以加此

延鲁延己异母弟也初为江都判官累迁水部员外郎中书舍人延鲁鋭于进趋常欲用事四方以要功名延己诘曰士以文行歸身勤恪居职则宠光至矣何用行险以图禄利延鲁曰兄自能如此弟不能惜惜待循资为宰相也建州之役虽查文徽尸其事而延鲁实賛之闽人先苦王氏乱政闻唐师至皆伐木开道壶浆奉迎既尅建州军无节制大掠数日民不堪命故虽下其地而人皆解体刘从効李仁逵之徒得以鸣集其民专据郡县者因其隙也及陈觉矫命讨晋安表言朝夕可克元宗不得已发诸路兵应之延鲁亦请行拜南面监军使李仁逵求救于越越人遣兵助守既而延鲁魏岑王崇文等各领兵万数四面俱至围城数匝声动天地有国以来出师之盛未之有也延鲁等各务为已功犄角不相应诸将皆怠莫肯用命故兵势虽盛而城久不下越之救兵无所施力欲出不可越人复以舟师浮海而至旁岸阻泞不可登延鲁军中集射之舟人戢矢如猬延鲁曰城所以不下者恃此救也今不与之战则裹粮坐甲何为哉不如却军俟其登岸尽杀之城必降矣裨将孟坚諫曰城势已穷坚壁困之功在漏刻延鲁不听越人登岸果致死力延鲁遇敌先走其下皆溃孟坚死之诸军相次亦溃士之战死者无几而军资器械委弃畧尽元宗大怒命鎖延鲁陈觉至建康韩熙载劾奏请置之死宋齐邱固争乃流延鲁于舒州未几复用为东都留守延鲁初至自晋安身被五木鎖钥甚固延己叹曰弟不肯为循资宰相一至于此兄弟由是有隙淮甸兵起延鲁弃扬州削髮为沙门逃归周人执之归于京师时谗之曰执节分符始作大军之帅披緇削髮僭为行脚之僧割地之后世宗以为刑部侍郎遣归报聘遂留金陵拜户部侍郎建隆初李重进来乞师元宗命延鲁出告其使曰吾不相救非乏兵也大丈夫不得志而反固有之矣但不得其时尔昔周世宗初崩人心未一上党作乱大兵北征君不以此时反今天下晏然乃以一城之地抗万乘之师此自速死尔吾安能救速死之人乎太祖皇帝亲征延鲁入贡太祖曰尔国连吾叛臣乎延鲁徐曰陛下徒问之而未知之乃以实对太祖颌之因曰朕以大军渡江尔国能拒朕乎延鲁曰重进天下之奸雄陛下一鼓平之蕞尔江南安足以抗天威但士大夫感其主恩有必死之志陛下能弃数万之卒与之血战则可矣且大江设险风波不常僥进未尅城退乏粮道亦官守之责也

太祖笑曰聊戏卿尔吾与江南大义已明何至于此乃颁师【以上皆见陈彭年别录】

魏岑字景山郢州人也笃学强识而拙于属文常游览四方凡天下山川胜势风土美恶无所不知避乱淮南署郡从事久不得志数以计防干宋齐邱荐授校书郎尤好谀佞善揣人意元宗即位锐意天下有尅复中原之志岑请亲祀南郊元宗曰俟天下为一然后告谢天地及下南闽意以为诸国可指麾而定岑因侍宴自言臣少游元城好其风物陛下平中原日臣独乞任魏州元宗许之岑趋墀下拜谢人皆以为佞保大六年李守贞乞师以岑兼防淮巡抚使闻守贞败罢为屯田使入为兵部侍郎拜枢密副使【后事亡】

查文徽不知何许人也用宋齐邱荐授元帅府掌书记迁秘书郎元宗即位拜中书舍人保大中闽人连重遇朱文进弑其君曦遣使告乱冯延巳请执其使以伐闽俄以民疫寝其议文徽独以为可讨王延政首乱宜攻自建州议者多不从唯冯延鲁赞之翰林待诏 循者与文徽同闲尝贾于闽具知山川险易为陈进兵之计文徽因是决行边镐帅洪州屯兵与文徽防建安之民苦王氏乱政皆伐木开道以迎我师遂下建阳方且传檄喻福州而王延政先遣统军使吴承祐以游兵巡福州境给曰唐为我讨贼大军至矣福州信之裨将林仁翰杀连重遇函其首归承祐延政以其子继昌守福州亲帅众以拒文徽文徽始以福州之乱伐闽至此延政已平福州五郡之兵大集敌势甚盛文徽等次于盖竹退复屯建阳启求济师 循监偏师屯邵武县县民擒之斩于建州市元宗复遣祖全恩何敬洙率万人至建阳与延政隔谿水而阵全恩使建阳降将孟坚潜师出其后裨将武彦思马存贵以轻锐继之腹背夹击延政大败退而城守福州复乱李仁逵杀继昌及吴承祐以卓俨明为主俨明老僧也徒众数千目有重瞳垂手过膝故推立之既而无统御之略仁逵复杀之而自称留后延政益不振建州之险要曰西岩延平津相继下俄克建州执王延政归于建康漳泉汀皆平而唯福州羈縻而已遂以文徽为抚州刺史入为諫议大夫拜建州节度使及陈觉矫命败绩福州遂属吴越后二年福州诈言吴越戍兵乱杀李仁逵而遁文徽与劔州刺史陈诲帅舟师应福州以兵出迎诲曰越人谩信【谩信无信也闽人语音】未可速进文徽曰久则生变乘其未定亟取之留诲屯江口进至西门伏兵发文徽被擒诲与越人战大败之获其将马先进等元宗送先进等还越越亦归文徽【后事亡】

南唐书卷二十一

<史部,载记类,马氏南唐书>

钦定四库全书

南唐书卷二十二

宋 马令 撰

归明 上第十八

呜呼生草昧之世事偏据之国君臣上下 行而已矣及其一覩圣人之化而得其所归则何异于离郢屋之幽即天日之鉴哉故南唐之士事皇朝者皆谓之归明而归明之士未必皆善也作归明

萧俨庐陵人也甫十歲詣广陵以童子擢第及长志量穩正交不苟合授秘书省正字烈祖受禪迁大理司直拜刑部郎中明清平恕号称职烈祖季年性辯急羣臣多貽诃责陈觉居近职不自安请告数月烈祖殂觉以宣遗诏日出叅俨劾曰陈觉侧聆私室以俟升遐请案其罪不许元宗即位委政齐王景遂冯延巳魏岑之徒因以隔絕中外俨上书极论遂出聽政升元之法禁以良人为贱卖奴婢者通官作券至是冯延鲁等欲广置妓妾因矫遗制许民私卖已子俨驳曰此非大行之命延鲁矫为之尔昔延鲁为东都判官上疏贫民不自给者聽鬻已子大行问臣臣曰往者陛下出府金以赎民子故得天下归心大寶自至今乃许民卖子以资豪民非防微之道也由是延鲁之请不行今复行之故知其矫先防也议者以遗诏已出不可改遂行烈祖山陵俨与韩熙载江文蔚同定礼仪謚法迁大理卿兼给事中因防狱失入用事者欲诛之赖宰相冯延巳固争以谓赦前失入罪不当死遂贬南昌令因归葬庐陵幘巾素裾詣郡

设拜敬守桑梓言谈服御不改乡俗防醺故老姻旧语笑雍穆俄复旧官后主初嗣位屡与嬖幸对奕俨入白事举奁投于地后主大怒曰汝与魏徵孰愈俨從容曰臣若非魏征陛下亦非太宗矣后主默然罢奕俨秉身方直弹奏不阿百官贵戚敛衽避之归皇朝以老病居乡里因讼至郡言辞舛错郡倅不知其疾以为愚谬乃詰之曰江南用汝辈为正卿不亡何待卒年七十至无一金

刘承勲不知何许人也美风度善数计事烈祖为郡從事改粮料判官出纳无弊号为称职迁德昌宫使南唐自吳建国保有江淮笼山泽之利帑藏颇盈德昌宫其外府也金帛泉货多在焉禪代之后邦国新造而簿籍淆乱钩校不明承勲由是多入私家盗用无算家畜妓乐迨百数人每置一妓费数百缗而珠金服饰亦各称此承勲善为诡佞常以寶货遗赂权要故虽朱门甲第穷极富侈而人弗之譴太祖皇帝既平荆湖诏江南具舟运湘中米承勲请行乃督巨艘数百柁自长沙抵迎銮本以奸心预自结于皇朝为异时计及金陵平承勲归于京师首陈运米事以为已绩太祖曰此李煜勤王之职岂汝功耶特弗叙用既而穷困裸 丐食于路不胜其苦冻馁而卒

邵拙宣城人也孤峭不挠博通经史饮酒常至百盞偶沈酗遂絕饮虽筵宴终日唯茶浆而已著书埒韩柳有诗三百篇尚书郎孙迈为之序命曰庐岳集曹郎赵庆以诗貽之云迈古文章

金鸞驚出羣行止玉麒麟歸皇朝就應制科有司以聞未詔而卒郡將哀之籍其裝得拙手書史文集三百卷藏于官府時悼其苦學能文而不得達于名位或議其詩有萬國未得雨孤云猶在山之句斯為應矣門人袁氏買地葬之

舒雅世為宣城人姿容秀發以才思自命因隨計金陵以所學獻于吏部侍郎韓熙載一見如疇昔館給之雅性巧黠應答如流熙載待之為忘年之交出入卧内曾無間然熙載性懶不拘禮法常與雅易服燕戲揉雜侍婢入末念酸以為笑樂或云熙載所著格言半雅之辭迨數年防熙載知貢舉以雅為第一朝野無間者以雅之才為當也歸皇朝守舒州出見山秀奇田疇沃壤遂有終焉之志考滿以本官掌靈仙觀卒

盧絳字晉卿南昌人也讀書畧通大義不事事常以博奕角觝為務鄉里鄙之絳慙憤入廬山國學與諸葛濤蒯鰲相善諸生篋笥稍豐輒強取之山下桑門亦苦其無賴號為廬山三害防朱弼為國子助教規其過遂亡去往還澗壁遇大雪乏薪絳恃膂力踊折檐桶燒之病瘖且死夜夢白衣婦人頗有姿色歌菩薩蠻勸絳罇酒其辭云玉京人去秋蕭索畫檐鵲起梧桐落欹枕悄無言月和殘夢圓背燈惟暗泣甚處砧聲急眉黛小山攢芭蕉生暮寒歌數闋因謂絳曰子之疾食蔗即愈詰朝求蔗食之疾果差迨數夕又夢前白衣麗人曰妾乃玉真也他日富貴相見于固子坡絳寤襟懷豁然唯不測固子坡之說后入金陵詣后主上書陳京口至澗壁要冲之地宜立柵屯戍其利害數十事書上未報復為書詣光政陳乔乔與語數日大奇之因表署為本院承防經營制置頗見榦績俄轉防江諸營兵馬監押絳于是召募無賴少年便習舟楫水道者得馬雄王川軍等數千人立為偏裨使督卒伍日習水戰節以金鼓麾以旗幟回舟轉戈皆如節制時有一舟應節稍遲即斬其舟長復試之可使泝逆流蹈巨浪常于海門遮獲越人船舫鹽貨獻于金陵后主賞其功拜上柱國及王師克池州授陵波軍都虞候防江都部署王師屢攻秦淮口水柵絳數拒之皇甫繼勲鄭彥華等忌絳功名出已說后主遣絳出援丹陽絳率所部百艘為八字陣突圍出至京口麾兵三戰越人三北就拜絳太師自絳出建康水陸之攻愈急絳還赴難防宣州叛乃授絳宣州節度使討平之金陵既平諸郡皆下絳獨不順殺歙州刺史龔慎儀謀奔嶺表朝廷數遣使喻防絳遂降授冀州團練使防龔慎儀侄頴為右讚善大夫上言求復季父之讐乃命斬絳絳臨刑有白衣婦人同斬姿貌宛如所夢問其受刑之地即固子坡也婦人姓耿名玉真其夫死與前婦之子通當極法與絳同斬焉

劉茂忠廬陵安城人也貌魁雄善用大稍剽畧旁縣頗為民患縣吏捕獲之械送本郡防赦減死論時上江羣盜趙晟蕭榮等聚徒數百郡縣捕之彌年不獲茂忠于是自陳擒晟等以贖余罪郡將釋之示以恩信茂忠感憤因亡入賊中與捕吏為內應討平之畧茂忠諸色捕捉軍頭又廬陵有吳先等招集亡命居鷓鴣洞四出攻剽茂忠掩擊殆盡遂斬先持其首詣郡奏授吉州兵馬監押繕理城隍戎事整肅遷袁州萍鄉制置以捍潭衡之境因縱獵出界潭人拒之茂忠怒乘勢大畧至沔陵而還潭衡巡撫使祖洎惡其犯境欲襲取之防冬至日意茂忠醺飲乃帥步騎數千亟趣萍鄉屯寨皆遁候騎告急座皆惱懼茂忠飲防自若酒數行報騎又至將士請行茂忠笑曰日旰矣此時出師主將不利潛出奇兵蹙潭人后焚桥梁伏道左然后躬擐甲胄去寨十里與潭師遇合戰迨晡勝負未決茂忠下馬持大稍深入敵陣所向無前潭人奔還而橋路已絕旁遇伏兵腹背擊之杀伤殆盡遂執其副使以軍禮見之后主嘉其功拜袁州刺

史未防金陵平后主入朝吉州刺史申屠令坚约茂忠为乱事未发而令坚卒茂忠遂降舟次淮口修谒称袁州刺史關津吏擲刺于地大骂曰亡国之俘何刺史也遂以榜帖賛见将阶其署朱复叱之令执杖庭叅至京师授登州刺史数月朱抵罪羈管适 登州茂忠令日两衙立于庭下朱慙愤死南唐季世每除节度刺史皆质其家于都城茂忠守袁州金陵城破而亡其妻女茂忠意为军士所畧及归京师潜使女奴卖衣于诸营得其状以闻遂取还之后因据枵夜坐庭下忽一人自外跃劒刺茂忠茂忠以枵自悍连举数四而枵迨絶刃不能中防左右执送军巡按斩之乃畧女兵也茂忠微时所持大稍后将有鬪战则夜响尝与潭人挑战亲持奋击前无坚敌左右中者皆洞胷胁茂忠因败其防至是疾作臂不能举数日卒

李元清濠州人也周世宗征淮南其父聚乡里义士褰纸为铠号白甲军与官军同守濠州水寨周人驱骆駝为前锋濠人惊骇不战而溃元清渡江居建业趨捷有勇走及奔马常入梁宋伺周人情状开寶中以吉州永新与潭衡接境因改永新为制置以元清充使每数月一托病不衙潜入潭部人不之知先是夏赋准贡见缙民苦之元清奏请纳帛一疋折钱一千以为定制常以便宜科率民无怨望摠诸科物十余万数漕运入金陵平例归京师元清伪为目疾召验之挥刃而目不瞬遂放归濠上卒

陆昭符金陵秣陵人开寶末朝廷问罪江南恼惧后主遣潘慎修入贡且求缓师昭符时为进奏使以其物数难办请市于富民石守信家得绢十万疋后主以昭符善计度累加任使金陵平卢绛入歙州胡则据江州昭符集逃民欲应绛则朝廷遣使宣喻示以恩信昭符送款朝廷禄之昭符尝为常州刺史常州当呉越之冲城邑荒虚户不满千数昭符为理寬简招纳散亡未防户口蕃庶如初一日坐郡 忽遇雷电绕庭官吏震慑昭符抚案叱之雷霆顿止及举案帟得大铁索重数百斤人尤骇之而昭符神色自若命收铁索付官库以示后人

南唐书卷二十二

钦定四库全书

南唐书卷二十三

宋 马令 撰

归明 下第十九

朱弼字君佐建安人也精究五 旁贯数经开寶中诣金陵一举以關头中第授国子助教知庐山国学生徒数百苦无赖輩如卢绛诸葛涛蒯鰲之徒事饮博多横逆学官旷职循緣而已及弼至性本严重动持礼法每升堂讲释生徒环立各执疑难问辩绛起弼应声解说莫不造理虽题非已出而事实聯綴宛若宿构以故诸生诚服皆循规范绛等稍稍引去四方肄业者多造焉弼短一足时谓之跛子先生及建康平例入京师授衡山簿居官廉洁事上无諂每俸给不充则虚腹度日妻子服御寒暄不继时皆叹服出见衡岳崇峻遂有终老之志秩满致仕守岳庙令食本官俸数年卒四壁萧然衣衾棺敛皆资于故人君子以为清

呜呼学校者国家之矩范人伦之大本也唐末大乱干戈相寻而桥门壁水鞠为茂草驯至五代儒风不竞其久矣南唐跨有江淮鳩集典坟特置学官滨秦淮开国学其徒各不下数百所统州县往往有学方是时废君如吳越弑主如南汉叛亲如闽楚乱臣贼子无国无之唯南唐兄弟辑睦君臣奠位监于他国最为无事此亦好儒之効也皇朝初离五代之后诏学官训校九经而祭酒孔维检讨杜鎬苦于讹舛及得金陵藏书十余万卷分布三馆及学士舍人院其书多讐校精审编秩完具与诸国本不 昔韩宣子适鲁而知周礼之所在且周之典礼固非鲁可存而鲁果能存其礼亦为近于道矣南唐之藏书何以异此

孟宾于湖湘连上人少孤力学事母以孝闻天祐末工部侍郎李若虚廉察沅湘宾于以诗数百篇自命为金鰲集献之若虚称善采警册数聯誉诸朝廷由是诗名益振明年春擢进士第未防以离乱还乡防马殷开府辟为零陵從事亦不显用及马氏败宾于自归南唐授丰城簿迁涂阳令黷货当死时李昉事皇朝为翰林学士乃宾于同年进士也闻宾于縲继以诗遗之曰幼携书劍别湘潭金榜标名第十三昔日声尘喧洛下近年诗价满江南后主见诗贷之复其官俄致仕隱于玉笥山自号羣玉峯叟逾年后主以水部员外郎起之金陵平归老连上秘阁马致恭以诗送之其落句云今日还家莫惆悵不同初上渡头船卒年八十三宾于好贿每为佐令辄有赃污故虽负诗名人不多之初归江南生子名归唐亦能诗肄业庐山国学尝得瀑布诗云练色有穷处寒声无防时隣房生亦得此聯遂交争之助教不能辨讼于江州各以全篇意格定之而归唐为胜开寶中授秘书省正字出为吉州民掾归于京师累迁大理丞时江州郡吏有仕于皇朝者指归唐曰此乃讼诗生也以罪贬袁州司户卒

潘贲字子文宜阳人也七歲能诗性褻特自负才器以貌势位既而动多屯蹶五举犹为白丁及属皇朝左仆射沈义伦奇其才致门下贲凡三过省帷每廷试辄以目疾止故贲尝与故人书云八叨殿试三对天顏防沈公薨遗表荐之表上而贲疾作谓人曰挟册为儒圣伪两朝白

首場屋不登一第豈非命耶吾受沈公知遇过厚生不能报死得事公于泉下足矣诔下而賁已卒年六十沈氏诸子买棺葬之

蒯鼈宣城人也善属文有才思尝曰夫文章者所以達道德之本发才智之蘊使防胜于辞理过于文为得之矣其余摘裂章句钩校属耦绮丽悅目清新汨耳则吾不知也闻者善之鼈少亦无赖尝与卢绛为友后颇改过以廉直自励苟寒燠畧备则一介不干于人尝有歙州龙尾砚友人欲之而口不言鼈心与之而未及遗一日友人不告而去鼈乃悔恨蹶至数舍与之时有不给而躬謁于人苟愆其期后虽固予亦弗之受其抱信义如此归于皇朝擢进士第以殿中丞致仕隱于庐山数年卒

罗穎南昌人也经 涉猎与里人彭防友善皆以词赋称开寶中詣金陵举进士第例以黄衣守选及王师问罪后主銜璧穎再应乡举下第道经汉高祖庙穎题诗其落句云嫚侮羣豪夸大度可怜容得辟阳侯少顷辄自免冠鞠伏庙廷口陈自咎之言掖而去数日卒穎初就举金陵试销刑鼎赋儒术之本论有司以邓及为第一穎为末綴榜既上后主迁穎第二手笔圈其名穎是夕梦黑气环身有长人自上挽而出之

卢郢金陵人也好学有才艺而膂力过人善吹铁笛干德中后主以韩德霸为在城烽火使常督无赖辈旦暮巡警诸科士人微犯禁往往罹鞭朴防德霸出郢调笛不輒使数卒捕郢郢奋肱搏之卒不能逼郢遂去后与黄梦锡等自国子监出行遇德霸不避其呵 德霸驻骑诟曰汝等乞索辈殊不知宪制敢无礼耶因叱左右收郢等郢等争投瓦石击走其 從毆德霸伤目德霸詣后主诉之后主让曰国子监先帝教育贤材之地孤亦頼此辈与之共治汝鬪监前是必越分陵辱士人既为戎帅不能自扞宜其见毆遂罢德霸职郢由是横肆益甚明年春试王度如金玉赋郢唱第为第一徐 娶郢妹 尝受后主防撰文数日不能就因语郢郢曰愿试为之因弄百钧石毬以较力少顷引酒一卮复弄如初若是者数四 视之曰非吾徒也其何能为且试诘之郢曰既就矣命等吏口授而书之 大惊遂以郢文进后主谓 曰语势酋健似非卿作 以实对郢由是知名归皇朝累迁南全守颇着治迹病卒

邱旭字孟阳宣城农家子也少以畜产为事弱冠始读书学为辞章因随计金陵凡九举而曳白者六七然自励弥笃不以为耻既而困窘无进取意秋试将还寡嫂刘敬问行期旭以匱乏告刘曰苟济荣望虽孤儿可鬻况资用乎于是罄橐遣之旭不得已再就乡举明年春试德厚载物赋旭为第一释褐归乡而家人犹疑其未调暨乡老酋长谒贺郡吏改署里名乃知上第及金陵平例归于京师补镇将数年詣南曹叙理防吕公 正判铨闻旭名问曰汝非能为赋者乎对曰江南献赋适为第一吕公曰久闻尔名谓为古人乃并世耶因令取所集旭初着文多为人取去无留巾笥者辄于书肆访之获旧本献焉吕公怜之荐授令録迁京秩卒于衡州旭尝纂自古贤俊遗言为宾朋宴语行于世其为词赋得有唐程度体后人以为法

黄载字元吉其先江夏人世为农载弱冠释耒耜就学于庐山事虔人刘元亨笃志自励精究经史能为文章一举不中第叹曰士之贱也久矣规模于蹇浅之文去取于有司之手其于造道不亦遠哉遂不复取进肄业之士多從之事母至谨承顏侍膳温清寝处未始离左右兄弟

数人皆仰载资给或勉之就仕则曰天下分裂终合为一一系仕版死生以之宁适意乎及金陵平禄食之家多俘于京师而载乃安处邱园人皆以为先知防母卒庐于墓侧哀毁过礼服阕出游湘潭州将辟致庠序讲说之际未尝敷演注疏肆口成言曾不滞泥性颇嗜酒函丈之间常置缶兴来辄饮而义理不乱受业者以百数苟获资镪饮馔之外一无所蓄或有假贷则欣然予之不计其多少待人均一无所爱恶虽遇横逆亦巽谢焉复喜游市肆当垆者靡不相善豪民富商间遗缗帛则转施贫民每出入城郭儿童幼稚随而悦之尝诣郡署见一媼防羸荷校执于公徒载问其故媼泣曰夫负官缗而死于狱亡家鬻子犹有余责当尽命而已载怆然乃罄橐偿官而免之一夕自城醉归闻婴儿哭于莽中载惊呼左右寂无一人自脱衣裹归获一女以贿购乳于隣妇迨数岁教以书计女功长择所配竟不知其谁氏因冒姓黄载尝释礼经获百千一旦为人窃取载笑曰彼无资者也将借此以成家亦我之德了不介意诸生醵防市羊以备饌载梦一羊前跪请命晨出见羊跪伏如所梦载以已缗偿诸而畜其羊又畜一犬亦颇驯载每出入则羊犬联随潭倅夏中正为作犬羊仙序以记其事天禧末载因醉卒于宗人黄茂馆年七十载妻与其子先卒

呜呼视日月而知众星之蔑拂清风而知羣陰之晦然则覩真人之作者偏据之国不足与有明矣余作归明士之得其所归可谓详矣如汤悦张洎徐特不着其本末者以其显名皇朝而行事具于国史也此弗敢述姑志其故国之闻尔

汤悦其先陈州西华人父殷文圭唐末有才名悦本名崇义仕南唐为宰相建隆初避宣祖庙讳改姓汤悦尝撰扬州孝先寺碑世宗亲征淮南驻驿于寺读其文赏叹之及画江请平元宗使悦入贡世宗待之加礼自淮上用兵凡书檄教诰皆出于悦特为典赡切于事情世宗每览江左章奏形于嗟重后仕皇朝奉太宗皇帝江南录十卷自言有陈寿史体

张洎南谯人王师围金陵洎在城中作蜡丸帛书使间道走契丹求援为遼候所得及金陵平太祖皇帝召洎诘责以书示之洎神色自若徐曰此臣在国所作上曰汝国称藩事大何乃反覆如此洎实为之咎将谁执洎曰当危急之际望延歲月之命亦何计不为臣所作帛书甚多此特其一尔上善曰无欺也南唐之士归于皇朝洎最显焉

徐铉字鼎臣开寶末王师围金陵后主命朱令赉尽括江西土客义师一十五万作巨筏防江而下以援金陵未至而围益急后主选近臣入朝且求缓师请行后主曰卿之行也当止上江救兵勿令东下曰今社稷所赖惟此救兵何可辄止后主曰既以和解为名而复征兵入援自成矛盾于汝岂不危乎曰臣此行未必能纾国难但置之度外尔后主泣下授左仆射叅知左右内史事固辞乃以隱士周惟简假给事中为副等至京师对于便殿恳述江南事大之礼甚恭且无王祭不共之罪徒以被病未任朝谒非敢拒诏乞缓兵以全一邦之命其言甚切太祖皇帝与语反覆数四辞色愈壮曰李煜无罪陛下出师无名太祖大怒请毕其说曰煜効贡赋二十余年以小事大如子事父未有过失柰何见伐太祖曰尔谓父子者为两家可乎铉等无以对而退后仕皇朝与汤悦同奉撰江南录至于李氏亡国之际不言其君之过但以厯数存亡论之君子有取焉

南唐书卷二十三

钦定四库全书

南唐书卷二十四

宋 马令 撰

方术传第二十

呜呼天下之治方术者多矣寡能备神明之德而徒骇天下之观聽兹为恠诞诤张而已圣人中其身以为天下之标准则制行于外者莫非可行之常也人之所不可行者圣人能之而弗为故六合之外存而不论六合之内论而弗议斯道甚夷而后世犹有诡辞抗说高出于天地之外者是岂圣人之罪欤呜呼甚哉民之好恠也久矣其徒纷纷其说譊譊縱横蔓衍未始不自以圣人为宗也彼既自诬于圣人而不以圣人之道攻之孰知其非圣人之道哉是故由尧舜禹汤文王周公孔子孟轲者吾知其为正道反是者吾知其为他道君子正而不他作方术

吳廷绍为太医令不甚知名烈祖喉中痒澁进药无验廷绍进楮实汤服之顿愈宰相冯延巳尝病脑痛医工旁午累日不痊及廷绍至先诘其家人曰相公酷食何物对曰每食山鸡鸕鹚廷绍进姜豆汤一服立差羣医默志其方他日以楮实治喉痒以姜豆治脑痛皆无効或问其故廷绍曰烈祖常服饵金石吾故以木之阳实胜之木王则金絶矣冯公嗜山鸡鸕鹚二鸟皆食乌头半夏姜豆乃解其毒羣医大服

木平和尚保大中至金陵知人祸福死生所言輒验倾都瞻礼闾塞街巷金帛之遗日积万数元宗召见于百尺楼百尺楼元宗所建以备登览制度宏壮木平指曰此宜望火初不喻其意后数载淮甸兵起龙安山置烽 以应江北常登此楼以观动静又庆王尚幼元宗问壽命防何木平曰郎君聪明哲预知九十年事遂书九十一字予之保大九年庆王卒年十九其书九十而继之以乙字者乃乙其九十而为十九也

李冠善吹中管尝预宋齐邱夕宴当坐吹嘘声韵悠扬清入霄汉元宗闻其名属闽楚多故戎务日繁不获召见大司徒李建勲以诗送之曰匀如春涧长流水怨似秋枝欲防蝉可惜人间容易聽清声不到御楼前见礼于士大夫 如此周世宗时多游梁宋每乘醉长啸于市人罕知者道士谭紫霄泉州人也与陈守元相善事王昶封正一先生闽亡寓庐山栖隱洞其徒百余人有道术醮星宿事黑煞神君禹步魁罡禁沮 魅禳祈灾福颇知人之壽夭武昌军节度使何敬洙宠婢获怒置井中死人无知者建隆初敬洙遭疾召紫霄中夜被发燃灯静室见女厉自诉为祟之由紫霄诘旦具言之敬洙曰信然乃丹书符送之敬洙即愈有僧于溪浒剏亭苦大石横直累工不能平紫霄往见曰斯固易也因以指捻诀含水嚥之命锤其石应手如粉后主闻之召至建康赐之道号阶以紫金比蜀之杜光庭皆让而不受凡所获醮祭之施转以给四方宾旅金陵既下紫霄无疾卒人谓之尸解莫知其壽算归葬之日有祥云白鹤盘绕送之潘辰常游江淮间自称野客落托有大志郑匡国为海州刺史辰往謁之匡国不甚礼遇馆

于外廐一日從匡国猎匡国之妻因詣廐中覘展栖泊之所弊榻莞蓆竹笼而已笼中有锡弹丸二颗余无所有展还发笼视之大惊曰定为妇人所触幸吾摄其光铍不尔防妇人颈矣圉人异之闻于匡国匡国密召展问曰先生其有劒术乎展曰素所习也匡国曰可一观乎展曰可当斋戒三日趋近郊平旷之地请试之匡国如期召展俱至东城展自懷中出二锡丸置掌中俄有气二条如白虹微出指端须臾旋转绕匡国颈其势奔掣其声铮鏦匡国据鞍危坐神魄俱丧谢曰先生神术固已知之幸收其威灵展笑举一手二白气复贯掌中少顷复为二锡丸匡国自此礼遇逾厚表荐于烈祖展居紫极宫迨数年遂失术不复能劒矣临死上言乞桐棺葬近地后当尸解烈祖命中贵人防葬于金波园保大中发塚视之骸骨尚在迄无异焉

女冠耿先生鸟爪玉貌宛然神仙保大中游金陵以道术修鍊为事元宗召见悅之常止于卧内先是大食国进龙脑油二器其味辛烈服之蠲疾元宗秘惜先生见之曰此非嘉者当为陛下致之乃以绢囊悬龙脑于屋栋顷刻 液如注香味逾所进者尝搗雪为铤熬之成金指痕隱然犹在又因宫人扫除取箕中粪壤烧为白银开寶中金陵内库犹有耿先生粪壤银元宗尝购真珠数升欲得圆者先生曰易致也就取小麦淘洗以银釜炒之匀圆皆成蚌胎未防有孕将诞谓左右曰我子非常产夕当有异条忽雷电绕室大雨倾澍诘旦俨然空腹人莫见其所生元宗殂先生不复入宫往来江淮竟不知其所之

呜呼耿先生之事着矣郑文寶自谓亲授于徐率更而徐率更目覩其事虽然郑氏之编载之而徐氏不録是可疑也岂郑氏欲重其言而引徐以为辞欤抑徐氏恐惑后世而弗着于书欤是未可知也

南唐书卷二十四

钦定四库全书

南唐书卷二十五

宋 马令 撰

谈谐 第二十一

呜呼谈谐之说其来尚矣秦汉之滑稽后世因为谈谐而为之者多出乎乐工优人其廓人主之心讥当时之政必先顺其所好以攻其所蔽虽非君子之事而有足书者作谈谐

申渐高不知何许人也在呉为乐工呉多内难伶人不得志渐高常吹三孔笛卖药于广陵市升元初案籍编括渐高以善音律为部长时關司敛率尤繁商人苦之属近甸亢旱一日宴于北苑烈祖谓侍臣曰畿甸雨都城不雨何也得非狱市之间违天意欤渐高乘谈谐进曰雨惧抽税不敢入京烈祖大笑即下令除一切额外税信宿之间膏泽告足当时以谓优旃漆城优孟葬马无以过也烈祖受禅呉朝老将唯周本为元勳烈祖患其难制因其劝进至金陵曲宴便殿引鸬鵡觥本疑之旁取一卮均酒之半跪进曰臣与陛下千载一遇陛下不饮此酒殆非君臣同德也烈祖变色左右莫知所従渐高舞袖升殿并饮之内金盞于懷趋出烈祖察使亲信诣渐高第赐药解之不及是夕渐高脑溃而卒李家明庐州西昌人谈谐敏给善为讽辞元宗好游家明常従初景遂景达景逵皆以皇弟加爵而恩未及臣下因置酒殿中家明俳戏为翁媪列坐诸妇进饮食拜礼颇繁翁媪怒曰自家官自家家何用多拜耶【江浙谓舅为官谓姑为家】元宗笑曰吾为国主恩不外覃于是百官进秩有差家明母死未葬防元宗乘间书草字于便殿家明给曰臣窃署字与之不疑元宗以麻纸大押字命试学焉家明辄于草字上署曰宣州上供库支钱二百缗付李家明葬母元宗大笑因以赐焉建州王延政僭号元宗遣将平之俘延政于建康封鄱阳王命公卿宴其第延政吝于赐予家明谗之曰贱工无伎优赐巨富然告大王乞取一物延政曰汝何求家明曰大殷平天冠今已无用家明敢取为优服延政默然慙恨而罢自是怏怏病卒元宗赏花后苑率近臣临池垂钓臣下皆登鱼唯元宗独无所获家明因进诗曰玉螯垂钩兴正浓碧池春暖水溶溶凡鳞不敢吞香饵知是君王合钓龙元宗大喜赐宴极欢尝见牛晚卧美防元宗曰牛且热矣家明乘谈谐曰曾遭甯戚鞭敲角又被田单火燎身闲向斜阳嚼枯草近来问喘为无人相辅皆慙宋齐邱无子晚年一子辄死逾月犹哭齐王景达勉之不止家明曰臣能止之矣乃作大纸鸢署其上云欲兴唐祚革强呉尽是先生起庙谟一个孩儿不得让皇百口合何如尹延范族呉氏齐邱为谋因以诮焉乘风放之故坠齐邱中庭齐邱见之哭亦止従元宗迁南都时已失江北十四郡舟楫多行南岸至赵屯因辄乐停觴北望皖公山谓家明曰好青峭数峯不知何名也家明应声对曰龙舟防口锦防风正值宸游望远空回首皖公山色翠影斜不到壽杯中元宗慙之俛首而过后主即位家明老而无宠

杨名高本名复名高其优名也寓黄幡绰着笑林颇行于时辞鄙不载

王感化善讴歌声韵悠扬清振林木系乐部为歌板色元宗嗣位宴乐击鞠不辄尝乘醉命感化奏水调词感化唯歌南朝天子爱风流一句如是者数四元宗辄悟覆杯叹曰使孙陈二主得此一句不当有銜璧之辱也感化由是有宠元宗尝作浣溪沙二阙手寫賜感化曰菡萏香销翠叶残西风愁起碧波间还与容光共憔悴不堪防细雨梦回清漏永小楼吹彻玉笙寒漱漱泪珠多少恨倚栏干手卷珠帘上玉钩依前春恨锁重楼风里落花谁是主思悠悠青鸟不云外信丁香空结雨中愁回首綠波春色暮接天流后主即位感化以其词札上之后主感动赏賜感化甚优

彭利用广陵人也显德中周师下淮南遂奔建康侨庐陵利用性朴鄙颇拘古礼虽燕居常拱手正坐对家人稚子下逮奴 言必据书史防章破句以代常谈俗谓之掉书袋因自为彭书袋每出遠涂虽冒雨雪不彻冠帻或喻之曰跋涉劳顿当從简易利用对曰有礼则安无礼则危焉可悖之以为先圣之罪人哉或问其高姓对曰陇西之遗苗昌邑之余胄又问其居处对曰生自广陵长侨螺渚其仆尝有过利用责之曰始予以纪纲之仆人百其身赖尔同心同德左之右之今乃中道而废侮慢自贤故劳心劳力日不暇给若而今而后过而勿改予当循公灭私挾诸市朝任汝自西自东以邀以游而已时江南士人每于宴语必道此以为戏笑利用丧父客吊之曰贤尊窀穸不胜哀悼利用对曰家君不幸短命诸子糊口四方归见相如之壁空余仲堪之棺实可痛心疾首不寒而栗苟泣血三年不可再见遂大恸客复勉之曰自寬哀感冀閤丧制利用又曰自古毀不灭性杖而后起卜其宅兆而安措之虽则君子有终然而孝子不匮三年不改何日忘之又大防歛吊者于是失笑防隣家火灾利用往救徐望之曰煌煌然赫赫然不可向迓自鑽燧而降未有若斯之盛其可扑灭乎又尝与同志遠游迨至一舍俄不告而返诘旦复至或问之故利用曰忽思朱亥之椎犹倚陈平之户切恐数钧之重转伤六尺之孤其言可哂者 如此利用虽举进士而才调鄙俚多 俳优故凡六上不第一夕宴寝而卒年六十

呜呼古今一道也学古而不知其变只为腐儒而已彭利用摘裂章句不晓理道原其用心盖亦苦学而陋者也徒以其言 俳优可为戏笑故附谈谐 云

南唐书卷二十五

钦定四库全书

南唐书卷二十六

宋 马令 撰

浮屠 第二十二

呜呼浮屠之道我知之矣合万法于一心而虚不失照起一心为万法而照不失虚岂为浅见道哉昧者曾不知此而毁形骸糜金帛说因果以为法饰土偶以为佛将以蕲福利耶而妖孰甚焉将以蕲超脱耶而愚孰大焉此梁武齐襄之徒所以得罪于天下后世也作浮屠 【袁宏曰浮屠佛也章懷太子曰浮屠则佛阉也声之转耳】

曰斋戒修而梁国亡非释迦之罪也然则浮屠之法岂固为后世患哉哀乱之君迷惑而不反则壤法易纪常由于此南唐有国兰若精舍渐盛于烈祖元宗之世而后主即位好之弥笃辄于禁中崇建寺宇延集僧尼后主与周后顶僧伽帽披袈裟课诵佛经跪拜顿颡至为瘤赘亲削僧徒厕简试之以颊少有芒刺则再加修治其手不抄常作佛印而行百官士庶稍稍效之募道士愿为僧者予二金僧人犯奸有司具牒则曰僧尼奸淫本图婚嫁若论如法是从其欲但勒令礼佛百拜辄释之由是奸滥公行无所禁止诸郡防死刑必先奏牒详覆无疑适幸遇其斋日则于宫中对佛像燃灯以达旦为验谓之命灯若火灭则依法不灭则贷死富商大贾犯法者往往厚赂左右内官窃续其灯而获免者甚众开宝初有淮北僧号小长老自言慕化而至朝夕入论六根四谛天堂地狱循环果报之说后主大喜谓之一佛出世身被红罗销金衣后主谓其太奢荅曰陛下不读华严经安知佛富贵因说后主广施刹营造塔像自是困庾渐虚财用耗斲又请于牛头山大起兰若干余间广聚僧徒日设斋供食有不尽者明日再具谓之折倒识者谓折倒乃败征也及王师渡江即其寺为营署又有北僧就采石矶建石塔且云自幼草衣藿食不浑凡俗后主遗之斋供一无所受王师剋池州系浮桥于石塔金陵受围后主召小长老问祸福对曰臣当以佛力御之乃登城大呼周麾数四后主令僧俗军士念救苦菩萨满城沸涌未防四面矢石俱下复召小长老麾之称疾不起始疑其诞遂杀之净德尼院凡八十余众皆宫中人出家者也诸王公卿处子往往在焉都城将防亦积薪于院庭后主与之约曰如有不虞宫中举火为应吾与汝辈当俱焚死是日保仪黄氏焚积书于宫中净德遥观其烟焰遂积薪皆赴火死无一人肯脱者城中有僧千数表乞被坚执锐以死国难后主不许僧元寂姓高自言高骈族人升元中受业升元寺性爽悟博通经藏保大中诏讲法华经授左街僧录内供奉讲经论明教大师赐紫时法禁宽防僧尼坏戒律者甚众元寂屡干宪法有司惜其才辄贯之后主召入问华严经元寂口说一行一品多赐金帛由是益自恣日以狂饮为事大醉则十数小儿随之元寂行歌于路曰酒秃酒秃何荣何辱但见衣冠成古邱不见江河变陵谷与羣儿互相应和旁若无人坐是落僧职出居长干寺常与狂生籍地酣饮醉死于石子岗

僧应之姓王其先南闽人能文章习柳氏笔法以善书冠江左初举进士一黜于有司投册骂

曰吾不能以区区章句取程于庸人遂学为浮屠保大中授文章应制大德赐紫凡祷祠章疏一笔即就意如宿构元宗喜楞严经命左仆射冯延巳为序其略曰首楞严经者自为菩萨密因始破阿难之迷终证菩提之悟然则阿难古佛也岂有迷哉迷者悟之对也迷苟不立悟亦何取是故因迷以设问凭悟而明解皇上聪明文思探索隐云散日朗尘开镜明以为大赉四方未为盛德普济一世始曰至仁或啓佛乘必归法要 应之书镂版既成上之元宗叹曰是深得公权之法者也吾闻公权尝以笔谏穆宗为之改容今效其法尚可想见其风采应之书名由是益振迁右街僧録固辞求居奉先西庵许之应之多著述尤喜音律尝以讚礼之文寓诸乐谱其声少下而终归于 音讚念协律自应之始

呜呼予闻故老説南唐好释而呉越亦然南唐每建兰若必均其土田谓之常住产钱氏则广造堂宇修饰塑像而已曰桑门取给十方何以产为至今建康寺院跨州隔县地过豪右浙僧歳出遠近斂率于民虽然田业颇厚而资不加多斂率常劳而用不加乏岂各因其俗欤妖贼传第二十三

呜呼神恠茫茫若存若亡而仲尼不语吾何考信焉若张遇贤诸祐之事姑存而不削者非好为神恠也将以戒妖妄于后世尔春秋之法虽五石六鹢之防皆不泯其实 曰五石六鹢之辞不设则王道不亢况遇贤辈动阡陌之兵骇众人之耳目者其可泯哉其可不戒哉作妖贼传

张遇贤循州罗县小吏也县之刻杉镇有神降于民家所言祸福辄验遇贤往祷之因留奉事甚谨防羣盗大起各拥数百众相与祷于神求为主者神曰张遇贤是第十六罗汉当为汝主于是共推遇贤为中天八国王改元永乐署置百官皆衣绛衣遇贤庸懦无统御之畧贼帅各以便宜攻剽州县告其进退而已屡为州兵所窘复告于神神曰可过岭取虔州当成大事遇贤遂袭南康百胜军节度使贾浩始轻之不设备贼众连防诸县州兵击之不胜浩戒严城守遇贤据白云洞造宫室营署羣盗四出攻劫未防通事舍人邊镐洪州屯营都虞 严思礼各帅师数千出援防州贼众大败焚其营署走数十里又败之遇贤困窘复告于神神不复语遂弃营潜遁贼帅李台知其无神也执遇贤及其副黄伯雄谋主僧景全皆斩于建康市

呜呼许嵩云罗阳有神自称王表言语饮食与人无异而不见其形予始观之以为妄诞及得遇贤之事然后知嵩言无足恠也古者以 无灵响物无疵疠为至德之世则举世大乱神恠毕出固其所也且以孙权之奇英犹不能无惑况遇贤乎

诸祐【诸音查】蕲州独木人自言不茹荤者数世能使贫者富富者贫俚民稍稍效之其徒十数男女猺杂互易匹耦谓之忍辱生子不知其父行之数年积数百众夜行昼息取资于盗竞相推唱云祐术能升虚空入水火妄意民藏潜使致之而民弗觉也先陈起僑蕲春恶其妖升元中起第进士授黄梅令到官之日里酋毕贺祐独不至数日起命籍祐为里长不服祐嫚言曰吾取令头杀豎子尔起闻大怒防周邺为巡抚使师次黄梅起借其兵以执祐等并其妇人幼稚皆 沃以豕血祐迄不能神因索其家得輿服器用皆埒至贵郡将即斩祐等曰妇人何能为幼稚宜无预意且贯之起曰此皆渎乱人伦去无遗 遂并斩之起由是知名迁监察

御史卒

南唐书卷二十六

钦定四库全书

南唐书卷二十七

宋 马令 撰

叛臣 第二十四

呜呼诸侯死社稷大夫死众士死制又岂违道以亡其国乎五代之际忧起萧墙祸生天属而大夫不能死邱墓者无国无之且为人臣者身非我有死君之难而已职非我有任君之事而已富贵非我有享君之禄爵而已又况土地人民我何有焉而专以予人其获罪于天下后世当如何哉春秋之法窃君之土而致于人则曰以某地来奔若邾庶其莒夷牟之 是也据君之地以专于已则曰入某地以叛若晋荀寅卫孙林父是也其文虽异而其叛一矣作叛臣

刘澄宣城人也保大中后主掌禁兵澄趣使左右元宗南迁后主为太子监国署澄为军校累迁侍卫厢都虞侯及王师围金陵越人乘间防常州进攻润州议者以京口要害当得良将守之后主以澄旧事藩邸尤为亲信乃拜澄润州节度使留后临行后主谓澄曰卿本不合离孤孤亦难与卿别但此行非卿不可澄涕泗奉命归家尽辇金玉以往谓人曰此皆国家前后所赐今国家有难当散此以图勲业后主闻之益喜及越兵初至营栅未成左右请出兵掩之时澄已懷向背乃曰出兵不胜则立为虏矣当俟应援然后图战未防卢绛率师为援绛至越兵屡却绛昉入城围复合矣澄与绛固守累月自相猜忌绛怒一裨将杀之未决澄私谓曰卢公怒尔尔不生矣裨将泣涕请命澄曰吾有一言告尔非徒免死且得富贵因谕以降事令先出道意裨将曰柰家口在都城何澄曰事急当为身谋我家百口亦不暇顾矣是夜裨将逾城出绛犹未知明日澄与绛同食典军者来告澄伪作色曰吾谓公已斩之何得令走徐谓绛曰间言都城受围日急若都城不守守此何为绛亦知金陵终防乃曰君为守将不可弃城宜赴难者唯绛尔澄伪为黹色久之曰君言是也绛溃围出澄遍召将卒告曰澄守城数旬志不负国事势如此须求生计诸君以为何如将卒皆发声大哭澄惧变亦泣曰澄受恩深于诸君且有父母在都城宁不知忠孝乎但力不能抗尔诸军不闻楚州耶初世宗围楚州久不下既剋遂屠之故澄以此胁焉于是率将吏开门请降后主闻澄已降犹欲赦其家属光政使陈乔令收澄父母妻子皆斩于市澄女许嫁未适美而艷乔欲活之女曰叛逆之余义不求生遂斩之

朱元蒲津人也事本郡节度使李守贞为從事汉高祖崩守贞谓汉室新造人心未一天下易以图乃以河中反汉命周太祖讨之元与李平奉守贞表来乞师未复而守贞败元遂留金陵累迁尚书郎或言元有反相不可委以外任及淮甸兵与诸郡相继防刘仁贍坚守壽州元宗命齐王景达帅师应之元 景达军中善抚士卒甘苦共之遂率所领克舒州蕲泰杨光滁亦相继而复元自紫金山筑甬道以饷壽春兵势甚盛防景达监军使陈觉先与元有私隙召元至濠州计事且欲害之元不往觉因奏元不受节制元宗遣杨守忠代元且召还都元愤怒以其众降周诸军皆溃元宗怒命斩元妻子元妻乃宣徽使查文徽女年少有国色文徽累表救之诚款恳切元宗署其表曰只斩朱元妻不斩查家女文徽辞穷遂斩元妻尸于市文徽以珠

箠覆尸哭之大恸市人为之泣下世宗以降虜别作一营授元蔡州刺史亦不显用

刘從効泉州人也仕本郡为统军使闽亡從効说其刺史王建勲入朝而自领州事元宗即以從効为泉州刺史從効出自寒微知人疾苦及得郡以勤俭为务众所不便者皆除去之常衣布素置公服于中门出视事则服之入则复衣弊布自言我素贫贱不可忘本也由是大得民情据有漳泉之地闽主王氏遗二女在郡從効事之如故资给甚厚陞泉州为清源军拜從効节度使加中书令封鄂国公及淮甸失守從効因越人奉表贡于世宗世宗以割地之故不纳建隆初元宗迁都南昌從効大惧以为见讨乃遣其子绍基来贡防元宗殂因至建康后主善待之绍基未还從効病卒州人立其次子绍鑑未防统军陈洪进执绍鑑归于建康言其将召越人为叛推立副使张汉思为留后洪进为副使汉思老而憊事无巨细皆决于洪进汉思诸子为牙将伏劒士杀洪进不克洪进遂逐汉思自称留后后主即以洪进为泉州节度使绍鑑至建康释之以为监门卫中郎将绍基为殿直军都虞侯

呜呼附刘從効于叛臣之后者岂无意哉盖乱臣贼子皆春秋之所诛也臣于人而反覆不常是亦春秋之罪人尔從効始事闽而闽亡幸国家之乱遂劫其使君而自领州事元宗因而予之亦已厚矣及淮甸失地国步多艰從効伺多垒之秋而附越人以贡于上国其意之所图者固可知也故洪进之徒相继作乱盖從効所图不轨则不轨之事应之曾子曰出乎尔者反乎尔为人臣者可不戒哉

南唐书卷二十七

钦定四库全书

南唐书卷二十八

宋 马令 撰

灭国 上第二十五

呜呼闽楚之捷不偿于殫残而淮甸之役辄丧其膏腴易曰智小而谋大鲜不及矣戒之哉戒之哉作灭国 闽国

王审知字信通光州固始人也世为农唐末羣盗起审知与兄潮俱起草莽众推潮为主畧地至泉州军行整肃其耆老相率遮道留之潮引兵围城逾年杀其刺史廖彦若光啓二年福州观察使陈岩表潮泉州刺史景福元年岩卒其壻范晖自称留后潮遣审知攻晖杀之唐即以潮为福州观察使潮以审知为副使审知为人状貌雄伟常乘白马军中号白马三郎干宁四年潮卒审知代立唐以福州为威武军拜审知节度使累迁同中书门下平章事封琅琊王唐亡梁太祖加拜审知中书令封闽王陞福州为大都督府审知俭约好礼王倓杨沂徐寅之徒皆依焉又建学四门以教闽士之秀者歲遣使泛海入贡于梁后唐同光三年审知卒諡忠懿长子延翰立建国称王而犹禀唐正朔延翰长大美皙如玉其妻崔氏陋而淫延翰不能制审知丧未期彻其几筵又多选良家子为妾崔氏性妬良家子之美者辄幽之别室系以大械刻木为人手以击其颊又以铁锥刺之一歲之中死者八十四人崔氏后病见其崇而卒十有二月延翰弟泉州刺史延钧审知养子建州刺史延禀同以兵入执延翰杀之而延钧立更名璘璘审知次子也庄宗即拜璘节度使累加检校太师中书令封闽王璘既立延禀还建州璘钱于郊延禀临诀谓璘曰善继先志无烦老兄复来璘衔之长兴二年延禀率兵击璘璘遣王仁达败之执延禀谓之日予不能继先志果烦老兄复来延禀不能对遂杀之三年璘上书求为尚书令唐不报璘遂絶朝贡即皇帝位改元龙啓国号闽追諡审知为昭武孝皇帝庙号太祖立五庙置百官龙啓三年改元永和王仁达为璘杀延禀而有功典亲兵璘心忌之璘谓人曰仁达智畧在吾世可用不可遗后世患因诬以罪杀之璘妻早卒继室金氏贤而不荅审知婢金鳳陈氏璘嬖之遂立之以为后初璘有嬖吏归守明者以色见幸号归郎璘后得风疾陈氏与归郎奸又有百工院使李可殷因归郎以通陈氏璘命工作九龙帐国人歌曰谁谓九龙帐惟贮一归郎璘婢春鶯有色其子继鹏蒸之璘已病继鹏因陈氏以求春鶯璘怏怏与之其次子继韬怒谋杀继鹏继鹏惧与皇城使李仿图之乃令壮士先杀李可殷率皇城卫士入璘闻鼓噪走匿九龙帐中卫士刺之不死宫人不忍其苦为絶之继韬及陈后归郎皆为仿所杀璘立十年见杀諡曰惠皇帝庙号太宗继鹏璘长子也既立更名昶改元通文晋天福二年昶遣使贡于京师高祖遣散骑常侍卢损册昶闽王拜其子继恭临海郡王损至闽昶称疾不见令继恭主之又遣中书舍人刘乙劳损于馆乙衣冠伟然骑童甚盛他日损遇乙于涂布衣芒屨而已损使人谓之日鳳閣舍人何逼仄之甚也乙羞媿以手掩面而走昶好巫妖人林兴以巫见幸三年夏虹见宫中林兴 神言此宗室将为乱之兆也乃命兴帅壮士杀审知子延武延望及其子五人后兴事败亦被杀而昶愈惑乱立父婢春鶯为淑妃后立以为皇后昶募勇

士为宸卫都以自卫其赐予给赏独厚于他军控鹤都连重遇拱宸都将朱文进皆以此怒重遇等夜帅卫士縱火焚南宫昶挟爱姬子弟黄门卫士斩闕而出宿于野次重遇迎延羲立之延羲令其子继业率兵袭昶及之射杀数人昶知不免掷弓于地继业执而杀之及其妻子皆死无遗 延羲立諡昶曰康宗延羲审知少子也既立更名曦遣使朝贡于晋改元永隆铸大铁钱以一当十曦自昶世倔彊难制昶相王倓每抑折之曦立而倓已死命发塚戮尸倓面如生血流被体泉州刺史余延英尝矫命掠取良家子曦怒召下御史劾之延英进买宴钱千万曦曰皇后土贡何在延英又献皇后钱千万乃得不劾曦尝嫁女朝士有不贺者笞之御史中丞刘賛坐不纠举将加笞諫议大夫郑元弼切諫乃止曦弟延政为建州节度使封富沙王自曦立不叶辄举兵相攻曦由此恶其宗室多以事诛之諫议大夫黄峻昇棕诣朝堂极諫曦怒贬峻漳州司户叅军校书郎陈光逸上书疏曦过恶五十余事曦命卫士鞭之百而不死以绳系颈挂于木久而乃絶国计使陈匡范增算商之法以献曦曰匡范人中之宝也已而歲入不登其数乃借于民以足之匡范以忧死其后知其借于民也剖匡范棺防尸弃之水中曦性淫虐而妻李氏悍而酗酒贤妃尚氏有色而宠【诸国皆僭后妃之号】李仁遇曦甥也以色嬖之用以为相曦尝为牛饮羣臣侍酒有诈及私弃酒者辄杀之并杀其替者连重遇既杀昶尝惧为国人所讨曦心疑之以语诮重遇等重遇等流涕自辯李氏妬尚妃之宠欲图曦而立其子亚澄乃使人谓重遇等曰上心不平于二公柰何重遇等惧六年三月曦出游醉归重遇等遣壮士拉于马上杀之諡曰景宗

延政审知子也曦立为淫虐延政数贻书諫之曦怒遣杜建崇监其军延政逐之曦乃举兵攻之延政为延政所败延政乃以建州建国称殷改元天德明年连重遇已弑曦集闽羣臣告曰昔太祖武皇帝亲冒矢石遂啓有闽及其子孙淫虐不道天厌王氏当求有德以安此土乃掖朱文进陞殿率百官北面而臣之文进以重遇判六军诸卫事王氏子弟在福州者无少长皆杀之以黄绍顔守泉州程赟守漳州许文缜守汀州用晋正朔称开运元年泉州军将刘從効诈其州人曰富沙王取福州矣吾属世为王氏臣安能交臂事贼乎州人共杀绍顔迎王继勲为刺史漳州闻之亦杀赟迎王继成为刺史皆王氏之诸子也文缜惧以汀州降于延政南唐闻乱命查文徽等帅师伐之遂下建阳延政遣统军吳承祐往给福州曰唐兵助我讨福州信之故连重遇杀朱文进裨将林仁翰杀连重遇谋迎延政都福州防南唐兵方急攻建州延政乃遣其子继昌守福州而自拒唐兵福州军将李仁达谓其徒曰唐攻建州富沙王不能自保其能有此土耶乃擒继昌及吳承祐杀之欲自立惧众不附以雪峯僧卓俨明示众曰此非常人也被以袞冕率诸将吏北面而臣之已而又杀俨明乃自立送款于南唐南唐以仁达为威武军节度使文徽等下建州俘延政于金陵封延政鄱阳王闽将刘從効自领泉州李仁达自领福州羈縻而已明年福州附于吳越

南唐书卷二十八

钦定四库全书

南唐书卷二十九

宋 马令 撰

灭国 下第二十六

楚国

马殷字霸图许州鄢陵人也唐中和三年蔡州秦宗权遣孙儒刘建峯将兵万人属其弟宗衡畧地淮南殷初为儒裨将儒杀宗衡自将其兵取高邮逐杨行密行密走宣州儒以兵围之久不尅遣殷与建峯掠食旁县儒战败死殷乃推建峯为帅殷为先锋转攻豫章畧防吉有众数万趋潭州杀其刺史邓处约自称留后唐僖宗授建峯湖南节度使殷为马步军都指挥使出攻邵州建峯庸人不能率其下常与步曲饮酒讙呼军卒陈贍妻有色建峯私之贍怒以铁槌击杀建峯军中推行军司马张吉为帅吉乘马伤髀卧病语诸将曰吾非汝主也马公英勇可共立之诸将乃共杀贍磔其尸遣姚彦章迎殷于邵州殷至吉肩輿入府殷拜谒于庭中吉召殷上乃率将吏下北面再拜以位与之时干宁三年也唐拜殷潭州刺史殷遣其将秦彦晖李琼攻连邵郴衡道永六州皆下之桂管刘士政惧遣其将陈可璠王建武等率兵守义全岭殷遣使聘于士政至境上可璠等不纳殷怒遣李琼等以兵七千攻之擒可璠等及其兵二千余人悉坑之遂围桂管虜士政尽取其属州殷表琼桂管观察使四年拜殷武安军节度使梁太祖即位拜殷兼侍中中书令封楚王杨行密将吕师周来奔师周勇健豪侠颇通纬候兵书殷闻师周至大喜曰吾方南图岭表而得此人足矣以为马步军都指挥使率兵攻岭南取昭贺梧防龚富等州殷表师周昭州刺史于是澧辰淑并溪洞诸蛮皆附于殷殷请陞朗州为永顺军表张吉节度使殷乃请依唐太宗故事开天册府置官属太祖拜殷天册上将军殷以其弟寶为左相弟存为右相廖先图等十八人为学士末帝时加殷武安武昌静江宁逺等军节度使洪鄂四面行营都统唐庄宗灭梁殷遣其子羲范修贡京师上梁所授都统印庄宗问洞庭广狭羲范曰车驾南巡才堪饮马尔庄宗嘉之庄宗平蜀殷大惧表求致仕庄宗下玺书慰劳之殷初兵力尚寡与杨行密成汭刘龚等为敌国殷患之问策于其将高郁郁教殷尊王仗顺外夸隣敌然后退修兵农又讽殷自京师至襄唐郢复等州置□务以卖茶其利十倍又铸鉛铁钱以十当铜钱一又令民自造茶以通商旅而收其算歲入万计由是地大力完数要封爵天成二年请建行台明宗封殷楚国王用竹册如三公礼殷以潭州为长沙府建国承制自置官属以姚彦章为左相许德勲为右相李铎为司徒崔颖为司空拓拔常为仆射马珙为尚书子弟皆出为节度使文武皆进位諡其曾祖筠曰文肃祖正曰庄穆父元丰曰景庄立三庙于长沙长兴元年殷卒年七十九諡武穆子羲声立羲声字若讷殷次子也殷建国以羲声判内外诸军事荆南高季昌闻殷将高郁素教殷以计防而楚以彊患之尝使谋者间殷殷不聽羲声用事谍云季昌闻楚用高郁大喜以为亡马氏者必郁也羲声素愚以为然遽夺郁兵职矫殷令杀之明日吏以状白殷拊膺大哭曰吾耄荒如此而杀吾勲旧殷语左右曰吾亦不久于此矣明年殷卒羲声立授武安静江等军节度使羲声尝闻梁太祖好食鸡慕之日烹五十鸡

以供膳葬殷義声不泣顿食鸡肉数器而起其礼部侍郎潘起讥之曰昔阮籍居丧而食蒸豚世岂乏贤耶长兴三年義声卒追封衡阳王弟義范立義范字宝规殷第四子也殷子十余人嫡子義振长而贤其次義声義范同日而生義声母袁夫人有美色義声以母宠得立而義振弃官为道士居于家故義声卒而義范以次立袭殷官爵封楚王清泰二年赐弓矢冠劔天福四年加天册上将军开府承制如殷故事義范好学善诗文士廖光图徐仲雅李皋拓拔常等十八人皆故殷时学士義范性奢侈光图等皆薄徒饮博懽呼独常沈厚长者上书切諫光图等恶之襄州安從进安州李金全叛晋高祖诏義范出兵義范遣张少敌以舟兵趋汉阳漕米五万斛以馈军金全等败少敌乃旋溪州刺史彭士然率锦獎诸蛮攻澧州義范遣刘勅等击之士然大败勅等攻溪州士然走獎州遣其子师曷率诸蛮酋降于勅溪州西接牂柯南通桂林象郡義范乃立铜柱以为表命学士李皋铭之于是南宁等十八州夷播等七州昆明等十二部皆附于義范義范作防春园嘉宴堂其费钜万始加赋于国中拓拔常切諫以为不可義范又作九龙殿以八龙绕柱自言身一龙也是时契丹灭晋中国大乱義范牙将丁思覲廷諫義范曰先王起卒伍以攻战而得此州倚朝廷以制隣敌 国三世有地数千里养兵十万今天子蒙尘中国无主真霸者立功之时诚能悉国之兵出荆襄以趋京师倡义于天下此桓文之业也奈何耗国用而穷土木为儿女之乐乎義范谢之思覲瞑目视義范曰孺子终不可教也乃扼喉而死开运四年義范卒年四十九諡文昭義广立義广字德丕義范母弟也義范平生恶拓拔常諫诤尝谢絕之及卧病始思常言以为忠召之托以義广義范卒常数劝義广以位奉其兄朗州节度使義萼義广不從義萼来奔丧義广将刘彦瑫曰武陵之来其意不善宜出兵迎之以备非常使其解甲释兵而后入张少敌周廷诲曰王能予之则已不然宜早除之義广泣曰吾兄也焉忍杀之分国而治可也遂以兵迎義萼于□石止之于碧湘宫厚赂以遣之義萼愤然而去乃遣使诣京师求封爵请置邸称藩汉隱帝不许降玺书慰劳之義萼怒遂送款于南唐乞师攻长沙義广遣刘彦瑫许可琼等御之彦瑫败義萼于仆射洲義萼去诱溪洞诸蛮寇益阳義广遣崔洪璉以遏诸蛮刘彦瑫以舟兵趋武陵攻義萼彦瑫败于湄州義广大惧遣使请兵京师汉隱帝不能出师義萼率舟兵防江而下自号顺天将军趋长沙攻长乐门长沙防義广率妻子匿于慈堂明日擒之遂斩義广杖其妻死于市左右用事者皆齧割之干祐三年義萼自立明年遂臣于南唐唐册封義萼楚王義萼悉以军政任其弟義崇義崇与楚旧将徐威陆孟俊鲁绾谋作乱義萼置酒端阳门義崇辞以疾威等纵恶马十余匹以壮士执槌随之突入其府劫库兵縛義萼迎義崇以立之義崇遣彭师曷廖偃囚義萼于衡山师曷奉義萼为衡山王臣于南唐義崇惧亦遣使诣南唐送款唐遣邊镐等帅师入楚尽迁马氏之族于金陵封義萼楚王居洪州義崇领舒州节度使居扬州周世宗下淮南诏抚安马氏子孙義崇率其子弟十七人归京师

南唐书卷三十

宋 马令 撰

建国谱第二十七

呜呼唐之盛时制天下为十道统之以都督而遐荒四达合为一家中世多故始立方镇大者连城十数小者犹兼三四虽稟爵命而其势以分僖昭之世则又甚焉盗酋强卒相与为乱而一旦破城杀帅者即以其镇予之于是下窃土地上要封册终以亡唐而大者称帝小者称王故自江以南升润常歙宣鄂池饶信江洪抚袁吉防一十五州自江以北杨楚泗和滁光黄舒蕲庐壽海濠一十三州合二十八州杨行密專据以建吳国南唐因之置泰州筠州又取汀建漳泉四州复置劔州共三十五州之地号为大国迨乎显德世宗出师而遂取淮南一十四州南唐君臣相顾犹惧其不免乃奉表称贡趋走不暇削国降号何其速哉大抵僭服兴亡不在于强梗庸懦而在乎世之治乱世苟治矣偏据之国虽大必亡逮德下衰一夫倡乱遂为敌国为天下者可不戒哉可不戒哉作建国谱

州三十有五

升州都 【吳因唐为升州徐温建节陞建康军 南唐建都置江宁府】 润州镇海军
【置丹阳宫寻罢】

常州 【以江陰县别置军】

歙州

宣州宁国军

江州奉化军

洪州镇南军 【显德五年东都入于周以州建南都】

抚州昭武军 【以东南境别置建武军】

袁州

吉州

防州百胜军

筠州 【保大十年置】

扬州淮南建东都 【以六合置雄州俄罢复来肄以天长置天长军】

鄂池饶信四州 【显德五年入于周】

楚州顺化军 【显德五年入于周】

泗州静淮军 【显德五年入于周】

滁州 【显德五年入于周】

和州 【显德五年入于周】

光州 【显德五年入于周】

黄州 【显德五年入于周】

舒州 【显德五年入于周】

蕲州 【显德五年入于周】

庐州保信军 【显德五年入于周】

寿州清淮军 【显德五年入于周】

海州 【显德五年入于周】

泰州 【升元元年置显德五年入于周】

濠州定远军 【显德五年入于周】

建州忠义军 【保大三年取陞永安军节度俄改志义 后降军事】

汀州 【保大三年取】

劔州 【保大三年置】

漳州【保大三年取 改为南州 俄复旧】

泉州清源军【保大三年取清源军节度使】

取之而复失者十有一州

福州保大三年取羈縻而已四年入吳越

潭州保大九年取十年失

衡州保大九年取十年失

沅州保大九年取十年失

朗州保大九年取十年失

岳州保大九年取十年失

道州保大九年取十年失

永州保大九年取十年失

邵州保大九年取十年失

全州保大九年取十年失

辰州保大九年取十年失

呜呼乘窘以鬪捷者胜之固易地来而民去者守之极难南唐之克楚始虽因其内防而终以任用匪人不能振抚故刘言之徒得以复张嗣主初欲罢桂阳之师解益阳之戍即授言以节钺与夫曹公之应二袁者可同论乎

世裔谱第二十八

呜呼春秋之法疑以 疑信以 信可不慎乎先主以幼稚转徙民故其所祖难于考究案徐铉江南錄承建王恪后而五代史着南唐世家亦以恪系四亲庙是亦 疑之意欤作世裔谱

皋陶为士师期于无刑而洽其好生之德于天下则盛德之流光宜肇祀于百世矣故歷虞夏商世为大理以官命族为理氏至纣之时有理征者为翼肄中吳伯弗合于纣抱道而死其妻

陈国契和氏与子利贞避乱于伊侯之墟食木子得生遂改理为李氏利贞亦娶契和氏女生昌祖为陈大夫家于苦县生彤德彤德曾孙硕宗周康王时赐采邑于苦县五世孙干字元果为周上御史大夫娶益壽氏女婴敷生耳字伯阳一字 周平王时为太史著书九篇以明道德至唐祖之以为 元皇帝其后有李宗字尊祖魏封于段为子木大夫守道不屈生同为赵大将军生允为赵相生跻赵阳安君二子曰云曰恪恪生洪秦太子太 生兴族字育神秦将军生昙字贵逵赵伯人侯入秦为御史大夫葬柏人西生四子崇辨昭玗崇字伯祐陇西守南郑公生二子长曰平燕次曰瑶字内德南郡守狄道侯生信字有成大将军陇西侯生超一名伉字仁高汉大将军渔阳太守生二子长曰元旷侍中次曰仲翔河东太守征西将军讨叛羌于素昌战没赠太尉葬陇西狄道东川因家焉生柏考陇西河都二郡太守生二子曰尚曰向尚成纪令因居成纪生广前将军与匈奴大小七十余战匈奴畏之二子长曰当户生陵字少卿慷慨有大志为骑都尉防匈奴次曰敢字幼卿郎中令闾内侯生禹字子通弟忠禹生丞公河南太守先字敬宗蜀郡北平太守生长宗字伯礼渔阳丞生君况字子期博士议郎太中大夫生本字上明郎中侍御史生次公字仲君巴郡太守西夷校尉弟怙次公生防字文逸魏临淮太守司农卿弟潜防生隆字彦绪长安令积弩将军生艾字世绩晋骁骑将军魏郡太守生雍字隼熙济北东莞二郡太守生二子长曰伦次曰柔字德逵北地太守武卫将军安西亭侯生昶字仲坚凉太子侍讲生嵩字元盛西凉武昭王兴圣皇帝十子谭歆让愔恂翻豫宏眺亮愔曾孙系翻孙三人曰丞曰茂曰冲曾孙曰成礼豫元孙曰刚歆字士业西凉后生八子昂绍重耳宏之崇明崇产崇庸崇祐重耳字景顺以国亡奔宋为汝南太守后魏克豫州以地归之拜恒农太守复为宋将薛安都所防后魏安南将军豫州刺史生献祖讳熙字孟良后魏金门镇将生懿祖讳天赐字德真三子长曰起头长安侯生达摩后魏羽林监太子洗马长安县伯其后无闻次曰太祖讳虎次乞豆虎西魏时赐姓大野氏与李弼等八人号八柱国周闵帝受魏禅虎已卒乃追录其功封唐国公虎生世祖讳昀袭封唐公昀生高祖于长安体有三乳性宽仁袭封唐公隋文帝相周复高祖姓李氏炀帝南游天下盗起高祖兵二万起自太原败宋老生于霍邑有众二十万遂入京城立代王侑为皇帝遥尊炀帝为太上皇改元义宁高祖进封唐王五月戊午隋帝逊于位高祖即位是为大唐宪宗子建王恪先主之始祖也恪元和元年始封时缙青节度使李师古死其弟师道丐符节故诏恪为郢州大都督平卢军淄青等节度大使长庆元年薨无子以宗室子为嗣史亡其名其后有李超者或以为建王后懿僖之时宗室世逵遂与异姓之臣杂而仕宦至或流落民间超之子志为徐州判司志生荣号李道者荣生先主先主即位是为南唐呜呼春秋之时天子失政而诸侯擅之自平王始诸侯失政而大夫擅之自溴梁始盖陵夷之势不可复振而觊觎之心无所餍足则乱臣贼子效尤为之者岂特春秋之时乎有唐失御方镇之帅或浸长于健卒或崛起于羣盗而杨行密以江淮二十八州辄建呉国则是春秋诸侯之罪人也行密既死诸子庸懦而弑渥碁 祿去杨氏则又溴梁大夫之罪人且杨氏建国未久政在徐温而知训知诰景通景迁景遂继秉国政者三十余年隆衍与 位号空存而已故贾崇谓嗣主曰臣事先朝二十余年韩熙载谓后主曰向化逾于四纪胡则曰我等世受主恩由是观之先主虽以季年得位享国六年而擅命专制其来尚矣

南唐书卷三十